


দেবদীন ।



গুরুদ্বার বা গুরু রাম রায়ের মন্দির

দেবোদ্বৈন মহুরি ও হরিদ্বার।

শ্রীনৃপেন্দ্রনারায়ণ দত্ত'
প্রণীত ।

কলিকাতা ;
নং ১২৯ শ্যামবাজার ষ্ট্রীট হইতে
শ্রীনলিনীন্দ্রনাথ ঘোষ কর্তৃক
প্রকাশিত ।

উইক্লি নোটস্ প্রিন্টিং ওয়ার্কস্,

কলিকাতা ;

৩ নং হেষ্টিংস্ স্ট্রীট্ ।



মুখরন্ধ

ইংরাজী বা বাঙ্গালায় যাহারা দেৱাছন সম্বন্ধে কিছু লিখিয়াছেন, তাঁহারা সকলেই স্বর্গীয় জি. আর. সি. উইলিয়ম্স প্রণীত “Historical and Statistical Memoir of Dehra Doon” নামক পুস্তকখানি অবলম্বন করিয়াছেন। এমন কি, গভর্মেণ্টের অনেক রিপোর্টে ও ঐতিহাসিক হণ্টার প্রণীত Imperial Gazetteerএ এই প্রদেশসম্বন্ধীয় অনেক তথ্য ঐ পুস্তক হইতে সংকলিত হইয়াছে। সুতরাং মৎসদৃশ ক্ষুদ্র লেখকের ঐ পুস্তক অবলম্বন করিয়া লেখা ভিন্ন গতান্তর কোথায় ? কিন্তু স্বর্গীয় উইলিয়ম্সের প্রাপ্ত পুস্তক বহুকাল হইল রচিত হইয়াছে ; ঐ পুস্তক-রচনার পর দেৱাছন সহরের অবস্থার অনেক পরিবর্তন ও উন্নতি হইয়াছে ; সুতরাং দেৱাছনের বর্তমান অবস্থা ঐ পুস্তক হইতে অবগত হওয়া যায় না। ১০ সেই জন্ত আমি ই. টি. এটকিন্সন কর্তৃক সংগৃহীত Gazetteer of N.-W. P., দেৱাছনের ভূতপূর্ব সুপারিন্টেণ্ডেন্ট বেকারের Settlement Report প্রভৃতি পুস্তক ও স্বকীয় সামান্য অভিজ্ঞতাবলম্বনে দেৱার এই প্রাচীন ও আধুনিক চিত্র অঙ্কিত করিয়াছি। বাহ্য-ভয়ে আত্মপূর্বিক ঘটনা বিশদীকরণের প্রয়াস পাই নাই ; এবং সে বিষয়ে কোন প্রয়োজনও, উপলব্ধি করি নাই ; বঙ্গ-সমুৎকীর্ণ মণিতে স্ত্রের ত্রায় প্রবেশ করিয়া দেৱার বর্তমান অবস্থার কিঞ্চিৎ আভাষ-প্রদান ভিন্ন কোন পূর্ণাবয়ব ইতিহাস রচনা এই সামান্য গ্রন্থের উদ্দেশ্য নহে।

মসুরি ও দেৱা বিভিন্ন নগর হইলেও, পরস্পর এত ঘনিষ্ঠ সম্বন্ধে আবদ্ধ, যে উভয়কে উভয়ের উপকর্ণস্বরূপ গণ্য করা যায়। সুতরাং দেৱাছনের সহিত মসুরির বিষয়ও কিছু বলা প্রয়োজন মনে করিয়াছি।

হরিদ্বারের ইতিহাস লিখিবার চেষ্টা করি নাই ; এই প্রাচীন নগরের ইতিহাস অপেক্ষা তীর্থ-মাহাত্ম্যই সুবিশ্রুত ; সুতরাং ইতিহাস ত্যাগ করিয়াছি। ইংরাজী ভাষায় প্রত্যেক বিশিষ্ট দেশের

Guide Book আছে ; কিন্তু হিন্দুর তীর্থের, বিশেষতঃ যে তীর্থে
 খেতাব্দের বসতি নাই, সেই সকল তীর্থের Guide Book নাই বলিলেই
 হয় ; অন্ততঃ বাঙ্গালা ভাষায় এই শ্রেণীর পুস্তক যে নিতান্ত বিরল,
 সে বিষয়ে সন্দেহই নাই। এই অভাব-মোচনের অভিপ্রায়ে আমি
 পরিচয়-পুস্তকের ছায়া হরিদ্বারের যে বৃত্তান্ত লিপিবদ্ধ করিয়াছি, তাহা
 পাঠকবর্গের প্রীতিপ্রদ হইবে কি না, বলিতে পারি না।

প্রবৃত্তির কূটতর্কে পাঠকের ধৈর্য্যচ্যুতি ঘটবার সম্ভাবনা, এই
 আশঙ্কায়, যতদূর সম্ভব, সে পথ ত্যাগ করিয়াছি। •

সংস্কৃত কলেজের সুরোগ্য অধ্যক্ষ মহামহোপাধ্যায় শ্রীযুক্ত পণ্ডিত
 হরপ্রসাদ শাস্ত্রী, এম্. এ., ইম্পিরিয়াল লাইব্রেরীর অধ্যক্ষ শ্রীযুক্ত ম্যাক্-
 ফারলেন্ এবং দেৱাছন-নিবাসী রায় সাহেব শ্রীযুক্ত উপেন্দ্রনাথ
 কাজিলাল, এফ্. এল্. এস্. ও শ্রীযুক্ত ঈশানচন্দ্র দেব, এম্. এ. এই
 পুস্তক-প্রণয়ন-কালে স্থানীয়-তথ্য-সংগ্রহে সাহায্য করিয়া এবং পিপ্ল
 ও প্রতিবাসী-সম্পাদক শ্রীযুক্ত শ্রামসুন্দর চক্রবর্তী ও সাহিত্য-সম্পাদক
 শ্রীযুক্ত সুরেশচন্দ্র সমাজপতি প্রফ্-সংশোধনে সাহায্য করিয়া আমার
 বিশেষ ধন্যবাদভাজন হইয়াছেন।

এই পুস্তকে কয়েকখানি চিত্র সন্নিবেশিত করিয়াছি। শ্রীযুক্ত উপেন্দ্র-
 নাথ কাজিলাল, শ্রীযুক্ত সতীশচন্দ্র দত্ত ও শ্রীযুক্ত সুরেশচন্দ্র সমাজপতি
 ঐ চিত্রগুলি সংগ্রহ করিয়া না দিলে আমার পুস্তকখানি চিত্রিত হইত
 না ; সুতরাং ঐ চিত্রের নিমিত্ত যদি পুস্তকের কিছু সৌন্দর্য্যবৃদ্ধি হইয়া
 থাকে, তবে তাহা সম্পূর্ণ উক্ত মহোদয়গণের অনুরূপে।

এই আমার প্রথম উত্তম,—আশা করি, ভ্রম প্রমাদ প্রভৃতি
 সুধী-সমাজের মার্জনীয় হইবে। ইতি—

মজিলপুর।

সন ১৩১১ সাল।

শ্রীনৃপেন্দ্রনারায়ণ দত্ত।

উৎসর্গ

অপার প্রীতির ভাজন, অতুলপ্রণয়াম্পদ,

• বিদেশ-ভ্রমণে চিরসহচর,

অভিন্নহৃদয়

স্বহৃদ

শ্রীযুক্ত বিজয়চন্দ্র দত্তের

করকমলে

দেবোদ্দেশে সযত্ন-রক্ষিত বৃক্ষের

প্রথম ফলস্বরূপ

আমার প্রথম উত্তমের ফল

এই অকিঞ্চিৎকর গ্রন্থ

সাদরে

অর্পিত হইল ।

মজলপুর ।
সন ১৩১১ সাল ।

}

শ্রীনৃপেন্দ্রনারায়ণ দত্ত ।

অম-সংশোধন ।

পৃষ্ঠা	পংক্তি	অমুদ্র	ওদ্র
৩	৬	জাগ্রত-গকী-কলগবে	জাগ্রত-গকি-কলগবে
১৬ }	১৮ }	বর্তমান	বর্তমান
৩	২০	ঐতিগদ	ঐতিগ্রদ
৩ }	২৩ }	ভাগিরথী	ভাগীরথী
৪ }	৪, ৬ }	অজগর	অজগর
৭	৬	যন্তিসহস্র	যন্তিসহস্র
৮	১১	হুত-হত্যাশন-সদৃশ	হুত-হত্যাশন-সদৃশ
৮	১৯	বিদ্যমান	বিদ্যমান
৯	৩	বোগিবর	বোগিবর
১২	৮, ৯	মিসাসো	মীমাসো
১৩	১৪	উপসদ্ব	উপসদ্ব
২৭	৩	মত্রীসভা	মত্রীসভা
২৮	১৩, ১৮, ১৯	-পুষ্পভবকাবন্দ্রা-	-পুষ্পভবকাবন্দ্র-
৩৮	৭	অপেক্ষ অধিকা	অপেক্ষা অধিক
৩৮	১৪	সবলে	সকলেই
৪৭	১৬	দগন্ত	দগণ্য
৫১	৯	শতচ্ছিবৃত্ত	শতচ্ছিবৃত্ত
৫৩	১৯	তোরা:	তোরা
৫৩ }	১১, ১৭ ।	অত্রবনে	অত্রবণে
৫৩ }	১৬ . ।	সঙ্গীগণ	সঙ্গিগণ
৫৯	১২	সহবাত্রীবর্গ	সহবাত্রিবর্গ
৬০	২	শিরিতরঙ্গিনী-	শিরিতরঙ্গিণী-
৬০	১৬	দর্শনাস্তর	দর্শনানস্তর
৬৩	১	প্রদান করিতে	প্রদান করিতে করিতে
৬৪	৮	আরজিক	আরাজিক
৬৪	৮-৯	অস্তর	অস্তর
৬৪ }	১৫, ১৬ }	অব্যবিক	অব্যবিক
৬৬ }	১৩ }	অব্যবিক	অব্যবিক
৭৬	২	মহা-	মহানারার
৭৭	৯	সমোহুত	সমোহুত
৭৮	১৮		
৯১	২০ ৫		
৯৫	১৬		

সূচীপত্র ।

দেরাছুন

উপক্রমণিকা

দেয়ার পথ—প্রাচীন ও বর্তমান ...	১
জেলার চতুঃসীমা ...	৩
প্রাকৃতিক বিবরণ ...	৪
পর্বত ও পর্বত-সঙ্কপথ ...	৫
নদী ...	৬
বৃক্ষাদি ও জীব জন্তু... ..	৭

পুরাবৃত্ত ।

মহাভারত ও রামায়ণ ...	৮
খালসি শিলালিপি • ...	৯
বজ্রারা ...	১১
গড়ওয়াল রাজ্যের বিবরণ ...	১১
রাজা ভোগদত্ত ...	১২
রাজা অজয় পাল ...	১৩
দারা-পুত্র সোলিমান ...	১৫
শিখগুরু হর রায় ...	১৬
গুরু রাম রায়... ..	১৬
গুরু হর রায়ের মৃত্যু... ..	১৭
গুরু হরকিষণ ...	১৭
হরকিষণের মৃত্যু ...	১৮
গুরু তেগবাহাদুর ...	১৮
গুরু গোবিন্দ ...	১৯
রাম রায়ের পঞ্চাব-ত্যাগ ও দেয়ায়	
আশ্রম-নির্মাণ... ..	২০
রাজা কতে সাহ ...	২০
রাম-রায়ি সম্প্রদায় ...	২০
দেরাছুন নামের অর্থ ...	২০
রাম রায়ের দেহত্যাগ ...	২১
রাম রায়ের ধর্মমত ...	২১
উদাসী সম্প্রদায় ...	২১

অকালী সম্প্রদায়	২২
অকালীদিগের সহিত 'রামরায়ি'-	
দিগের মতভেদের কারণ ...	২২
মোহান্ত হরপ্রসাদ, হরসেবক,	
শ্রদ্ধাপদাস ও প্রীতমদাস... ..	২২
রাজা প্রদীপ্ত সাহ	২২
নাজীবুদ্দৌলার দেয়া আক্রমণ ...	২৩
নাজীবের শাসনকালে দেরাছনের	
সমৃদ্ধি	২৩
নাজীবের মৃত্যুর পর দেরাছনের	
হুর্দিশা	২৩
রাজা পদ্মিমান সাহ	২৪
গোলাম কাদেরের অত্যাচার ...	২৪
কাপ্তেন হাদ্দিকের গড়ওয়াল গমন	২৫
হাদ্দিক-বর্ণিত রাজা ও রাজ্যের বৃত্তান্ত২৫	
গড়ওয়াল-রাজধানী ত্রীনগরের তদানীন্তন	
অবস্থা	২৬
রাজস্ব	২৬
খনিজ দ্রব্যাদি ও ব্যবসায় বাণিজ্য...২৬	
সৈন্য ও শাসন-প্রণালী	২৭
গুরুত্ব কর্তৃক দেয়া আক্রমণ ও দখল	২৯
পদ্মমানের মৃত্যু	২৯
দেশের হুর্দিশা ও দাস-ব্যবসায় .	২৯
কীর্তিপুর-ধ্বংস-কাহিনী	৩০
গুরুত্ব-যুদ্ধের কারণ	৩১
ইংরাজের পরাভব ও ইংরাজ	
সেনাপতি জিলিসুপির বীরত্ব... ৩২	
গুরুত্ব সেনাপতি বলভদ্রের বীরত্ব... ৩৪	
ইংরাজের জয় ও কালিকা দুর্গের ধ্বংস ৩৫	
কল্যাণ দহা	৩৫
কুমার দহা	৩৬

বর্তমান অবস্থা।

জেলায় বিভাগ	৩৭
সহরের পথঘাট	৩৮
বাজার	৩৮
অধিবাসী	৩৯
বিদ্যালয়াদি	৩৯
ইয়াকুব খাঁ	৪০
ইম্পিরিয়াল ক্যাডেট কোর্স	৪০
মিউনিসিপালিটি	৪০
আদালতাদি	৪০
জমিদার ও প্রজা	৪১
শস্ত্রাদি	৪২
ফল	৪৩
জলবায়ু	৪৩
গ্রাম্য পশু	৪৪

জাতি	৪৪
ধর্ম ও আচার পদ্ধতি	৪৭
বনবিভাগ ও ফরেস্ট স্কুল	৪৮
ফরেস্ট স্কুল মিউজিয়াম	৪৯
ত্রিকোণমিতি-জরীপ-বিভাগ	৪৯
দেৱী সহরের জল সরবরাহ	৪৯
দ্রষ্টব্য স্থানাদি।			

সহস্রধারা	৫১
গন্ধকের উৎস	৫৭
দহ্ম-গুহা বা গুহাপানি	৫৮
টপকেশ্বর	৬২
নালাপানি	৬৫
জিলিসুপি ও বলভয়ের মন্দির	৬৭
রাম রায়ের মন্দির	৬৮
থাণ্ডা মেলা	৬৯

মহুরি

মহুরি বাইবার পথ	৭
পথঘাট	৭
লাইব্রেরী	৭৭
ক্যামেল ব্যাক	৭৭
ল্যাণ্ডর বাজার	৭৮
লালটিকরা	৭৮
হাপি ভ্যালি	৭৯

যমুনায় বোলা পুল	৮০
কেমটী প্রপাত	৮০
বোটানিক্যাল গার্ডেন	৮১
মিউনিসিপালিটি	৮১
জলবায়ু	৮১
অধিবাসী	৮১

হরিদ্বার

আভাষ	৮২
ব্রহ্মকুণ্ড	৮৬
কুশাবর্ত	৮৭
সর্বনাথ	৮৮
নারাদেশী	৮৮
রাজপথ	৮৯
বাজার	৮৯
ভীমঘোড়া	৯০
দশাভতারের মন্দির	৯০
বিষ্ণুকেশ্বর	৯০

কনখল	৯১
দক্ষেশ্বর ও সতীকুণ্ড	৯১
নীলধারা	৯২
চণ্ডী পাহাড়	৯২
মিউনিসিপালিটি	৯৩
জলবায়ু	৯৩
নাম	৯৪
মাহাত্মা	৯৫
গঙ্গাতীরের দৃশ্য	৯৫



দেৱাভূন ।

বহুদিবস হইতে প্ৰিয়জনবৰ্গেৰ নিকট সুদূৰ দেৱাভূনেৰ
• সুখ্যাতি শ্ৰবণ কৰিয়া ঐ প্ৰদেশ দেখিবাব বাসনা
উপক্ৰমণিকা । অত্যন্ত বলবতী হয় । কিন্তু বৎসৰ বৎসৰ নানা
প্ৰতিবন্ধকতা-বশতঃ ইচ্ছা পূৰ্ণ হয় নাই । অবশেষে গত বৎসৰ
নানা বাধা বিপত্তি অতিক্ৰম কৰিয়া ষোড়শাদীয়া মহাপূজাবসানে
আত্মীয়-স্বজনগণেৰ নিকট বিদায় লইয়া একাদশীৰ দিনে ‘বন্ধে-
মেলে’ যাত্ৰা কৰিলাম । হাবড়া ষ্টেশন লোকে লোকাৰণ্য—দাঁড়া-
ইবাৰ স্থান নাই—বহুকষ্টেৰ পৰ আমৰা যে গাড়িতে বাইব
তাহা খুঁজিয়া পাইলাম । কেবলমাত্ৰ বন্ধেমেলেই দেৱাভূন বাই-
বাৰ জন্ত একখানি প্ৰথম, একখানি দ্বিতীয় ও একখানি মধ্যম ও
তৃতীয় শ্ৰেণীৰ ‘থ্ৰু’ গাড়ি থাকে যাহা একেবাৰে দেৱাভূনে পৌঁছিয়া
দেয় । এই সকল নিৰ্দিষ্ট গাড়িতে উঠিলে মোগলসৰাইএ
বা লুক্সৰে গাড়ি বদল কৰিতে হয় না, নচেৎ অন্ত ট্ৰেণে বা
গাড়িতে উঠিলে মোগলসৰাইএ নামিয়া ‘আউদ্ ৱোহিলখণ্ড’ ৱেলে
উঠিতে হয়, তাহাৰ পৰ লুক্সৰে নামিয়া দেৱাভূনমুখী ট্ৰেণে উঠিলে

দেৱাছুন সহরে পৌঁছিয়া দেয়। পূৰ্বে দেৱাছুনে
পূৰ্বেৰ পথ।

যাইতে হইলে সাহাৱাণপুৰ পৰ্য্যন্ত ৱেলে যাইয়া
তাঁহাৰ পৰ ঘোড়াৰ গাড়িতে যাইতে হইত, কিন্তু হৰিদ্ভাৱ ষ্টেশনেৰ
পৰ ৱেল কোম্পানী পৰ্ব্বত ভেদ কৰিয়া দুইটি সুড়ঙ্গ বা

‘টনেল’ প্ৰস্তুত কৰায় এখন ৱেলে কৰিয়াই বৰাবৰ
টনেল।

দেৱায় যাওয়া যায়। এই টনেল দুইটাৰ মধ্যে
এত অন্ধকাৰ যে দ্বিপ্রহৰেৰ সময়ও ইহাদেৱ মধ্য দিয়া ট্ৰেণ
যাইলে গাড়িৰ ভিতৰে কোন পদাৰ্থই দৃষ্টিগোচৰ হয় না। যাহা
হউক বেলা ৩টাৰ সময় প্ৰাচীন লক্ষ্মণাবতী পৌঁছিলাম। তথায়
তিন দিন মাত্ৰ থাকিয়া ‘দেৱাছুন সহরে যাইবাৰ’ জন্ম বেলা
৩টাৰ মেলে পুনৰায় উঠিলাম। ; এবাৰে গাড়িতে কোনও
জনতা ছিল না, সুতৰাং বেশ নিৰ্জনে লক্ষ্মণাবতীৰ পুৰাতন স্মৃতি,
অতীত গৌৰৱ চিন্তা কৰিতে কৰিতে চলিলাম। শেষৰাত্ৰে
হঠাৎ শীত বোধ হইল—এবং গাড়ি যতই চলিতে লাগিল
ক্ৰমশঃ শীতৰ বৃদ্ধি বৈ হ্ৰাস হইল না। প্ৰথমে মনে হইল
বুৰি আমাৰ জ্বন হইয়াছে নচেৎ এত শীত কৰিবে কেন ?
কিন্তু পৰক্ষণেই জানালা খুলিয়া যাহা দেখিলাম তাহাতে শীতৰ
কাৰণ বুঝিতে পাৰিলাম। দেখিলাম দূৰে অনন্ত-পৰ্ব্বত-
শ্ৰেণী পৃথিবীৰ মানদণ্ড দেবভূমি হিমালয়েৰ প্ৰত্যন্ত-দেশ দিয়া
এই বাম্পীয় শকট দ্ৰুতবেগে চলিতেছে। ৰাত্ৰি তখন ৩টা।
ক্ষীণচন্দ্ৰালোকে নিবিড় অরণ্য, শীৰ্ণা নদী, হিমালয়েৰ অন্ধ
চিত্ৰেৰ স্তায় শোভা পাইতেছে, সেই নীৰৱ নিস্তন্ধ শেষৰাত্ৰে
সেই নীল, গিৰি-শ্ৰেণী, গভীৰ বিজ্ঞান অরণ্যানী, উপল-খণ্ড-

প্রতিহত নির্ঝরিণী কত মহামহিমময় দেখাইতে ছিল তাহা বর্ণনা করা অসম্ভব। ক্রমে ঐ অভ্রভেদী ভূধর-মালা ভেদ করিয়া রাত্রি ষোল্ল সময় আমরা দেবদুনে উপস্থিত হইলাম। একখানি টাঙ্গা করিয়া আমাদের বাসায় আসিয়া পৌঁছিলাম। ক্রমে প্রভাত হইল। পূর্বদিকে উষার রক্তিমচ্ছটা দেখা দিল। জাগ্রত-পক্ষী-কলরবে প্রভাত-বায়ু-স্পর্শে পাদপ-শ্রেণী সজীব হইয়া উঠিল। কুজ্বাটিকা যরনিকার গায় ক্রমে অপূহত হইল—ক্রমে একটির পর একটি, তাহার পর আর একটি করিয়া অচল শৃঙ্গ নয়ন-পথে পতিত হইতে লাগিল। দেখিলাম চতুর্দিকে গগনস্পর্শী পর্বত-মালা, শৃঙ্গের পর শৃঙ্গ, যতদূর নয়নগোচর হয় কেবল অনন্ত অচল অটল ভূধরশ্রেণী জগৎ-পাতার অনন্তকীর্তিস্তম্ভ স্বরূপ দণ্ডায়মান রহিয়াছে।

এই নয়ন-মনোহর দৃশ্য আমি আপনা-হারা হইয়া দেখিতে লাগিলাম—আমার হৃদয় অভূত-পূর্ব শান্তিরসে পরিপ্লুত হইল। ইচ্ছা হইল যে যখনই এই কস্মাক্ষেত্র হইতে অবসর পাইব তখনই প্রকৃতির এই নির্জ্ঞনাবাসে আশ্রয় গ্রহণ করিব। এই ভাবিয়া যতদিন তথায় ছিলাম তত দিনই উহার পূর্বকথা, প্রাকৃতিক বিবরণ, বর্তমান অবস্থা প্রভৃতি যথাসাধ্য সংগ্রহ করিয়াছিলাম। আজ সেই সমুদয় বৃত্তান্ত লিপিবদ্ধ করিলাম। জানিনা পাঠক বর্গের প্রীতিপদ হইবে কি না।

স্বভাবের লীলা-ভূমি, দিগন্ত-প্রসারী শিবালিক পর্বতের উপত্যকা-সন্নিবিষ্ট এই সাধুজন-মনোমোহন, ভাগিরথী-নির্ব্বার-শীকর-সম্পৃক্ত, বৃক্ষ-লতা-সমাকীর্ণ, বিহগ-

কাকলী-সঙ্কুল, সুরম্য কাননকে প্রকৃতি-দেবী সংসারের তীব্র কোলাহল, ঘেঘাঘেঘি, বিবাদ বিসম্বাদ হইতে যেন রক্ষা করিবার জন্তই অতি যত্নে ক্রোড়ে করিয়া লুকাইয়া রাখিয়াছেন। এই প্রদেশের উত্তরে হিমালয়, দক্ষিণে শিবালিক, পূর্বে ভাগিরথী ও পর পারে ব্রিটিশ ও স্বাধীন গড়ওয়াল এবং পশ্চিমে যমুনা। এক প্রাকৃতিক দিকে পবিত্র-সলিলা ভাগিরথী, অপর দিকে প্রসন্ন-বিবরণ। তোয়া যমুনা হিমালয়ের কোন নিভৃত কন্দর হইতে বহির্গত হইয়া এই প্রদেশের ক্ষেত্র সকল প্লাবিত করতঃ সাগরাভিমুখে ধাবিত হইতেছে। দক্ষিণে হিমালয়ের অংশ-বিশেষ শিবালিক পর্বত উহাকে বেষ্টিত করতঃ দুইটি বৃহৎ উপত্যকা উৎপাদন করিয়া ইহার পশ্চিমাংশকে নিম্নস্থ উর্বর সমতল ক্ষেত্র হইতে পৃথক করিয়া দিয়াছে। এই শিবালিক এবং হিমালয়ের মধ্যবর্তী উপত্যকার এক অংশকে ‘পূর্ব-দুন’ ও অপর অংশকে ‘পশ্চিম-দুন’ কহে। পূর্ব-দুন ক্রমশঃ গঙ্গাভিমুখে নিম্নতর হইয়াছে এবং পশ্চিম-দুন গভীর-অরণ্যানী-পরিব্যাপ্ত হইয়া যমুনাভিমুখে গমন করিয়াছে। এই প্রদেশ এবং গড়ওয়াল রাজ্যের মধ্য দিয়া কলুষ-নাশিনী জাহ্নবী উপল-খণ্ড-প্রতিহত উৎফুল্ল-জল-রাশি লইয়া নিরন্তর-স্নিগ্ধ-নীল-পরিসরারণ্য-গিরি-কন্দর কল-নাদে মুখরিত করিয়া, কোথাও হংস-কারুণ্যবাদি জলচর পক্ষী-সমূহের কাকলী-সঙ্কুল ফল-পুষ্প-শোভিত ক্ষুদ্র ক্ষুদ্র দ্বীপপুঞ্জ বেষ্টিত করিয়া বেগভরে ভারতের পূণ্যক্ষেত্র হরিদ্বারের পাদদেশ বিধৌত করিয়া প্রবাহিত হইতেছে। নিম্নল-সলিলা নীল-বসনা কল-নাদিনী যমুনা বেগভরে ইহার দক্ষিণ-পশ্চিমাংশ প্লাবিত করিয়া দিল্লির সম্রাট-

দিগের মৃগয়া-ভূমি সাহারণপুরের অন্তঃপাতী বাদসামহল নামক নগর দিয়া প্রধাবিত হইয়াছে। উক্তরে বিশাল 'জনসর বাওর' নামক পর্বত তমসা এবং যমুনার মধ্যবর্তী উপত্যকা ব্যাপিয়া রহিয়াছে।

এই প্রদেশে হিমগিরির অংশ মন্সুরি, শিবালিক, এবং নুয়াদা বা নাগসিদ্ধ পর্বতই প্রধান। মন্সুরি (লোকে মন্সুরি পর্বত। 'মন্সুরি' বলে) প্রায় ৭৫০০ ফুট উচ্চ। ইহার সান্নিদেশ গভীর অরণ্যে পরিব্যাপ্ত কিন্তু উচ্চ শৃঙ্গ সকল প্রায় পাদপাদিশূন্য তবে কোন কোন স্থানে বিখ্যাত রডোডেন্-ড্রন এবং ওক প্রভৃতি বিরল বৃক্ষাদি দেখিতে পাওয়া যায়। শিবালিক পর্বত হিমালয়ের সহিত প্রায় সমান্তরাল-ভাবে শিবালিক পঞ্চনদের বিপাক্ষী তীর হইতে ননিতাল পাহাড়ের পর্বত। নিম্নে কাষ্ঠগুদাম পর্য্যন্ত গিয়াছে। এই পর্বত দীর্ঘে প্রায় ৪০০ মাইল, প্রস্থে ১০ মাইল ও উচ্চে ৩৫০০ ফুট হইবে। এই পাহাড়ে সাল, সাঁই, পাইন প্রভৃতি বৃক্ষ আছে। দেরাডুন সহরের ৫ মাইল দক্ষিণ-পূর্বে নুয়াদা বা নুয়াদা বা নাগসিদ্ধ নামক অনুচ্চ পর্বত অবস্থিত। পুরাকালে নাগসিদ্ধ গড়ওয়াল রাজ্যের রাজ-প্রতিনিধিরা এই স্থানে বাস করিতেন।

এই প্রদেশে আসিবার দুইটি পাস (pass) বা পর্বত-পর্বত-রন্ধু-পথ আছে। একটি যমুনার ৭ মাইল দূরে পথ। অপরটি যমুনা এবং গঙ্গার মধ্যবর্তী স্থানে। প্রথমটির নাম 'তিম্লি' পাস ও দ্বিতীয়টির নাম 'খেরি' বা 'মোহন' পাস।

গঙ্গা, যমুনা, অসন, সং, স্তম্ব, টন্সি* প্রভৃতি নদী দ্বারা
এই প্রদেশের জল সরবরাহ হয়। ‘গঙ্গা’ উৎপত্তি-
নদী।

স্থান হইতে ১৬৫ মাইল আসিয়া ত্রিলোক-প্রসিদ্ধ
বাসাশ্রম তপোবন দিয়া দেৱাতুলে প্রবেশ করিয়াছে। আর
‘যমুনা’ ১১০ মাইল আসিয়া এই দেশ দিয়া প্রধাবিত হইয়াছে।
‘স্তম্ব’ নদী ভীমতাল নামক হ্রদের নিকট বহির্গত হইয়া গঙ্গায়
মিলিত হইয়াছে। উহার ৬ মাইল দূরে, ‘সং’ নামক নদী
ইহার সহিত মিলিত হইয়া কালঙ্গার নিকট দিয়া প্রবাহিত
হইয়াছে। ‘অসন’ নদী ২১২১ ফুট উচ্চ হইতে নির্গত
হইয়া ৬৫২ ফুট উচ্চ স্থানে যমুনার সহিত সঙ্গত
হইয়াছে। ইহার শাখা ‘টন্সি’ (ঐটীন তমসা)* ভীমতালের
সন্নিকটে ইহার সহিত মিলিত হইয়াছে। গ্রীষ্মকালে ইহা
প্রায় শুকাইয়া যায়—কোথাও পর্বতমূলে জল দেখা যায়—
অতঃপর উহা কোথায় অন্তর্হিত হয় তাহা বলা যায় না। যে
স্থানে জল থাকেনা সে স্থানে গভীর করিয়া কূপ খনন
করিলে জল পাওয়া যায় না। সোর সাহেব তাঁহার কাছারির
নিকট প্রায় ১১০০০ হাজার টাকা ব্যয় করিয়া ২২৮ ফুট
খনন করিলে পর জল পাইয়াছিলেন।

বর্ষাকালে গঙ্গা ও যমুনার স্রোত এত প্রবল হয় যে
কিছুতেই পার হওয়া যায় না। তপোবনের নিকট গঙ্গার
উপর একটি দড়ির শাঁকো ও খালসির নিকট যমুনার উপর

একটি লৌহ সেতু আছে। শেযোক্ত সেতু দীর্ঘে
সেতু। ৩৮৩ ফুট ও প্রস্থে ১০ ফুট।

এই প্রদেশের অরণ্যে দেবদারু, ওক, শাল, টুন, শিশু,
টীর, ক্ষীর, শিরীষ, সাঁই প্রভৃতি নানা প্রকার বৃক্ষ—
বৃক্ষাদি। বৃহৎ মাতঙ্গ, ব্যাঘ্র, ভল্লুক, বরাহ,—চৌশিঙ্গা, সম্বর
প্রভৃতি হরিণ—নীলগাই, অজাগর সর্প ও বানর প্রভৃতি
নানাবিধ জন্তু ও সরীসৃপ এবং বিবিধ প্রকার পক্ষী
জীব জন্তু। আছে। নদীতে রোহিত, শাল, এবং মাহ্‌সির
নামক বৃহৎ বৃহৎ মৎস্য পাওয়া যায়। এই মাহ্‌সির মৎস্য
মাহ্‌সির সঁচরাচর অর্দ্ধমণ ত্রিশ সের দেখা যায়। কোন
মৎস্য। কোন ক্ষুদ্র নদীতে কুম্ভীরও আছে। এখানকার
অধিবাসীরা বলে যে শিবালিক পর্বতে সিংহ আছে কিন্তু
অত্যাধি কেহ দেখিতে পায় নাই। হয়ত অতি
সিংহ। প্রাচীন কালে ছিল কিন্তু এখন দ্বার নাই। মহা-
কবি কালিদাসের গ্রন্থাবলীতেও হিমালয়ে সিংহের অস্তিত্ব
বিষয়ক বর্ণনা পাওয়া যায়।

প্রকৃতির এই রমণীয় উদ্যানে আসিয়া ইহার অনির্বচনীয়
শোভা সন্দর্শন করিয়া কাহার না ইহার পুরাত্ত
পুরাত্ত। জানিতে ইচ্ছা করে? তুমি যদি ইহার প্রাচীন
কাহিনী শ্রবণ কর তাহা হইলে দেখিবে যে এই নির্জন প্রদেশও
নিতান্ত গৌরবহীন ছিল না। এই প্রকৃতির নিভৃত কক্ষ
প্রাচীন কেদারখণ্ডের অন্তর্ভূত অতি প্রাচীন পবিত্র স্থান
বলিয়া সংসার-বিরাগী সাধু মহাত্মারা আসিয়া নিশ্চিন্তচিত্তে

ভগবদারাধনায় ব্যাপ্ত থাকিতেন। কিস্কদন্তী আছে যে ঐ পর্বতে দেবাদিদেব লীলা করিতেন বলিয়া উহার নাম ‘শিবালিক’ হইয়াছে। অতাপিও এই দেৱাধুন সহরে হর-পার্বতীর একটি মন্দির আছে। কথিত আছে যে অযোধ্যাপতি রঘু-কুল-পাবন মহারাজ রামচন্দ্র রাবণ-বধ-জনিত পাপের প্রায়-শ্চিত্তার্থে এই পবিত্র স্থানে আসিয়াছিলেন।* এবং মহাযশাঃ পাণ্ডবগণও মহাপ্রস্থান-কালে এই স্থান দিয়া হিমালয়ে আরোহণ করেন।† কেহ কেহ বলেন যে ধনুর্দ্ধরাগ্রগণ্য মহারথ দ্রোণা-চার্যের ইহা আবাস-স্থান ছিল এবং এই প্রদেশেই তিনি কুরু-পাণ্ডবদিগকে অস্ত্র-শিক্ষা প্রদান করিতেন। ইহাও কিস্কদন্তী আছে যে একদা মহাত্মা কশ্যপের যজ্ঞে আহূত ষষ্ঠিসহস্র অঙ্গুষ্ঠ-প্রমাণ বালখিল্য মুমিগণকে গোপ্পদ-নির্মিত হ্রদ উত্তীর্ণ হইতে অসমর্থ দেখিয়া দেবরাজ ইন্দ্র উপহাস করিলে ঐ উগ্র-তপাঃ ঋষিগণ রুষ্ট হইয়া যোগবলে দ্বিতীয়-ইন্দ্র স্বজন-মানসে ঘোরতর তপস্শ্রায় প্রবৃত্ত হইলে উঁহাদিগের দেহ-নিঃসৃত স্বেদ হইতে এক নদী উৎপন্ন হইল—উহা অতাপি ‘সুস্ব’ নামে কথিত আছে। এই ব্যাপার অবলোকনে ত্রিদশাধিপতি শচী-নাথ নিতান্ত ভীত হইয়া প্রজাপতি ব্রহ্মার শরণাপন্ন হইলেন ও ব্রহ্মা কৃপা-পরবশ হইয়া হৃত-হতাশন-সদৃশ মুনিদিগকে প্রসন্ন করিয়া সুররাজের ভয় মোচন করিলেন।

* এ কথা মহর্ষি বায়্মিকি প্রণীত রামায়ণে দৃষ্ট হয় না।

† মহামহোপাধ্যায় হরপ্রসাদ শাস্ত্রী মহাশয়ের মতে পাণ্ডবগণ মহাপ্রস্থান-কালে দেৱাধুনের কোনও প্রদেশ দিয়া গমন করেন নাই।

ইহাও প্রথিত আছে যে নাগবংশীয় বামন নাগ-সিদ্ধ পর্বতে ক্রিয়ৎকাল রাজত্ব করেন। এতদ্বারা এক সময়ে নাগবংশীয় রাজগণ এই স্থানে আধিপত্য বিস্তার করিয়াছিলেন ইহা অনুমান করা নিতান্ত অযুক্তি-সঙ্গত বোধ হয় না। যমুনাতীরে হরিপুর সন্নিকটে মহারাজ অশোকের একখানি শিলালিপি অষ্টাপি বিদ্যমান আছে। বিখ্যাত প্রত্নতত্ত্ববিৎ “খালসি”। কনিঙ্খ্যাম্ সাহেব এই শিলালিপির এই প্রকার বর্ণনা করিয়াছেনঃ—যমুনার দক্ষিণ তীরে এবং উক্ত নদী ও টনস্ নদীর সঙ্গমের কিঞ্চিৎ অগ্রে ভুবন-বিদিত মহারাজ অশোকের লিপি-খোদিত এক বৃহৎ উপলখণ্ড আছে। ঐ শিলা-লিপি ব্যাস এবং হরিপুর গ্রামের সন্নিকটে খালসি-গ্রাম হইতে অর্ধক্রোশ দূরে অবস্থিত। উহা লম্বে ও উচ্চে ১০ ফুট ও তলদেশে ৮ ফুট। দক্ষিণ দিকে এক গজের মূর্তি অঙ্কিত আছে এবং ঐ গজের পদদ্বয়ের মধ্যে ‘গজোত্তম’ শব্দ খোদিত আছে। ঐ লিপিতে আর্টিওকস্, টলেমি, আর্টিগোনস্, ম্যাগস্ এবং আলেকজান্দার

* “Khalsi :—About 15 miles to the west of Masuri and on the right bank of the Jamuna, just above the junction of the Tons River there stands a huge quartz boulder covered with one of the well-known inscriptions of Asoka. The inscribed rock is situated close to the villages of Byas and Haripur and about one mile and half to the south of the large and well-known village of Khalsi. . . . The block is 10 feet high, 10 feet long and 8 feet thick at the bottom. The south-eastern face has been smoothed, but rather unevenly as it follows the undulation of the original surface. The main inscription is engraved on the smoothed surface which measures 5½ feet in height with a breadth of 5½ feet at top [which increases towards the bottom to 7 feet 10½ inches.]—Cunningham's *Archaeological Survey of India*, Vol. I.

এই পাঁচজন গ্রীক নরপতির নাম দৃষ্ট হয়। লোকে ঐ শিলাকে ‘ছত্রশিলা’* বলে। এতদ্বারা কনিংহ্যাম সাহেব অনুমান করেন যে এক সময়ে ঐ প্রস্তর-খণ্ড কোন প্রকার ছত্র বা চন্দ্রাতপ দ্বারা আচ্ছাদিত থাকিত।

প্রত্নতত্ত্ববিৎ ফুরার সাহেব বলেন যে কনিংহ্যাম সাহেব উহাকে যে ‘ছত্রশিলা’ বলিয়াছেন তাহা ভুল—উহাকে ‘চিত্রশিলা’† বলা যাইতে পারে কেননা উহাতে চিত্র অঙ্কিত আছে। তিনি বলেন যে কনিংহ্যাম সাহেব অধিবাসীদিগের কথা শুনিতে ভুল করিয়াছেন—তিনি ‘চিত্র’ শুনিতে ‘ছত্র’ শুনিয়াছেন। যাহা হউক ইহার সত্যাসত্য বিচার আমাদের সাধ্যাতীত।

এই শিলালিপি দৃষ্টে কেহ কেহ অনুমান করেন যে দেৱাভূনই চীন এবং ভারত-সাম্রাজ্যের সীমা নির্দেশক ছিল। কিন্তু প্রথিত-নামা চীন-পরিব্রাজক হিউএনসাং এতদেশ সম্বন্ধে কোন প্রকার উল্লেখ করেন নাই।

* “On the right-hand side an elephant is traced in outline with the words ‘Gajatame’ inscribed between his legs in the same character as those of the inscription. . . . Among the people the rock is known by ‘chhatrasila’ or the canopy-stone which would show that the inscribed block had formerly been covered by some kind of canopy or perhaps by an umbrella . . . In 13th edict I found names of five Greek kings—Antiochus, Ptolemy, Antigonus, Magas and Alexander.”—*Cunningham’s Archaeological Survey of India, Vol. I.*

† “The natives call it *chitrasila* inscribed or pictured stone not as General Cunningham states *chhatrasila*, canopied stone.”—*A. Führer’s Monumental Antiquities and Inscriptions in N.-W. P., Vol. II, page 8.*

বহুকাল হইতে এই প্রদেশ গড়ওয়াল-রাজ্যের অন্তর্ভুক্ত ছিল। শুনিতে পাওয়া যায় যে কোন সময় একদল বঞ্জারা* এই দেশ দিয়া গমন-কালে প্রাকৃতিক-সৌন্দর্য্যে বিমুগ্ধ হইয়া বাস করিতে থাকে। গড়ওয়াল-ধিপতির বিনা অনুমতিতে ইহারা বসবাস করিয়াছিল বলিয়া গড়ওয়াল-রাজ উহাদিগকে বিদূরিত করিয়া দিবার জন্য ক্রতসঙ্কল্প হইয়া ঐ বঞ্জারাদিগের দলপতিকে হয় পরাজয়-স্বীকার না হয় মুক্ত করিবার প্রস্তাব করিয়া পাঠাইলেন। বঞ্জারা-দলপতি পরাভাব-স্বীকার করিয়া কর-প্রদানে স্বীকৃত হইল। ইহাদের সময়ে কৃষিকার্য্যের বিস্তার উন্নতি সাধিত হয় ও তাহারা ক্ষুধে কাল হরণ করিতে থাকে। কিন্তু ইহাদের দলপতির মৃত্যুর পর তাহাদিগের দুর্ব্বাসার সূত্রপাত হয়।

এই প্রসঙ্গে গড়ওয়াল-রাজ্যের একটু বিবরণ প্রদান না করিলে এই প্রদেশের প্রাচীন ইতিবৃত্ত বুঝা যাইবে না। যেহেতু গড়ওয়াল-রাজ্যের উন্নতি ও অবনতির সহিত এই প্রদেশের উন্নতি ও অবনতি সুসম্বন্ধ।

১৭৯৬ খৃষ্টাব্দে কাপ্তেন হার্ডিক (Captain Hardwick) লোকমুখে এই বৃত্তান্ত অবগত হয়েন যে তৎকালিক রাজা পর্দু-মান সাহের রাজত্বের ৩৭৭৪ বৎসর পূর্বে এই প্রদেশ (গড়ওয়াল-রাজ্য) ২২ পরগণায় বিভক্ত ছিল। প্রত্যেক পরগণা এক একটা

* "Banjārā—A tribe whose primary occupation is or rather used to be to act as grain-carriers and suppliers to armies in the field. Their name is derived from the Sanskrit *Vanijya* or *Banijyakara*, 'a merchant'."—Crooke's *Tribes and Castes of N.-W. P.*, page 149.

করিয়া রাজার অধীনে ছিল।* এই প্রকার অবস্থায় বহুকাল

থাকিবার পর গুজরাট হইতে ভোগদন্ত নামে এক, ভোগদন্ত।

উচ্চাভিলাষী বুদ্ধিমান্ পরমার রাজপুত ধনোপার্জন আশয়ে তাঁহার ভ্রাতা সুবাদন্তের সহিত আসিয়া ঐ দ্বাবিংশতিজন নরপতির মধ্যে চণ্ডীপুরাধিপতির অধীনে কৰ্ম্মগ্রহণ করেন।

ক্রমে ভোগদন্ত বুদ্ধিমত্বেয় রাজার প্রিয়পাত্র হইয়া সেনাপতি-পূর্বে প্রতিষ্ঠিত হইলেন। এই সময়ে তিনি স্পে

গড়ওয়াল-
রাজ্যের
উৎপত্তি।

এক যোগীবরকে দেখিতে পাইলেন—যেন সেই যোগীবর তাঁহাকে রাজত্ব স্থাপনের উপদেশ দিতেছেন এই প্রকার বুঝিলেন। “ তিনি উহা ঈশ্বরাদেশ মনে করিয়া তাঁহার প্রভু রাজাকে হত্যা করিয়া ক্রমে আর ২১ জন নরপতিকে যুদ্ধে পরাভূত করিয়া একছত্রী রাজা হইয়া গড়ওয়াল-রাজ উপাধি ধারণ করিলেন।

কেহ কেহ বলেন যে উঁহার নাম ভোগদন্ত নহে প্রকৃত অন্তান্ত বিবরণ। নাম কনকপাল। তিনি মালব-প্রদেশের অন্তঃপাতী

কনকপাল।
‘বাহান্ন-
খুকারিয়া’।

ধারা নগর হইতে আসিয়া এই দেশ জয় করেন এবং উহা তখন ২২ পরিবর্তে ৫২ পরগণায় বিভক্ত ছিল এবং ‘বাহান্ন-খুকারিয়া’ নামে অভিহিত ছিল তাহা অধিবাসীদিগের এখনও স্মরণ আছে।

* “ According to account given to Captain Hardwick in 1796 A. D., the whole country had been 3774 years before the accession of the reigning prince Purdooman Shah divided into 22 Pergunnahs each under the sway of a chieftain.”—*Williams's Memoirs of Dehra Dun.*

লব্ধ-প্রতিষ্ঠ উইলিয়মস্ সাহেব বলেন যে তিনি কানেকি, কনিষ্ক বা কনক নামাঙ্কিত অনেক প্রাচীন মুদ্রা পাইয়াছিলেন। তাহা হইতে তিনি অনুমান করেন যে কনকই যথার্থ এই রাজ্যের প্রতিষ্ঠাতা এবং ইনিই সেই প্রথিত নামা শকাধিপতি কনিষ্ক।*

রাজা অজয়পাল ১৩৫৮ খৃঃ হইতে ১৩৭০ খৃষ্টাব্দের মধ্যে

* “Main point of agreement between both is that Bhog Dhunt and Kanak came from Guzrat for Bhog Dhunt was a native of Guzrat, so also was Kanak for he came from Dhara in Sourashtra. . . . The discovery of coins of Kanerki, Kanikshika or Kanak series in Saharanpur district lead us to assume that Kanak to be identical with Kanerki or Kanikshika and we may fairly carry back the foundation of the kingdom of Gharwal to the era of Scythian supremacy in the first or second century before Christ.”—*Williams's Memoirs of Dikra Dun.*

এই প্রস্তাবের জটিল মিমাংসা আমার ক্ষুদ্র বুদ্ধির অগম্য। ইহা বহুিম বাবুর লোক-রহস্তের “রামায়ণের সমালোচনায়” রামা যবনের স্ত্রায় হইল বলিয়াই বোধ হয়। কিন্তু বেকট সাহেব ও উইলিয়মস্ সাহেবের সংগৃহীত গড়ওয়াল-রাজগণের নামের তালিকায় কনকপালই ঐ রাজ-বংশের আদি নরপতি বলিয়া লিখিত আছে ও এট্‌কিন্সন্ সাহেব তাহার “গেজেটিয়রে”ও এই কথা সমর্থন করিয়াছেন যথা :—

“Kank the eponymous founder in the second list (i. e. in Beckett's list) is none other than Kanishkha and is also said to have come from Guzrat where we have recorded evidence of an Indo-skythian rule”—*Atkinson's Gazetteer of N.-W. P., Vol. XI, page 449.*

“The *Huvishka* of the inscription has been identified with *Ooverki* of coins and the *Kanishkha* of the inscriptions with *Kanerki* of the coins.”—*Ditto Ditto, page 406.*

কনক, কানেকি ও কনিষ্ক একই ব্যক্তি স্বীকার করিলেও কাপ্তেন হার্ডিকের লিখিত ভোগদন্তও যে সেই ব্যক্তি তাহা কি করিয়া বুঝিবে? সকলেই গুজরাট হইতে আসিয়াছিলেন এইমাত্র তাহাদিগের মধ্যে সৌমাদৃশ্য দৃষ্ট হয়। এই প্রমাণেই কি সকলেই একই ব্যক্তি তাহা স্থির করা যায়?

শ্রীনগর স্থাপন করেন এবং বহুকাল ব্যাপিয়া ইহা গড়ওয়াল রাজ্যের নৃপতিদিগের বাসভূমি ছিল।†

• উপরে যে সকল ঘটনা বিবৃত হইল তাহা কেবল জনপ্রবাদ মাত্র। ইহার সত্যাসত্য নির্ধারণ করা সম্ভবপর নহে। ভারতের অতীতগৌরবের কাহিনী, ধনধান্য-পরিপূর্ণ সমৃদ্ধিশালী জনপদের কথা, অতুলনীয় কীর্তি, দূরদর্শী ধর্মপরায়ণ রাজগণের বৃত্তান্ত, অমিতবলশালী দুর্দর্ষ যোদ্ধগণের বীরত্ব-কাহিনী কালের অন্ধকার-তম গর্ভে বিলীন হইয়াছে। নিত্যোৎসবপূর্ণ ঐশ্বর্য্যপ্রভায় দ্বিতীয়-অমরাবতী-সদৃশ নগরী সকল এখন ব্যাত্রভল্লুকাদি-শ্মাদ-সঙ্কুল গভীর অরণ্যে পরিণত হইয়াছে। পুরাণ, ইতিহাস, শ্রায়, দর্শন, কাব্য, অলঙ্কার সকল কোথায় বিলুপ্ত হইয়াছে কে বলিতে পারে? কত বিপ্লব, কত উপদ্রব, কত সমাজবিপ্লব, কত ধর্মবিপ্লব, কত রাষ্ট্রবিপ্লব শত শত বৎসর ব্যাপিয়া এই মহাদেশের উপর দিয়া চলিয়া গিয়াছে তাহা কে গণনা করিতে পারে? এই সমুদায় দ্বিতীয়-প্রলয়-সদৃশ বিপ্লব বোধ হয় এই স্বদূর ভূধররক্ষিত প্রদেশে আসিয়া ইহাকে বিজন অরণ্যে পরিণত করিয়াছিল এবং সেই নিমিত্তই এই প্রদেশের কোনও প্রকৃত বিবরণ প্রাপ্ত হওয়া যায় না।

যাহাইউক আমরা দোদ্দিগুপ্রতাপ হিন্দুবিদ্রোহী মোগল সম্রাট ঔরঙ্গজেবের সময় হইতে কতক ধারাবাহিক ইতিহাস প্রাপ্ত হই। ১৬৫৭ খৃষ্টাব্দে সম্রাট সাজিহানের পুত্রচতুর্দশ দারা, সজা, মুরাদ এবং ঔরঙ্গজেব ভারত-সাম্রাজ্যের সিংহাসন-

† See Gazetteer of A.-W. P., Vol. XI, page 448.

লাভের জগৎ পরস্পরের শোণিত-পানে লোলুপ হইয়া যে ভীষণ সমরানল প্রজ্জ্বলিত করেন তাহা বোধ হয় কাহারও অবিদিত নাই। সেই ঘোর-ভ্রাতৃ-বিদ্বেহ-কালীন দুইটী ঘটনার সহিত আমাদের এই পার্বত্য প্রদেশের সম্বন্ধ আছে। দারা যুদ্ধে পরাভূত হইয়া লাহোরে পলায়ন করিলেন ও সেইস্থান-হইতে পুত্র সোলিমানকে সৈন্ত-সমভিব্যাহারে যোগ দিবার জন্য সংবাদ পাঠাইলেন। সোলিমানও পিতার সহায়তা করিবার জন্য একদল সৈন্ত সংগ্রহ করিয়া লাহোরে যাইয়া দারার সহিত যোগ দিবার মানসে দিল্লি হইতে পলায়ন করেন, কিন্তু ঔরঙ্গজেবের চক্রান্তে পড়িয়া অগ্রসর হওয়া দূরে থাকুক—প্রাণ পর্য্যন্ত সংশয় হইয়া উঠিল। তিনি পলায়ন করিয়া শ্রীনগরের রাজা পৃথ্বীসিংহের শরণাপন্ন হইলেন। রাজাও পরমযত্ন ও স্তুমাদরের সহিত সোলিমানকে আশ্রয় প্রদান করিলেন। কিন্তু সোলিমানের বুদ্ধি-বিপর্যয় দটিল। তিনি আতিথ্য, বন্ধুত্ব, সমস্ত বিস্মৃত হইয়া গোপনে রাজাস্তম্ভপু্রে প্রবেশ করিয়া কুলকামিনীগণের সর্বনাশসাধনে যত্নবান হইলেন। রাজা এই সংবাদ শ্রবণে নিতান্ত ক্রুদ্ধ হইয়া ঔরঙ্গজেবের হস্তে সমর্পণ করিবেন স্থির করিলেন। সোলিমান রাজার অভিসন্ধি অবগত হইয়া পলায়ন করিলেন কিন্তু বিধ্বলিপি কে খণ্ডাইতে পারে? তিনি পর্বতে পর্বতে ভ্রমণ করিয়া পথ ভুলিয়া আবার শ্রীনগরে আসিলে রাজা তাঁহাকে পত করিয়া ঔরঙ্গজেবের হস্তে সমর্পণ করিয়া প্রতিহিংসা চরিতার্থ করিলেন।*

* মুসলমান ঐতিহাসিকগণ বলেন যে পৃথ্বীসিংহ ঔরঙ্গজেবের ভয়ে ভীত হইয়া সোলিমানকে তাঁহার হস্তে সমর্পণ করেন।

এদিকে দারা পুত্রের নিকট হইতে সাহায্য প্রাপ্তির বিলম্ব দেখিয়া তৎকালীন শিখদিগের নেতা গুরু হর রায়ের সহিত যোগ দিলেন। কিন্তু তাহাতে বিশেষ ফল লাভ হইল না। ইতিহাসজ্ঞ পাঠককে এই ভ্রাতৃযুদ্ধের পরিণাম বোধ হয় বলা অনাবশ্যক। জগৎ জানে গুরুজীব কি প্রকারে ভ্রাতৃরক্তে অভিষিক্ত হইয়া ভারতবর্ষের রাজসিংহাসনে অধিরূঢ় হইলেন। তিনি রাজপদে প্রতিষ্ঠিত হইয়াই গুরু হর রায়কে দিল্লিতে আনয়ন করিয়া অবরুদ্ধ করিলেন। সে সময়ে গুরু হর রায়ের দুই পুত্র বর্তমান ছিল। জ্যেষ্ঠ রাম রায়ের বয়ঃক্রম পঞ্চদশ বর্ষ মাত্র ও কনিষ্ঠ হরকিষণের ৬ বৎসর মাত্র। রাম রায়ের সহিত তাঁহার পিতার তখন সম্ভাব ছিল না। রাম রায় কাল্যকালে যোগাভ্যাস করতঃ অলৌকিক ক্ষমতাপন্ন হন। তাঁহার ধর্মপ্রাণতা, ও যোগ-প্রভাব দর্শনে নানা দেশ বিদেশ হইতে নর-নারীগণ আসিয়া তাঁহার চরণোপাস্তে বসিয়া উপদেশ গ্রহণ করিত। হর রায় স্বীয় জীবদ্দশায় পুত্রকে বিনানুমতিতে শিষ্য গ্রহণ করিতে দেখিয়া যার পর নাই ক্রুদ্ধ হন। তিনি পুত্র কর্তৃক আপনাকে অবমানিত বোধ করিয়া ষষ্ঠবর্ষীয় বালক হরকিষণকে শিখ সম্প্রদায়ের ভাবী গুরু বলিয়া নির্দেশ করিলেন। রাম রায় পিতার এই আদেশ শ্রবণে ব্যথিত হইয়া বলেন যে “হরকিষণ রাম রায়ের অগ্রে বসন্ত রোগ হইতে রক্ষা পাইক তাহার পর ভবিষ্যৎ বাণী। পিতার গদীতে বসিবে।”*

* - It is said that the Guru (Har Rai) was displeased with his eldest son because he made disciples of his own and worked miracles. When he had therefore one day gone away to visit his own disciples, Har

হর রায় দিল্লিতে আবদ্ধ হইয়া কি উপায়ে পরিত্রাণ পাইবেন তাহার উপায় উদ্ভাবন করিতে লাগিলেন। অবশেষে তিনি সম্রাটের নিকট রাম রায়কে ‘জামিন’ স্বরূপ রাখিয়া নিজের অব্যাহতির প্রস্তাব করিলেন। ধূর্ত ঔরঙ্গজেব ইহাতে স্বীকৃত হইলেন। তিনি সমর-নিপুণ শিখগণকে সন্তুষ্ট রাখিবার জন্য রাম রায়কে পরম যত্ন ও সমাদরের সহিত গ্রহণ করিলেন। দিল্লির বিলাস-কাননে সম্রাটের কপট স্নেহে রাম-রায় সুখে গুরু হর রায়ের কালাতিপাত করিতে লাগিলেন। হর রায় ১৬৬১ খ্রিঃ। খৃষ্টাব্দে মানবলীলা সম্বরণ করিলেন। শিখগণ তাহাদের চিরশত্রু মুসলমান-সম্রাটের অনুগ্রহ-বর্জিত রাম রায়কে গুরুপদে বরণ করিতে অস্বীকার করিল। তাহারা জ্যেষ্ঠ রাম রায়কে পরিচারিকা-পুত্র বলিয়া উপেক্ষা করিল।* এবং মৃত্যুকালেও গুরু হর রায় হরকিষণকে নিজ উত্তরাধিকারী নির্দেশ করিয়াছেন বলিয়া কনিষ্ঠ হরকিষণকেই গুরুত্ব বরণ করিল। এইরূপে দুই ভ্রাতায় বিষম বিবাদের হরকিষণ। সূত্রপাত হইল। ক্রমে উভয়ে উভয়কে পরাভূত করিতে চেষ্টা করিলে এই বিবাদ ক্ষীমাংসার জন্য সম্রাটসদনে

Rai declared his younger son in succession to Guruship ; when Ram Rai heard this he was much vexed ; he said before the Sikhs, that Harkissen was still a minor, on whom the small-pox had not yet broken—if he should get through small-pox, then he might take the Guruship.”—*Adi Granth*—as translated from Original Gurumukhi by Dr. Ernest Trumph.

* “In 1661 the seventh Guru Har Rai died leaving two sons Ram Rai about 15 and Hurkissen about 6 years of age ; but the elder was the offspring of a hand-maiden and not wife of equal degree and Har Rai is further said to have declared the younger his successor.”—*Cunningham’s History of the Sikhs*.

আবেদন হইল। সম্রাট ঔরঙ্গজেব হরকিষণকে এই বিবাদের মীমাংসার জন্য দিল্লিতে আসিতে আদেশ করিলেন। কিন্তু হরকিষণ পথিমধ্যে বসন্তরোগে আক্রান্ত হইয়া ১৬৬৪ খৃষ্টাব্দে হরকিষণের কালগ্রাসে পতিত হইলেন। তিনি মৃত্যুকালে যুগ্ম। বলিয়াছিলেন যে বক্কাল* গ্রামে তাঁহার উত্তরাধিকারী আছে। তৎসময়ে এই গ্রামে গুরু হরগোবিন্দের পুত্র তেগ-বাহাদুর বহুতীর্থ পর্য্যটনের পর আশ্রম নির্মাণ করিয়া বাস করিতে ছিলেন।

হরকিষণের মৃত্যুসংবাদ শ্রবণ করিয়া রাম-রায় পুনরায় গুরু-পদের জন্য বিশেষ চেষ্টা করিতে লাগিলেন। কিন্তু শিখগণ তাঁহাকে উপেক্ষা করিয়া, বক্কাল গ্রামে যাইয়া গুরু হরগোবিন্দের পুত্র ধার্মিকপ্রবর প্রথিতনামা তেগবাহাদুরকে মহা-তেগবাহাদুর।

সম্রাটের সহিত বরণ করিল। তেগবাহাদুরকে গুরু-পদে আসীন* দেখিয়া রাম রায় আর একবার ঔরঙ্গজেবের সাহায্যে গুরুত্বে বৃত্ত হইবার প্রয়াস পাইয়াছিলেন কিন্তু তাহাতে কোনই ফল লাভ হইল না। চতুর ঔরঙ্গজেব দেখিলেন যে শিখগণ প্রেমময় ধর্ম ত্যাগ করিয়া উগ্র ও কলহপ্রিয় হইয়া উঠিতেছে। সমগ্র শিখজাতি তাঁহার বিষয়নে পতিত হইল। কিসে তাহাদের উচ্ছেদসাধন করিবেন এই চিন্তাই বলবতী হইয়া উঠিল। অবশেষে কোশলজাল বিস্তারপূর্বক মহাতেজস্বী তেগবাহাদুরকে দিল্লিতে অতি নৃশংসরূপে বধ

* "When Hurkissen was about to expire, he is stated to have signified that his successor would be found in the village of *Bukkala*, near Gobindwal on the Beas river."—*Cunningham's History of the Sikhs*.

করিলেন। এই পাশব অত্যাচারে শিখগণ ক্রোধাক্ত হইল—ধীরে ধীরে যে বহু প্রধূমিত হইতেছিল তাহা একেবারে জ্বলিয়া উঠিল—তাহারা এই পাশব ব্যবহারের প্রতিশোধ লইতে বদ্ধপরিকর হইল। দুরাত্মা ঔরঙ্গজেব যাহা ভাবিয়াছিলেন তাহা হইল না। শিখগণ তেগবাহাদুরের উপযুক্ত পুত্র মহাতপস্বী গোবিন্দ সিংহকে এই নিদারুণ হত্যাকাণ্ড শ্রবণ করাইল। গোবিন্দ বুঝিলেন যে জাতি, ধর্ম, কুল, মান, সম্ভ্রম সমস্তই যবনকুলাঙ্গারের হস্তে প্রণষ্ট হইতে বসিয়াছে। তখন তিনি ক্রোধে ও দুঃখে বিচলিত হইয়া শাস্ত্রময় আশ্রম ত্যাগ করিয়া, এই অমানুষিক হত্যার প্রতিশোধ লইবার জন্য বদ্ধপরিকর হইলেন। রাম রায়ের শাস্ত্র-নীতি বৈরনির্ঘাতনের প্রবল বজ্রায় ভাসিয়া গেল। শিখগণ গোবিন্দকে গুরুপদে বরণ করিল। গুরু গোবিন্দের শিক্ষায় ও উপদেশে তাহারা নূতনরূপে গঠিত হইয়া নিতান্ত দুর্দ্বন্দ্ব হইয়া উঠিল।

তাহারা গুরু নানকের প্রেমপূর্ণ উদার কোমল গুরু গোবিন্দ।

ধর্মের বশবর্তী রহিল না। যে উদাসী-সম্প্রদায়া-বলম্বী, শাস্ত্র, কলহ-বিমুখ, ধীরপ্রকৃতিক শিখগণ নিয়ত ঈশ্বরো-পাসনায় ও ধর্মগ্রন্থাদি পাঠে সময়োতিপাত করিত—সহস্র অত্যা-চারেও যাহাদের ধৈর্য্যচ্যুতি ঘটিত না—তাহারা ক্রমাগত মুসলমানের অত্যাচারে ও নিষ্ঠুর ঔরঙ্গজেবের পাশব ব্যবহারে গুরু গোবিন্দের মহামন্ত্রে দীক্ষিত হইয়া নিরতিশয় যুদ্ধপ্রিয় হইয়া উঠিল। তাহারা চিরকাল মুসলমানদিগের সহিত যুদ্ধ-বিগ্রহে লিপ্ত থাকিতে প্রতিজ্ঞা-বদ্ধ হইল। শত্রুবিনাশই তাহাদের প্রধান ধর্ম হইয়া উঠিল। রাম রায়ের সমস্ত আশা একেবারে নির্মূল হইল। তিনি স্বদেশ

হইতে চিরদিনের জন্য প্রস্থান করিতে ইচ্ছা করিলেন। সংসারের বিষময় কোলাহলে, বিষয়বাসনাভিভূত মানবের নিষ্কর্ম ব্যবহারে তাঁহার হৃদয় শুষ্ক হইয়াছিল—তিনি শাস্তির কোমল ক্রোড়ে আশ্রয়-প্রয়াসী হইয়া এই সুদূর হিমালয়ের নিভৃততম প্রদেশে জীবনের অবশিষ্টাংশ নিরুপদ্রবে ভগবদারাধনায় যাপন করিবার অভিপ্রায়ে ঔরঙ্গজেবের নিকট হইতে এক অনুরোধ-পত্র গ্রহণান্তর গড়ওয়াল-রাজ-সন্নিধানে গমন করিয়া আশ্রম নিৰ্ম্মাণের অনুমতি প্রার্থনা করিলেন। গড়ওয়াল-রাজও তাঁহাকে দেয়ায় বাস করিতে অনুমতি প্রদান করিলেন। রাম রায় নির্জনপ্রদেশে আশ্রম নিৰ্ম্মাণ করিয়া স্বমত প্রচারপূর্বক ‘রামরায়ি’ সম্প্রদায় ‘রামরায়ি’ প্রতিষ্ঠা করিলেন। তাঁহার শিষ্যবর্গ এই স্থানের নাম সম্প্রদায়। ‘দেহরাদুন’ রাখিলেন।* গড়ওয়ালাধিপতি রাজা কতে সাহ শিখগুরু রাম রায়ের অসাধারণ ধর্মপ্রাণতা ও অলৌকিক ক্ষমতা দর্শনে বিমোহিত হইয়া দেহরাদুনে তাঁহাকে এক মন্দির নিৰ্ম্মাণ করিয়া দিলেন এবং মন্দিরের ব্যয়নির্ব্বাহার্থ ত্রিখানি গ্রাম জায়গির প্রদান করিলেন। মহাত্মা রাম রায়ের যশঃ ক্রমশঃ দেশ বিদেশে ব্যাপ্ত হইয়া পড়িল এবং নানা স্থান হইতে বহুবিধ লোক আসিয়া তাঁহার শিষ্যত্ব গ্রহণ করিয়া ঐ মন্দির সন্নিধানে আবাস নিৰ্ম্মাণ করিতে আরম্ভ করিল। এইরূপে দেহা একটি ক্ষুদ্র নগরীতে পরিণত হইল। কথিত আছে যে রাম রায় যোগবলে সুমাধিস্থ হইয়া ২১৩ দিবস মৃতবৎ অবস্থিত থাকিতেন।

* শিখ ভাষায় ‘দেহরা’ শব্দের অর্থ ‘আশ্রম’ ও ‘দুন’ শব্দে দুইটি পর্ব্বতের মধ্য উপত্যকা বুঝায় ?

একদা তিনি কোনও শিষ্যের মঙ্গলার্থে অতি কঠোর তপশ্চরণে রাম রায়ের প্রবৃত্ত হইয়া যোগাবলম্বনপূর্বক দেহত্যাগ করেন। দেহত্যাগ। তাঁহার শিষ্যরাও গুরুদেব এই আধিভৌতিক দেহ ত্যাগ করিয়াছেন বুঝিয়া সৎকারাদি সমাপনান্তে মন্দির-মধ্যে সমাধি প্রস্তুত করাইয়া দেন।* অতাপিও সেই সমাধিস্থান ও যে খট্টায় তিনি শয়ন করিতেন সেই খট্টা সাদরে পূজিত হয়। এবং দেশ বিদেশ হইতে উদাসী সম্প্রদায়ের শিখগণ আসিয়া ঐ স্থানে পূজাবন্দনাди করে।

রামরায়ি সম্প্রদায় উদাসী সম্প্রদায়ের শাখা মাত্র। উদাসী সীরা গুরু নানকের মতাবলম্বী। ইঁহারা মঠে বাস সম্প্রদায়। করিয়া থাকেন।† অপরে রাঁধিয়া দিলে তবে ইঁহারা আহার করেন। প্রতিদিন আদিগ্রন্থ (নানকাদি গুরুদিগের সংগৃহীত ধর্ম্মপুস্তক) পাঠ করা ইঁহাদের ধর্ম্মসাধনের প্রধান অঙ্গ। প্রায় সকল জাতিই এই সম্প্রদায়ভুক্ত হইতে পারে। রাম রায়ের মতে গুরুই পরম দেবতা ও একমাত্র উপাস্য। তিনিই রাম রায়ের সকল তীর্থে সার ও একমাত্র গতি। এক ধর্ম্মমত। মাত্র গুরুর উপাসনা করিলে মনুষ্যের পরমত্বজ্ঞের উপাসনা করা হয়। সুতরাং একমাত্র গুরু ব্যতীত জীবের অন্য নমস্কা নাই।†

* "It is reported that Ram Rai for the sake of one of his disciples, underwent in a deep cave a very severe course of austerities; when the breath had risen to the tenth gate, the disciples who were near him, knew that the Guru had died and they burnt the body in the manner of the Hindus"—*Trumph's Translation of Adi Granth*.

† "He taught his disciples not to bow the head before any one but himself and not to worship any god or goddesses but himself."—*Ditto, ditto*.

গুরু গোবিন্দ কিন্তু এই ‘রামরায়ি’দিগকে জাতিচ্যুত করেন এবং ‘অকালী’ নামক সম্প্রদায় প্রবর্তিত করেন। এই অকালী অত্যাচারপ্রসিদ্ধিত বৈরনির্যাতনে কৃতসঙ্কল্প গোবিন্দের সম্প্রদায়। ধর্ম্মান্ধ শিখশিষ্যগণই ‘অকালী’ নামে অভিহিত হইত। ইহারা উপাসনার সময় মূলমূলঃ অকালপুরুষের নামোচ্চারণ করে—নীলবর্ণ পরিচ্ছদ ধারণ করে ও কখন কেশ বা শ্মশ্রু মুগুন করে না। ইহারা সর্বদা সূশস্ত্র থাকে। রাম রায় ঔরঙ্গজেবের সহিত চক্রান্ত করিয়াছিলেন বলিয়া ও ঔরঙ্গজেবের অনুরোধে দেয়ায় বাস করিতে পাইয়াছিলেন বলিয়া অকালী সম্প্রদায়ের লোকেরা ‘রামরায়ি’দিগকে নিতান্ত ঘৃণার চক্ষে দেখে।

রাম রায় পরলোক গমন করিলে তাঁহার পত্নী, দেওয়ান হরপ্রসাদের সাহায্যে বিষয়-কার্য্যাদি নির্বাহ করিতেন। অবশেষে দেওয়ান হরপ্রসাদ এই মন্দিরের মহাস্ত্র নির্ব্বাচিত হয়েন এবং প্রায় পঞ্চবিংশতি বৎসর ধরিয়া মহাস্ত্রপদে প্রতিষ্ঠিত থাকেন। তাঁহার দেহাবসানে কস্মিৎ হরসেবক গদীতে আরোহণ করেন। ১৮১৮ খৃষ্টাব্দে তাঁহার মৃত্যু হইলে অকস্মণ্য মূর্থ স্বরূপদাস এবং তাঁহার পর প্রীতমদাস মহাস্ত্র হয়েন।

রাজা ফতে সাহের মৃত্যুর পর ১৭১৭* খৃষ্টাব্দে তাঁহার পৌত্র রাজা প্রদীপ্ত সাহ সিংহাসনারোহণ করেন। ইঁহার রাজত্ব-প্রদীপ্ত সাহ। কালে এই দেৱাট্টন সহরের বিস্তর উন্নতি সাধিত হয়। কিন্তু সাহারাণপুরের শাসনকর্ত্তা নাজীবুদ্দৌল্লা এই ক্ষুদ্র

* Williams সাহেবের মতে ১৬৯৯ খৃষ্টাব্দে।

নাজীবুদ্দৌলার নগরীর সমৃদ্ধি দেখিয়া ১৭৫৭ খৃষ্টাব্দে একদল
 আক্রমণ। রোহিলা সৈন্য সমভিব্যাহারে শিবালিক পর্বত
 অতিক্রমপূর্বক এই রাজ্য আক্রমণ করিয়া হস্তগত করিলেন।
 প্রদীপ্ত সাহও পুত্তলিকার ন্যায় তাঁহার অনুগত হইয়া রহিল।
 নাজীবের ন্যায়পরায়ণতা, বিচক্ষণতা এবং শাসনকৌশলে এই নগর
 অভূতপূর্ব বিভবশালী হইয়া উঠে। এইসময়ে নানা দেশ
 নগরের সমৃদ্ধি। হইতে বহুসংখ্যক মুসলমান আসিয়া কৃষি-বাণিজ্য
 প্রভৃতির উৎকর্ষ সাধন করে। নাজীবুদ্দৌলার স্থানে
 স্থানে কূপাদি খনন, জলাশয় ও সরিৎ নিৰ্ম্মাণ এবং সুগম পথ
 সকল প্রস্তুত দ্বারা প্রজা-পুঞ্জের সুখ বর্দ্ধন করিয়াছিলেন। এই
 সময়ে বাৎসরিক প্রায় ১ লক্ষ ২৬ হাজার টাকা রাজস্ব আদায়
 হইত। কিন্তু হায়! দূরদর্শী নাজীবুদ্দৌলার দেহান্তের সহিত
 ক্ষণপ্রভার ন্যায় নগরীর ঐশ্বর্য্য-লক্ষ্মী অন্তর্হিত হইলেন।
 নষ্ট কান্যা গতিঃ—যে কৃষি-বাণিজ্যের সহিত রাজ্যাদির
 সুখ-সমৃদ্ধির নিত্য সম্বন্ধ, কুক্ষণে বৃদ্ধ রাজা প্রদীপ্ত সাহের সেই
 কৃষি-বাণিজ্যের বিলোপ সাধনেই প্রবৃত্তি জন্মিল। তিনি রাজ্যের
 প্রাণভূত ব্যবসায়ি-সম্প্রদায়কে বিতাড়িত করিলেন। ছিদ্রেশ্বরনাথ
 বহুলীভবন্তি—অপটীয়মান রাজ্যশ্রী শিখ, রাজপুত প্রভৃতি জাতির
 নিরন্তর আক্রমণে একেবারে বিলীন হইয়া গেল। ধনরত্নবহুল,
 নিত্যসুখলালিত অধিবাসিবর্গের উৎসবকোলাহলমুখরিত গড়োয়াল-
 রাজ্য এক ভীষণ মরুপ্রদেশে পরিণত হইল। কিন্তু মঙ্গলময়ের
 রাজ্যে নিরবচ্ছিন্ন অন্ধকার বড় দেখিতে পাওয়া যায় না, তাই
 মৃত্যুর কিছু পূর্বে প্রদীপ্ত সাহ আবার স্বরাজ্য আংশিক

ক্রীসম্পন্ন দেখিয়া ১৭৭৪ খৃষ্টাব্দে ইহলীলা সাজ করিলেন।

তাহার পুত্র ললিত সাহ সাত বৎসরকাল রাজত্ব করিয়া ১৭৮১

রাজ্য খৃষ্টাব্দে কালগ্রাসে পতিত হয়েন। তাহার পর
পদ্মদাম সাহ। ইহার পুত্র পদ্মদাম সাহ রাজা হয়েন। এই সময়ে
পূর্বোন্নিখিত শিখ, রাজপুত ও গুজর জাতি আসিয়া ক্রমাগত
আক্রমণ ও উপদ্রব করিতে লাগিল। ইহারা প্রথম প্রথম ধন
রত্নাদি ইচ্ছামত লুণ্ঠন করিয়া চলিয়া যাইত কিন্তু এখন ইহারা এই
নগরে বাস করিয়া ক্রমাগত রাজা ও প্রজাবর্গকে পীড়ন করিতে
লাগিল। রাজা উপায়ান্তর না দেখিয়া এই সকল অত্যাচার হইতে
নিষ্কৃতি-লাভ-প্রয়াসে ক্রমাগত জায়গির প্রদান দ্বারা ইহাদিগকে
সন্তুষ্ট করিতে চেষ্টা করিলেন। ১৭৮৬ সালে নাজীবুদ্দৌলার পৌত্র
দুরন্ত গোলাম কাদের পিতামহের লুণ্ঠ রাজ্য উদ্ধার করিবার আশায়
গড়ওয়াল রাজ্য আক্রমণ করিয়া দেরা দখল করিল এবং রাজাকে
দূর করিয়া দিল। হতসর্বস্ব প্রজাবর্গের আর্তনাদে, উৎপীড়িত
অবলাকুলের উষ্ণ নিশ্বাসে এবং অধিবাসীদিগের মৃতদেহে নগর
শ্মশান-ভূমি হইয়া উঠিল। সর্বত্র হাহাকার-শব্দ উথিত হইল।
দুরাত্মার বৈর-নির্যাতন-প্রবৃত্তি ইহাতেও চরিতার্থ হইল না। ঐ
পাপিষ্ঠ গুরু রাম রায়ের পবিত্র মন্দিরে গোহত্যা করিয়া সমাধি
গোরন্তে প্লাবিত করিল—রাম রায়ের পবিত্র খটায় শয়ন করিয়া
শয্যা কলুষিত করিল। অবশেষে দুরাত্মা তাহার বিশ্বস্ত অনুচর
উমেদ সিংহের হস্তে রাজ্যভার সমর্পণ করিয়া, রাজ্য ছারেখারে
দিয়া প্রস্থান করিল। কিন্তু পাপের ফল কে রোধ করিবে? শ্রুত
হওয়া যায় যে এই দুরাত্মা অনতিবিলম্বে উন্মত্ত হইয়া যায়।

উমেদ সিংহ রাজার সহিত সন্ধি স্থাপন করিয়া পুনরায় তাঁহাকে রাজ্যে আহ্বান করিলেন কিন্তু পর্দুমান নামে মাত্র রাজা হইলেন—বস্তুতঃ উমেদই রাজ্যের হর্তাকর্তা হইয়া রহিল। তিন বৎসর গত না হইতেই এই পাপিষ্ঠ উমেদ বিশ্বাসঘাতকতা পূর্বক সিরমুরের রাজার হস্তে এই রাজ্য অর্পণ করিল—সিরমুরের রাজাও দেয়ায় আপন রাজত্ব প্রতিষ্ঠা করিল। পর্দুমান প্রথমে বগৌদিগের সহিত যোগদান করিয়া নিজ রাজ্য উদ্ধারের চেষ্টা করিতে লাগিলেন; অবশেষে উমেদ সিংহের সহিত নিজ তনয়ার বিবাহ দিয়া উমেদের সাহায্যে লুপ্ত রাজ্য পুনরায় উদ্ধার করিলেন।

১৭৯৬ খৃষ্টাব্দে কাপ্তেন হার্ডিক গড়ওয়াল-রাজ্যে গমন করেন। তাঁহার অবস্থিতিকালে রাজা পর্দুমান, পরাক্রম ও প্রীতম নামক ভ্রাতৃত্ব সমভিব্যাহারে তাঁহার সহিত সাক্ষাৎ করিতে আইসেন। কাপ্তেনের ভ্রমণবৃত্তান্তে রাজা ও রাজ্যের এইরূপ বর্ণনা দেখিতে পাওয়া যায়
 তাঁহার বর্ণিত রাজার বয়ঃক্রম ২৭ বৎসর, আকৃতি খর্ব, দেহ রাজা ও কৃশ এবং দুর্বল, পরিচ্ছদ সাদাসিধা। তিনি রাজ্যের বুদ্ধিমান, বাক্পটু এবং সমসাময়িক রাজনৈতিক জগতের অভিজ্ঞতাসম্পন্ন; এমন কি পূর্বপ্রদেশে ইংরাজের রাজত্ব কতদূর বিস্তৃত হইয়াছে তিনি তাহার প্রকৃত তত্ত্ব অবগত হইতেও ব্যগ্রতা প্রকাশ করিয়া ছিলেন।

রাজধানী শ্রীনগর ১০ মাইল দীর্ঘ হইবে। গ্রহ সমুদায় প্রায়ই

তদানীন্তন
শ্রীনগরের
অবস্থা।
দ্বিতল—দেয়াল প্রস্তরের, ছাদ ফ্লেট পাথরের।
রাস্তা অতি অপ্রশস্ত ও অপরিষ্কার। রাজবাটী
অতি পুরাতন ও ভগ্নপ্রায়।

সমুদায় রাজ্যে সর্বসমেত রাজস্ব পাঁচলক্ষ টাকা আদায়
হইত। প্রজারা রাজস্ব, দ্রব্যে এবং অর্থে প্রদান
রাজস্ব। করিত। উৎপন্ন শস্যের অর্দ্ধেক হিসাবে রাজস্ব
গৃহীত হইত।

সমস্ত ব্যয় নির্বাহ হইয়া রাজকোষে অতি সামান্যই অর্থ
উদ্ধৃত হইত। অধিকাংশ করই সৈন্যদিগের বেতনপ্রদানে ব্যয়িত
হইত। সৈন্য, কার্পরদাজ, নর্তকী, গায়ক প্রভৃতি দিগের বেতনের
জন্য জমীদারদিগের উপর 'বরাত' দেওয়া হইত।

এই রাজ্যে স্বে সময়ে বিস্তর খনি ছিল। কর্ণ-প্রয়াগ,
দেব-প্রয়াগ, স্রীকেশ প্রভৃতি স্থান হইতে স্বর্ণ
খনিজ দ্রব্য। আহঁত হইত। যাহারা স্বর্ণ আহরণ করিত তাহা-
দিগকে বাৎসরিক ১০০ শত টাকা করিয়া কর দিতে হইত।

শ্রীনগরের ৪০ ক্রোশ দূরে নাগপুর নামক স্থানে একটি
তাম্রের খনি ছিল। এই খনিতে বৎসরের মধ্যে
তাম্রখনি। ৮ মাস কাল কার্য্য হইত। ইহা হইতে প্রায় শত
করা ৫০ ভাগ বিশুদ্ধ তাম্র উদ্ধৃত হইত ও ইহার অর্দ্ধেক রাজ-
কোষে জমা হইত। অপরাধ হইতে তাম্রখনি পরিচালনের
ব্যয় নির্বাহ হইত।

শ্রীনগরের ৫০ ক্রোশ পূর্বের দুর্সৌলি নামক গ্রামে সীসকের

সীসকের খনি ছিল। যাহারা খনিতে কার্য্য করিত তাহা-
খনি। দিগকে নিষ্কর ভূমি প্রদত্ত হইত; তাহারা ইহার
বিনিময়ে পরিশ্রম করিত ও এই খনির সমস্ত উপসত্ত্ব রাজ-
কোষে জমা হইত।

চণ্ডীপুরের লৌহখনি যাহার ইচ্ছা সে চালাইতে পারিত
লৌহখনি। ইহার জন্য অনুমতি গ্রহণ বা কর প্রদান করিতে
হইত না। লৌহোত্তোলনব্যাপারে ত্রৈলোক্য লাভ
হইত না বলিয়া রাজা এ বিষয়ে দায় গ্রহণ করিতেন না।

ভুটান হইতে সোহাগা ও লবণ, বদরিনাথ এবং তৎসমীপবর্ত্তী
প্রদেশ হইতে মৃগনাভি ও ক্রীত দাস, 'পাইকুণ্ডা'
আমদানি। নামক স্থান হইতে লুই, ধোসা প্রভৃতি গাত্রবস্ত্র
এবং 'রোহিলখণ্ড' হইতে সর্ব্ব প্রকারের বস্ত্র আমদানি হইত।

এই রাজ্যের সৈন্য সংখ্যা ৫০০০ হাজার ছিল। সহরে প্রায়
সর্ব্বদাই সহস্র সৈন্য থাকিত। 'সৈন্তেরা ঢাল,
সৈন্ত। তরবার, তীর, ধনু প্রভৃতি অস্ত্র-শস্ত্রে সজ্জিত
থাকিত কিন্তু ইহাদের পোষাক পরিচ্ছদ, বা নিয়ম পদ্ধতি কিছুই
ছিল না। প্রত্যেক সৈন্তকে কিছু জমি দেওয়া থাকিত।
এবং ঐ সকল জমি উহাদের সেনাপতি ফৌজদারের তত্ত্বাবধানে
থাকিত। এই ফৌজদারেরাই দেওয়ানি ও সামরিক কার্য্য
নির্ব্বাহ করিত। আদায়, ওয়াশিল, আয় ব্যয় নির্ব্বাহ ও বিচার
কার্য্য তাহারাই সম্পন্ন করিত। কেবল অত্যাবশ্যক গুরুতর
কার্য্য সকল দেওয়ানজী সম্পাদন করিতেন।

জরিমানা ও 'বাজেয়াপ্ত' করণই প্রধান শাস্তি ছিল। ইত্যা করিলে অপরাধীর প্রায় প্রাণদণ্ড হইত না। রাজ-দণ্ডনীতি। পুত অপরাধী হইলে অধিক জরিমানা এবং ব্রাহ্মণ অপরাধী হইলে নির্বাসনের দ্বারা শাসিত হইত। গোহত্যা, রাজবিদ্রোহ, জাতিপাত প্রভৃতি অপরাধে প্রাণদণ্ডের ব্যবস্থা হইত। ফাঁসি ও শিরশ্ছেদন এই দুই প্রকারেই প্রাণদণ্ড হইত। গুরুতর চৌর্য্যাপরাধে কখন হস্তপদাদি বা নাসা-কর্ণচ্ছেদন দ্বারা দণ্ড প্রদান করা হইত। নিকৃষ্ট জাতির স্ত্রীলোকের সহিত ব্যভিচার করিলে জরিমানা, কিন্তু উচ্চবংশীয়া রমণী ব্যভিচারিণী হইলে নাসাকর্ণচ্ছেদন এবং তাহার প্রণয়ীর প্রাণদণ্ড হইত। কখন কখন স্বামীকে স্বহস্তে তাহার স্ত্রীর উপপতিকে বিনাশ করিতে আজ্ঞা প্রদান করা হইত।

রাজা স্বেচ্ছাচারী সর্ববিসৰ্ব্বা কর্তা হইলেও, মন্ত্রীসভা দ্বারা তাহার ক্ষমতা নিয়ন্ত্রিত হইত। ভারতবর্ষীয় রাজ-রাজার ক্ষমতা।

গণ চিরকালই ধর্ম্মনীতি-প্রিয় ও প্রজারঞ্জক ছিলেন। পদ্মুমান শ্রদ্ধার সহিত ধর্ম্মশাস্ত্রের বিধি অনুসারে সকল কার্য্য করিতেন। প্রজার সুখসন্তোষের জন্য উপযুক্ত ব্যক্তি দ্বারা মন্ত্রীসভা গঠিত করিতেন। পাছে প্রজাপালক নামে কলঙ্ক হয় এই ভয়ে সর্বদা শঙ্কিত থাকিতেন। মন্ত্রীসভা দেওয়ান, উজির, ফৌজদার ও অন্যান্য সম্ভ্রান্ত লোক লইয়া গঠিত হইত।

এই সময়ে পদ্মুমান সাহ গুরুখাদিগকে বাৎসরিক ২৫০০০ টাকা কর প্রদান করিতেন।

১৮০৩ খৃস্টাব্দে গুরুথারা বিপুল আয়োজন করিয়া গড়ওয়াল রাজ্য আক্রমণ করিলে রাজা পর্দুমান সাহ শ্রীনগর হইতে দেরাডুনে, এবং তথা হইতে সাহারাণপুরে পলায়ন করেন। সাহারাণপুরে যাইয়া তিনি নিজ সিংহাসন দেড় লক্ষ টাকায় এবং বদরিনাথের মন্দির ৫০০০০ টাকায় বন্ধক প্রদান করিয়া ১২০০০ হাজার সৈন্য সংগ্রহ পূর্বক দেরাডুন দখল করিবার উদ্যোগ করেন, কিন্তু ১৮০৪ সালে যুদ্ধে হত হন। তাঁহার কনিষ্ঠ ভ্রাতাকে বন্দী করিয়া গুরুথারা নেপালে প্রেরণ করে। কেবল পরাক্রম সাহ হিন্দোরের রাজা রামসরণের শরণাপন্ন হইয়া ও পর্দুমানের পুত্র সুদর্শন সাহ জোয়ালাপুরে যাইয়া আত্মরক্ষা করেন। যখন পর্দুমান সাহ সাহারাণপুরে পলায়ন করেন গুরুথারা সেই সুযোগে দেরা দখল করে। গুরুথাদের অত্যাচারে দেশের অবস্থা শোচনীয় হইয়া উঠিল। দাস-ব্যবসায় ভয়ানকরূপে প্রচলিত দেশের দুর্দশাও হইল; এমন কি প্রকাশ্য বাজারে এক একটি দাস, দাস-ব্যবসায়। উষ্ট্র বা অশ্ব অপেক্ষা কম মূল্যে বিক্রীত হইতে লাগিল। ইহাদিগের অত্যাচারে কত গ্রাম যে উৎসন্ন হইল তাহার নির্ণয় করা যায় না। আবাল-বৃদ্ধ-বনিতা সকলেই সর্বদা সশঙ্কিত হইয়া থাকিত। কাহার কখন সর্বনাশ সাধিত হইবে কেহ বলিতে পারিত না। একবার নেপালের রাজা পৃথ্বীনারায়ণের ভ্রাতা স্বরূপরতন কীর্ত্তিপুর গ্রাম আক্রমণ করিলে গ্রামবাসিগণ প্রাণপণে, আসাধারণ বিক্রমে কিছুদিন আত্মরক্ষা করে; কিন্তু কত

দিন তাহারা শিক্ষিত সৈন্যের বিরুদ্ধে অস্ত্র ধারণ করিতে সক্ষম হইবে? বিশেষতঃ নেপালী সৈন্যগণ তখন ইংরাজি প্রথায় রণ করিতে শিক্ষা করিতেছিল। অবশেষে তাহারা স্বরূপরতনের নিকট প্রস্তাব করিয়া পাঠাইল যে যদি তিনি শপথ করেন যে তাহারা আত্মসমর্পণ করিলে তাহাদের জীবনের উপর হস্তক্ষেপ করিবেন না, তাহা হইলে তাহারা আত্মসমর্পণ করিবে। স্বরূপরতন তাহাই প্রতিজ্ঞা করিলেন। গ্রামের প্রধান ব্যক্তির বাইয়া বশ্যতা স্বীকার পূর্বক অস্ত্র ত্যাগ করিল—কিন্তু পাপিষ্ঠ স্বরূপরতন পূর্বপ্রতিজ্ঞা বিস্মৃত হইল। দুরাত্মা গ্রামের প্রধান ব্যক্তিগণকে বধ করিয়া, বৃদ্ধ, বালক ও স্ত্রীলোকদিগের নাসিকা কৰ্ত্তন করিয়া দিল। দুরাত্মা এই পৈশাচিক রূপার চিরস্মরণীয় করিবার জন্ত গ্রামের নাম পরিবর্তন পূর্বক ‘নাসকাটাপুর’ রাখিল।* কিন্তু পাপের ফল কে রোধ করিবে? ভগবানের শাস্তি যে কোথা হইতে আইসে তাহা কেহই বলিতে পারেনা। যখন পাপের উপর পাপ সঞ্চিত হয়—যখন পাপের ভরা পূর্ণ হইয়া আইসে—তখন বিশ্বনিয়ন্তার কঠোরতম দণ্ড তাহাকে চূর্ণ বিচূর্ণ করিয়া ফেলে। গুর্খাদিগের সম্বন্ধেও সে নিয়মের ব্যতিক্রম হইবে কেন? তাহাদের অত্যাচার-পিপাসা ক্রমশঃই বৃদ্ধি হইতে লাগিল; অবশেষে যেন বিদ্রোহ হইবার জন্যই ১৮১৪ খৃষ্টাব্দের ২৯শে মে তারিখে, অকারণে ইংরাজের ভূতওয়ালের

* “Their noses and lips enabled the Raja to take a census of the town--the name of which was changed to ‘Naskatapur’”—*Williams’s Memoirs of Dehra Dun.*

গুরখা-যুদ্ধের
কারণ।

থানা আক্রমণ করিল—১৮ জন কনফেবল হত
ও ৬ জন আহত হইল। থানার দারোগা, এই
দলের নেতা মানরাজ* ফৌজদারের শরণাগত
হইল, কিন্তু দুর্বৃত্ত মানরাজ শরণাগত দারোগাকে নিজের
সম্মুখে অতি নৃশংস রূপে হত্যা করিল। এইরূপে ইংরাজের
থানা লুণ্ঠন করাতে তাহাদের ক্রমে সাহস বৃদ্ধি হইল। তাহারা
আর একটি থানা আক্রমণ পূর্ববক বহু লোকের প্রাণ বধ করিল।
ইংরাজ গভর্নেন্ট দেখিলেন যে আর* শাসন না করিলে ইহা-
দিগের প্রতাপ আরও বৃদ্ধি পাইবে কিন্তু অসময় বলিয়া যুদ্ধ
ঘোষণার পরিবর্তে এই সকল রাক্ষসোচিত অত্যাচারকাহিনী
নিবৃত্ত করিয়া নেপালরাজকে এক পত্র লিখিলেন। নেপালরাজ
সেই পত্র পাইয়া অত্যাচার নিবারণ করা দূরে থাকুক, এমন
উদ্ধত উত্তর প্রেরণ করিলেন যে ব্রিটিশ-সিংহের অনতিবিলম্বে
যুদ্ধ ঘোষণা করা ব্যতীত উপায়ান্তর রহিল না।

৩৫১৩ জন সৈন্য ও ১৮টি কামান লইয়া ব্রিটিশ গভর্নেন্ট
জেনারেল জিলিস্পিকে দেরা হস্তগত করিয়া শ্রীনগরে অমর
সিংহের বিরুদ্ধে যুদ্ধ যাত্রা করিবার আদেশ প্রদান করিলেন।
জিলিস্পির সৈন্যদল ২৪শে অক্টোবর দেরাডুন দখল করিল।
জিলিস্পি তখন উপস্থিত ছিলেন না। তাহার সহকারী কর্ণেল
মৌলির উপর সেনাপরিচালনের ভার ছিল। এদিকে গুরখারাও
নিশ্চিন্ত ছিল না। দেরাডুনের উত্তরে সাড়ে তিন মাইল মধ্যে
পাহাড়ের উপর কালঙ্গা নামক স্থানে গুরখা-সেনাপতি
বলভদ্র সিংহ বালক, বুদ্ধ, স্ত্রীলোক ও সৈন্য সহিত ৩০০ মাত্র

লোক লইয়া একটি দুর্গ প্রস্তুত 'করিয়া বাস করিতে ছিলেন। সেই স্থানের পর্বত প্রাচীরবৎ সরলোন্নত স্তূতরাং গাত্র অবলম্বন করিয়া আরোহণ করা বড় দুর্কর। তাহার পর দুর্গ হইতে সমতল ভূমি পর্য্যন্ত গভীর শাল বনে আচ্ছন্ন। দুর্গ ইতস্ততঃ বিক্ষিপ্ত উপলব্ধি ও শাল বৃক্ষ দ্বারা নির্মিত। যখন ইংরাজ সৈন্য দেয়ায় উপস্থিত হইল তখন বলভদ্র সিংহের সৈন্যগণ দুর্গের প্রাচীর নির্মাণ করিতেছিল ও শাল বৃক্ষের বেড়া দিতেছিল। কর্ণেল মৌলি সেই রাত্রেই বলভদ্র সিংহকে আত্মসমর্পণ করিতে বলিয়া পাঠাইলেন। দূত আসিয়া নিবেদন করিল যে বলভদ্র সিংহ অবজ্ঞার সহিত পত্র ছিঁড়িয়া ফেলিয়াছে এবং বলিয়াছে যে সমরক্ষেত্রে সেনাপতির সহিত 'হরায় সাক্ষাৎ করিবেন। দূতমুখে এই নির্ভীক উত্তর শ্রবণ করিয়া ইংরাজসেনাপতিগণ বিস্ময়স্তব্ধ হইয়া গেলেন। তাঁহারা 'এক জন সামান্য অসভ্য দুর্গস্বামী'র নিকট হইতে এরূপ উদ্ধত, নির্ভীক উত্তর আশা করেন নাই। তাঁহারা মনে করিয়াছিলেন যে বলভদ্র ইংরাজের অগণিত সৈন্যশ্রেণী দেখিয়াই ভয়ে আত্মসমর্পণ করিবে। যাহা হউক উত্তর শ্রবণে যার পর নাই রোষাবিষ্ট হইয়া দুর্গ আক্রমণ করিলেন। কামান শ্রেণী অগ্নি উদগীরণ করিতে লাগিল—কিন্তু সেই পর্বত-দুর্গের একখানি প্রস্তরও স্থানচ্যুত হইল না। পরদিন ২৬শে অক্টোবর জিলিস্পি সমর-প্রাঙ্গনে উপস্থিত হইয়াই ৫০০ শত গজ মাত্র দূরে কামানশ্রেণী সজ্জিত করিলেন ও চতুর্দিক হইতে একই সময়ে কালান্ধার দুর্গ আক্রমণ করিতে আদেশ প্রদান করিলেন। ইহাতে তিনি মনে করিয়াছিলেন যে শত্রুরা

কোন দিক রক্ষা করিবে বুঝিতে না পারিয়া কিংকর্ভব্যবিমূঢ় হইয়া পড়িবে। কিন্তু বলভদ্র জানিতেন যে তাঁহার দুর্গ সুরক্ষিত—সিঁড়ি ভিন্ন তন্মধ্যে প্রবেশলাভ অসম্ভব; তাই তিনি নির্ভীকচিত্তে ও একরূপ নিশ্চেষ্টতা অবলম্বন দ্বারা শত্রুগণের বিস্ময় উৎপাদন করিয়াছিলেন। যাহা হউক জিলিস্পি সাহেব মহাতেজে অগ্রসর হইলেন—কিন্তু দুর্গোপরি কামানশ্রেণীর অনবরত জ্বলন্ত-গোলক-বর্ষণেও সেই পার্শ্ববর্তী দুর্গ সম্পূর্ণ অটুট রহিল। জিলিস্পি মনে মনে বিপদ গণিলেন—তিনি যে দুর্গ অঙ্গুলিহেলনে অবলীলাক্রমে জয় করিবেন মনে করিয়াছিলেন তাহা এখন কস্মিক্ষেত্রে পড়িয়া বুঝিলেন যে তত সহজসাধ্য নহে। তিনি প্রতিজ্ঞা করিলেন যে হয় দুর্গ-প্রাকারে বৃটিশ-পতাকা উড্ডীন হইবে, নচেৎ অকিঞ্চিৎকর প্রাণ বীরের হায়ে বিসর্জন দিবেন—বৃটিশ নামে কখনই কলঙ্ক আরোপিত হইতে দিবেন না। এই স্থির করিয়া তিনি ভীম বেগে, অসীম উৎসাহের সহিত নিষ্কাশিত-অসি-হস্তে অগ্রসর হইতে লাগিলেন—দলে দলে ইংরাজসৈন্য হত হইতে লাগিল—কিন্তু জীবন থাকিতে কেহই পশ্চাৎপদ হইল না; এমন সময়ে একটি জ্বলন্ত গোলক আসিয়া জিলিস্পির বক্ষে পতিত হইল—তিনি তৎক্ষণাৎ মানবলীলা সম্বরণ করিলেন। বিজয়-লক্ষ্মী বাম হইলে প্রাণ দিয়াও জয়লাভ করা যায় না—ইংরাজসৈন্য সেদিনকার যুদ্ধে পরাস্ত হইয়া দেৱাছুনে ফিরিয়া আসিল।

কর্ণেল মৌলি এবার সৈন্যাধ্যক্ষ হইলেন। তিনি দিল্লি হইতে Battering train পাঠাইবার জন্য পত্র লিখিলেন। ২৪শে নভেম্বর Battering train আসিয়া উপস্থিত হইল। অনতিবিলম্বে

আবার কামান স্থাপিত হইল। দুর্গের উপর দিবারাত্র গোলা বর্ষিত হইতে লাগিল। ক্রমে অনেক গোলাবর্ষণের পর দুর্গের এক স্থান ভাঙ্গিয়া গেল। ইংরাজসৈন্যগণ এবার দুর্দমনীয় বেগে আক্রমণ করিয়া সেই ভগ্নাংশ দিয়া দুর্গপ্রবেশের চেষ্টা করিল—কিন্তু কাহার সাধ্য সে দুর্গে প্রবেশ করে? গুরুখাগণ সিংহবিক্রমে সেই ভগ্নাংশ রক্ষা করিতে লাগিল—দুইবার ইংরাজের সুশিক্ষিত সৈন্যকে অসভ্য গুরুখা গুলিবর্ষণ দ্বারা বিফল-প্রযত্ন করিল। এইরূপে তিন দিন ঘোরতর যুদ্ধ চলিতে লাগিল। এদিকে ইংরাজেরা সংবাদ পাইল যে ‘নালাপানি’ নামক নির্বারিণীদ্বারা নালাপানি।

এই দুর্গে জল সরবরাহ হয়। ইংরাজেরা সেই সলিলপ্রবাহ বন্ধ করিয়া দিল। গুরুখা-সৈন্যগণ তাহাতেও হটিল না—তাহারা কয়েক দিন বিনা বারিপানেই যুদ্ধ করিতে লাগিল—কিন্তু স্বভাবের সহিত ক্ষুদ্র মানবের কয়দিন যুদ্ধ করা সম্ভবে? একে ক্রমাগত ভীষণ যুদ্ধে যারপরনাই ক্লান্ত হইয়াছে—তাহার উপর পিপাসায় কণ্ঠ-তালু শুষ্ক হওয়ায় তাহারা অধীর হইয়া উঠিল—আহার-সামগ্রী ফুরাইয়া গিয়াছিল—বালক, বৃদ্ধ ও স্ত্রীলোক-গণ আহাৰ্য্য-পানীয়ের অভাবে পঞ্চত্ব প্রাপ্ত হইতে লাগিল—বলভদ্র দেখিলেন যে আর দুর্গ রক্ষা হয় না—মনুষ্যের যাহা সাধ্য তাহা তিনি করিয়াছেন—তবে কেন ইংরাজের ঘাতকহস্তে প্রাণ বিসর্জন করিবেন! বীর বলভদ্র মরিতে কাতর ছিলেন না। তিনি স্থির করিলেন যে যদি মরিতে হয় তবে বীরের ম্রায় সম্মুখ-সমরে বলভদ্রের প্রাণত্যাগ করিবেন। এই ভাবিয়া বীরশ্রেষ্ঠ বীরত্ব। বলভদ্র সিংহ হতাবশিষ্ট ৭০ জন মাত্র সৈন্য লইয়া

সিংহবিক্রমে উন্মুক্ত-তরবারি-হস্তে ইংরাজ-সৈন্য ভেদ করিয়া প্রস্থান করিলেন। তাঁহার সে প্রচণ্ড তেজঃ ও অপ্রতিহত বেগ কেহই রোধ করিতে সমর্থ হইল না। তিনি নিরাপদে ঐ পর্বতস্থিত আর একটি দুর্গে আশ্রয় লইলেন। ইংরাজ তখন সেই পরিত্যক্ত কালঙ্গা দুর্গে প্রবেশ করিয়া বাহ্য দেখিলেন তাহাতে বিস্ময়াভিভূত হইলেন। দেখিলেন যে দূর শাসন-ভূমিতে পরিণত হইয়াছে— চতুর্দিকে শবদেহের পুতিমাংস সে স্থানে ঋণমাত্র তিষ্ঠান যায় না। ইংরাজ ঐ দুর্গ একেবারে বর্জ্য করিয়া ফেলিলেন—চিহ্ন মাত্র রাখিলেন না। আরও যায় যে মহাবলশালী বলভদ্র হতাবশিষ্ট সৈন্যের সর্পি-বুজাব-কেশুরী রণজিৎ সিংহের সৈন্যশ্রেণীভুক্ত হইয়া তাহাকে প্রাণত্যাগ করিয়াছিলেন। এইরূপে ইংরাজ-রাজ দমন হস্তগত করিয়া শাস্তি স্থাপন করিলেন।* ইহার পর আরও উপদ্রব হয় নাই। কেবল একবার মাত্র অসন্তুষ্ট জাতি কলুয়া নামক এক দস্যুর অধীনে বিদ্রোহ হইয়াছিল। এই কলুয়া বিখ্যাত দস্যু তাহাদের আশ্রয় ছিল বলিয়া শুনা যায়। সে ধনীর ধনাদি লুণ্ঠন করিয়া দরিদ্রের সহায়তা করিত। ইংরাজ প্রথমে কলুয়ার পুনঃ আশান্ত নাই ও তৎসম্বন্ধীয় জন-শ্রুতি কল্পনা-প্রসূত বলিয়া অগ্রাহ্য করিয়াছিলেন—কিন্তু যখন ক্রমাগত লোকে দস্যুক্রান্ত হইতে লাগিল—থানা,

* বাহ্যভায়ে বুদ্ধের বৃত্তান্ত সংগ্রহ জানিতে ইচ্ছা করেন তাঁহার *Wu* নামক পুস্তক পাঠ করিবেন।

হইল। ঐহারা বুদ্ধের বিষয় সবিশেষ হব প্রণীত *Memoirs of Delwa Dun*

কাছারি প্রভৃতি লুণ্ঠিত হইল—তখন ইহার বিরুদ্ধে ২১৪টি অভি-
যান হইল—কিন্তু কিছুতেই ঐ পার্বত্য দস্যু ধৃত হইল না। অব-
শেষে বহুকষ্টের পর স্থানীয় লোকদিগের সাহায্যে কলুয়া ধৃত
হইয়া প্রাণদণ্ডে দণ্ডিত হইল। কলুয়ার মৃত্যু হইলে ‘কুয়ার’

কুয়ার। • নামক উহার একজন সর্দার কিছু দিন উপদ্রব

করিয়াছিল, কিন্তু সেও অচিরে ধৃত হয়। এই সকল
সামান্য উপদ্রবের পর আর কোনও গোলযোগ ঘটে নাই।
এমন কি ১৮৫৭ খৃষ্টাব্দের সিপাহিবিরোধেও এই দেৱাডুন
সহরের শান্তি বিচলিত হয় নাই।





প্রাচীন দেয়ার বিচিত্র ইতিহাস ফুরাইয়া গেল। অতীত ঘটনার আখ্যানে মানুষ পূর্ব মহত্ত্ব অক্ষুণ্ণ রাখিতে বর্তমান অবস্থা। উৎসাহিত হয়—তাই পুরাতত্ত্বের এত সমাদর দেখিতে পাওয়া যায়। কিন্তু বর্তমানের চিত্র অতীতের সহিত সংযুক্ত থাকিলে প্রাচীন মহত্ত্ব আরও বিশেষভাবে ফুটিয়া উঠে এবং ইতিহাস-প্রসিদ্ধ স্থান প্রভৃতির বর্ণনার সম্পূর্ণতা বিহিত হয়—তাই আমরা এই স্থানে দেয়ার বর্তমান অবস্থা ধর্মে প্রবৃত্ত হইলাম। এই স্বভাব-সুন্দর নিভৃত স্থান পাশ্চাত্য সভ্যতার কিরণ-স্পর্শে কিরূপ মূর্তি পরিগ্রহ করিয়াছে, প্রাকৃতিক অবস্থা এবং অধিবাসিগণের প্রকৃতির কিরূপ পরিবর্তন সংঘটিত হইয়াছে তাহা জানিবার জন্য বোধ হয় অনেকের কৌতূহল উদ্দীপিত হইয়া থাকিবে। আমরা যথাসাধ্য তাহার চরিতার্থতা সাধনে চেষ্টা করিব।

দেয়াতুন প্রদেশের (জেলার) প্রধান নগর দেয়াতুন সহর।

বর্তমান এই জেলা ৭১৫ বর্গমাইল। রাজস্ব ও শাসন বিভাগাদি। বিভাগের সুবিধার নিমিত্ত ইহা একটা তহসিলের অন্তর্গত ‘পূর্ব-দুন’ ও ‘পশ্চিম-দুন’* নামক দুইটি পরগণায়

বিভক্ত। এই জেলায় ৫০৫ খানি গ্রাম আছে। ইহার বাৎসরিক আয় এখন ৫৭০০০ হাজার টাকা।

দেৱাডুন সহর পশ্চিম-দুন পরগণায়। সহরটি ক্ষুদ্র হইলেও

অতি সুন্দর। পরিষ্কার লাল রাস্তা নগরময় শাখা
গণঘাট।

প্রশাখা বিস্তার করিয়াছে। পথের দুই পার্শ্বে ক্ষুদ্র ক্ষুদ্র ‘বাংলা’—প্রত্যেক ‘বাংলায়’ একটি করিয়া নানাপ্রকার ফল-পুষ্প-শোভিত পর্য্যাপ্ত-পুষ্পস্তবকানন্দ্রা-লতাকুঞ্জ-সংযুক্ত উদ্যান সংলগ্ন আছে। এই সমস্ত উদ্যানে এত সুন্দর গোলাপ প্রস্ফুটিত হইয়া থাকে যে দেখিলে মনে হয় যেন বাগানটি সর্বদা হাস্য করিতেছে। রাজপুর রাস্তা বরাবর মন্সুরি পর্বতের পাদদেশে রাজপুর গ্রাম পর্য্যন্ত গিয়াছে। এই রাস্তা বেশ প্রশস্ত ও পরিষ্কার। ইহার উভয় পার্শ্ব শ্রেণীবদ্ধ স্নিগ্ধ ছায়াপ্রদ শ্যামল তরুরাজি দ্বারা শোভিত। এই রাস্তা যে যে স্থান দিয়া গিয়াছে সেই সকল স্থান দেৱাডুনের অপরাংশ অপেক্ষ অধিক স্বাস্থ্যকর—সুতরাং এই সকল স্থানে গাহেবদিগের গৃহের সংখ্যা অধিক।

এই সহরে একটি প্রকাণ্ড বাজার আছে। ইহাতে সর্ব-প্রকার দ্রব্য যথেষ্ট পরিমাণে সকল সময়ে পাওয়া যায়।

ব্যবসায়ী মাড়ওয়ারী, পার্শী ও কাবুলীরা এখানে
বাজার।

বহুসংখ্যক দোকান খুলিয়াছে; কিন্তু দেৱায় বাঙ্গালী অধিবাসীর সংখ্যা অধিক হইলেও এই সমগ্র সহরে বাঙ্গালীর একখানিও দোকান নয়নগোচর হয় না। চিরাত্যস্ত স্ববৃত্তিই সেখানেও বাঙ্গালীর একমাত্র অবলম্বন। সুদূর মাড়ওয়ার,

বোম্বাই ও কাবুল হইতে তন্ত্ৰে প্রদেশের অধিবাসীরা দেয়ায় যাইয়া আপনাদিগের দেশজাত দ্রব্যাদির প্রচলন-বৃদ্ধির চেষ্টা করিতেছে। কিন্তু বঙ্গদেশের কোন দ্রব্যই সেখানে দেখিতে পাওয়া যায় না। দেয়া, মসুরি, ননিতাল প্রভৃতি স্থান ভ্রমণ-কারিগণের পর্য্যটন-কক্ষের অন্তর্ভুক্ত, তথায় পর্য্যটকেরা নানা দেশীয় বিচিত্র বস্তুর অনুসন্ধান করিয়া থাকেন; কিন্তু উছোগী পুরুষসিংহ বঙ্গবাসীর বাণিজ্যের প্রতি বিরূপ প্রকৃতিগত বিদ্বেষ এই সকল প্রদেশে বঙ্গদেশজাত দ্রব্যাদির এককালীন অভাব দেখিয়াই তাহা তাঁহারা বিশেষভাবে বুঝিতে পারেন। এই অভিপ্ৰায়ে 'অধমজাতি পৃথিবীর সকল প্রধান কৰ্ম্মক্ষেত্রেই নিশ্চেষ্টতার অবতাররূপে বিদ্রাজ করিতেছে। হায়! ভগবান্ কি কখনও এ জাতির প্রতি মুখ তুলিয়া চাহিবেন না!

উত্তর-পশ্চিমাঞ্চলের মধ্যে এই স্থানে সর্বাপেক্ষা অধিক সংখ্যক (প্রায় ৬০০ শত ঘর) সাহেবের বাস।

লোকজন। বনবিভাগ (Forest Department) ও ত্রিকোনমিতি-জরীপ-বিভাগের (Trigonometrical Survey) আফিসের জন্ত অনেক বাঙ্গালী বাস করিয়াছেন। সর্বসমেত এই সহরের লোকসংখ্যা ১৯০০০ হাজার হইবে।

এই সহরে একটি উচ্চশ্রেণীর ইংরাজি বিদ্যালয়, একটি বালিকা বিদ্যালয়, হাঁসপাতাল ও ফরেস্ট স্কুল আছে।

বিদ্যালয়াদি। এবং এই ফরেস্ট-স্কুল-সংশ্লিষ্ট একটি 'মিউজিয়ম্' (Museum) ও 'বোর্ডিং হাউস্' আছে। ভূতপূর্ব আফগান্

নির্বাসিত আমীর ইয়াকুব খাঁকে এখানে নির্বাসিত করা ইয়াকুব খাঁ। হইয়াছে। এখানে গ্রীষ্ম কালে বড়লাট সাহেবের ঘোড়া থাকে ও 'ইম্পিরিয়াল্ ক্যাডেট কোর্স' এখানে ছাউনি 'ইম্পিরিয়াল্ করিয়া কুচ্ কাওয়াজ (Drill) শিক্ষা করে। ক্যাডেট কোর্স। এতদ্ব্যতীত এখানে গুরুখা এবং অন্যান্য পল্টনের ছাউনি আছে।

এই নগরের মিউনিসিপালিটির বাৎসরিক আয় প্রায় ১৬০০০, মিউনি- হাজার টাকা হইবে। গৃহ-কর হইতেই ইহার প্রধান সিপালিটি। আয়। উত্তর-পশ্চিমের অন্যান্য সহরের ন্যায় এই সহরে 'অক্টুয়' শুল্ক আদায় হয় না।

সমগ্র দেরাডুন জেলা, ম্যাজিস্ট্রেট ও কলেক্টারের ক্ষমতা-প্রাপ্ত এক জন সিভিলিয়ান সুপারিন্টেন্ডেন্টের আদালতাদি। অধীনে আছে। এতদ্ব্যতীত নয়জন ম্যাজিস্ট্রেট ও ছয়জন সিভিল ও রেভিনিউ জজ আছেন। সুপারিন্টেন্ডেন্ট সাহেব ও জজ সাহেব অক্টোবর হইতে এপ্রেল মাস পর্যন্ত দেরা সহরে ও এপ্রেল হইতে অক্টোবর মাস পর্যন্ত মন্সুরি পাহাড়ে কার্য্য নির্বাহ করেন। একজন মুনসেরিম, একজন ডেপুটি কলেক্টার, একজন তহসিলদার ও একজন নায়েব-তহসিলদার দেরায় থাকেন। এতদ্ব্যতীত এই সহরে দশজন অবৈতনিক ম্যাজিস্ট্রেট আছেন। এখানে একটি ছোট আদালত আছে।

এই জেলায় রাজপুত জমিদারের সংখ্যাই সর্বাপেক্ষা অধিক।

জমিদার ও ইহার পরে ব্রাহ্মণ জমিদার। কয়েক ঘর সাহেব ও প্রজা। জমিদারও আছেন। প্রজারা খাজনা কতক শস্যে ও কতক অর্থে প্রদান করে। জমিদারেরাও গভমেন্টকে ঐ প্রকারে রাজস্ব দেন। জমিদার ও প্রজায় বিশেষ সদ্ভাব থাকায় অন্যান্য দেশের ন্যায় প্রজাদিগকে নিরবচ্ছিন্ন ভূখণ্ডে কালযাপন করিতে হয় না। এই প্রদেশে ‘পতিত জমী’র পরিমাণ এত অধিক যে সমুদায় জমীর কর্ণণের নিমিত্ত কৃষক পাওয়া যায় না। কাজেই জমিদারেরা প্রজাদিগকে বশে রাখিবার জন্য তাহাদিগকে ঘাস ও কাষ্ঠাদি বিনামূল্যে প্রদান করেন—এমন কি কুটারনিষ্কাণার্থ কখন কখন অর্থাদ্বারাও সাহায্য করেন। নূতন প্রজা আসিলে জমিদারেরা প্রথম দুই বৎসর খাজনার জন্য পীড়াপীড়ি করেন না, কেন না তাঁহারা বেশ জানেন যে বেশী পীড়াপীড়ি করিলে তাহারা ঘর ভাঙ্গিয়া অন্য জমিদারের জমীতে ঘর বাঁধিবে এবং তাহাতে নিজেরাই ক্ষতিগ্রস্ত হইবেন, যেহেতু সেই জমীতে বাবৎ না অন্য প্রজা আসিবে তাবৎ উহা পতিত থাকিবে। কিন্তু প্রজাদিগের এক জমী ত্যাগ করিয়া অপর জমীতে যাওয়ায় ক্ষতি হয় না। এই সকল কারণে জমিদারেরা প্রজাপীড়ন করিতে সাহসী হয়েন না। উৎপন্ন ফসলের মূল্যানুসারে খাজনা প্রদত্ত ও গৃহীত হয়। এইরূপ রাজস্বগ্রহণের ব্যবস্থায় ভূমি-করের হ্রাস-বৃদ্ধি স্বাভাবিক নিয়মেই নিয়মিত হইয়া থাকে।* শস্যের মূল্যের উপর রাজা

* “Under the system the rents are self-adjusting, the value of land-lord's and tenant's share rises and falls simultaneously with prices, while if the crop partially fails the loss is shared by both parties; if it fails entirely the tenant loses his seed, but is not crushed by having to pay a rent for the land which has yielded him nothing.”—*Baker's Settlement Report of Dehra Dun, 1886.*

প্রজা উভয়েরই লাভ ও ক্ষতি নির্ভর করে। ফসল তেমন ভাল না হইলে উভয়েই কিছু ক্ষতিগ্রস্ত হয়, কিন্তু ফসল একেবারে না জন্মিলেও, প্রজা প্রাণে মারা যায় না—তাহার বীজগুলি নষ্ট হয় বটে, তবে ভূমিতে শস্তের নামগন্ধও নাই অথচ সেবারেও ষোল আনা খাজনা দিতে হইবে এরূপ ব্যবস্থা না থাকায় তাহার সর্বনাশের সূত্রপাত হয় না। যদি প্রজার গোমহিষাদি মরিয়া যায় তাহা হইলে জমীদার চাষের জন্য গোমহিষাদির ব্যবস্থা করিয়া দেন। প্রজার ঋণ করিবার প্রয়োজন হইলে অন্য মহাজনের নিকট কর্জ না লইয়া ইহারা স্ব স্ব জমীদারের নিকট হইতে ঋণ গ্রহণ করে। ইহাতে তাহার মহাজনদিগের অপেক্ষা অল্প সুদে টাকা পায়, আর জমীদারও টাকা ধার দিয়া প্রজাকে বশ করিয়া রাখেন ও যাহাতে ফসল ভাল হয় তাহার প্রতি দৃষ্টি রাখেন। এই সকল কারণে এদেশে সাধারণতঃ প্রজার অবস্থা ভাল। একর (acre) প্রতি (৩০ বিঘায় ১ একর) ঠিক প্রজার ৪১৬/০ আদায় করিয়া ও যোতস্ব প্রজার ২১০ আনা হিসাবে খাজনা দিতে হয়।

এই প্রদেশে খারিফ ও রবি উভয় প্রকার শস্যই জন্মায়।

উৎপন্ন চাউলের মধ্যে ‘রামজুয়ান’ ও ‘বাসমতি’
শস্তাদি। চাউল সর্বাপেক্ষা উৎকৃষ্ট; বলিতে কি ‘বাসমতি’

চাউলের ন্যায় চাউল অত্যন্ত দুর্লভ। এতদ্ব্যতীত মুগ, অরহর, ছোলা, ইক্ষু, আলু, আদা, হলুদ, লঙ্কা, যব প্রভৃতি সমস্ত দ্রব্যই উৎপন্ন হয়। কিন্তু য়ত, তৈল ও গুড় অল্প স্থান হইতে আনীত হয়। এদেশ হইতে কাষ্ঠ, বংশ, চূণ, কাষ্ঠকয়লা, চা ও চাউল

অন্য দেশে রপ্তানি হয়। দেশী ও বিলাতি সকল প্রকার ফল এখানে উৎপন্ন হয়; কেবল ধ্রুবেরী, পিচ্ ও আঙ্গুর আর্দ্রতাবশতঃ ভাল হয় না এবং গ্রীষ্মকালে উত্তাপের অভাবে আত্ন স্বেচ্ছা হয় না।

সকল প্রকার বিলাতি পুষ্প পাওয়া যায়। বিশেষতঃ ‘ভাওলেট’ ও ‘প্রিমরোজে’রই প্রাচুর্য্য। গোলাপের ফুল।

সংখ্যাও সখেউ। এখানে যে রকম বড় বড় গোলাপ ফুটে এত বড় অন্য কোথাও দেখিতে পাওয়া যায় ন্য।

দেৱাদুন সহর সমুদ্র হইতে প্রায় ৩০০০ হাজার ফুট উচ্চ হইলেও জলবায়ু কেমন একটু স্বাভাবিক ‘জলবায়ু’। ‘আর্দ্র’। এই আর্দ্রতা বর্ষাকালেই অধিক প্রতীয়মান হয়। অন্য সময়ে বেশ শুষ্ক। বর্ষাকালে এই আর্দ্রতার জন্য এখানে ম্যালেরিয়া জ্বরের প্রাদুর্ভাব হয়। সে সময় এই সহর অস্বাস্থ্যকর হইয়া উঠে। বর্ষাকালে যখন এখানকার নদী, খাল, বিল পূর্ণ হইয়া উঠে তখন এই সমুদায় নদীর বেগ এত প্রবল হয় যে পারাপার হওয়া দুঃসাধ্য হইয়া উঠে। কিন্তু আশ্চর্য্যের বিষয় এই যে নদীর বেগ এত প্রবল হইলেও বড় একটা ‘ভাঙ্গন’ দেখা যায় না। কার্তিক মাস হইতে বেশ শীত পড়ে ও ফাল্গুনের শেষ পর্য্যন্ত খুব শীত থাকে; চৈত্র বৈশাখ মাস এখানকার বসন্তকাল বলা যাইতে পারে। এই সময়ে এই স্থান বেশ স্বাস্থ্যকর হয় এই বসন্তসমাগমে এখানে নানাজাতীয় বৃক্ষ পুষ্পিত হইতে থাকে—সেই পুষ্পিতবৃক্ষরাজির সৌন্দর্য্যে বনভূমি রমণীয় শোভা ধারণ করে। এখানে গ্রীষ্ম অল্পকাল মাত্র স্থায়ী। আমাদের দেশের মত প্রখর গ্রীষ্ম কদাপি হয় না। যে বৎসর নিতান্ত অধিক

গ্রীষ্ম হইল সে বৎসর ১০০ ডিগ্রির অধিক উত্তাপ হয় না ।
গ্রীষ্মকালেও রাত্রি বেশ শীতল থাকে ।

এই প্রদেশ উৎকৃষ্ট অশ্বগোমহিষাদি জননের অনুকূল নহে
এবং কৃষকেরাও এই সকল গ্রাম্য পশুর উন্নতি-
প্রাপ্তি পশু । সাধনে নিতান্ত অমনোযোগী । তাহারা বলে যে
একেত এ দেশের তৃণাদি পুষ্টিকর নহে, তাহার পর গোমহিষাদি
এখানকার পাহাড়ের এক প্রকার দাস থাইয়া দুর্বল হইয়া পড়ে ।
কিন্তু স্থানীয় কৃষকগণের পশুপালনে অযত্নই গ্রাম্য পশুর দুর্দশার
প্রকৃত কারণ বলিয়া বোধ হয় কারণ ইহা দেখা গিয়াছে যে অল্প
স্থান হইতে এদেশে আনীত অশ্ব বেশ বলিষ্ঠ হয় ।

এখানকার অধিবাসীদিগের মধ্যে ব্রাহ্মণ ও রাজপুত্রের সংখ্যাই
অধিক । ব্রাহ্মণদিগের মধ্যে সমতলবাসী ও
জাতি । পাহাড়ী এই দুই শ্রেণী আছে । পাহাড়ী ব্রাহ্মণের
মধ্যে ‘সরোল’* ও ‘গঙ্গারি’† নামক দুই শ্রেণীর ব্রাহ্মণের
‘সরোল’ সংখ্যাই অধিক । ‘সরোল’ ব্রাহ্মণেরা ‘গঙ্গারি’
ব্রাহ্মণ । দিগের উপর আধিপত্য করে । উহাদিগের সহিত
কোন প্রকার সংস্রব রাখেনা, এমন কি উহাদের স্পৃহা রুচি পর্য্যন্ত

* “Sarola :— Those who have settled in Chandpur and Lohoa call themselves Sarolas however, and it would appear that the latter are the section of the Brahmans living along the Ganges, who obtained employment at the Court of the petty Rajas.”—*Crooke's Tribes and Castes*.

† “Gangâri :—A class of hill Brahmans who are inferior to the Sarolas, and are so called because they live on the banks of the Ganges. “The offspring of any Sarola who sinks by intermarriage with a lower family becomes simply a Gangâri.

“The Gangâri serve in the temples of the village deities and as priests of *Bhuvareva* ; but the Sarolas though not very orthodox in their ritual, only worship the orthodox deities”—*Ditto, ditto*.

স্পর্শ করে না। গড়ওয়াল-রাজবংশীয় পরমার-রাজপুতগণ সরোল ব্রাহ্মণকৃত অন্নাদি ভক্ষণ করে কিন্তু ‘গঙ্গারি’ স্পৃষ্ট অন্ন ‘গঙ্গারি’ স্পর্শ পর্যাস্ত করে না। ‘গঙ্গারি’ ব্রাহ্মণদিগের মধ্যে ব্রাহ্মণ। বিধবা-বিবাহ বিশেষতঃ ভ্রাতৃজায়া-বিবাহ বিশেষ-রূপে প্রচলিত আছে। এই শ্রেণীর ব্রাহ্মণেরা বড় স্তরাপানে আসক্ত।

এখানকার সমতলবাসী ব্রাহ্মণদিগের মধ্যে ‘গৌড়’ ও ‘সারস্বত’ শ্রেণীর ব্রাহ্মণই দৃষ্ট হয়। এই উভয় শ্রেণীর সমতলবাসী ব্রাহ্মণেরা ‘পঞ্চ গৌড়ে’র অন্তর্ভুক্ত।* উহারা পর্বতবাসী ব্রাহ্মণদিগকে জারজ ও অনাচারী বলিয়া বড় ঘণার নয়নে ‘গৌড়’ দেখে। ‘গৌড়’ ব্রাহ্মণেরা পাহাড়ী ব্রাহ্মণের সহিত ব্রাহ্মণ। কোনও সংশ্রব রাখেনা ও উহাদিগের স্পৃষ্ট অন্নজল গ্রহণ করে না। কিন্তু ‘সারস্বত’ ব্রাহ্মণেরা পাহাড়ী ‘সারস্বত’ ব্রাহ্মণের কন্যা বিবাহ করিতে অস্বীকৃত নহে— ব্রাহ্মণ। এমন কি মুগয়ালক মাংসাদি উহাদের সহিত ভক্ষণ করিতে আপত্তি করে না। এই ‘গৌড়’ ও ‘সারস্বত’ শ্রেণীর ব্রাহ্মণেরা পরিশ্রমী ও কৃষিকর্মে দক্ষ।

রাজপুতেরা এখানে সচরাচর ‘রংঘর’, ‘রাওয়ৎ’ এবং ‘বিফ’ নামক তিন শ্রেণীতে বিভক্ত।

‘রংঘর’[†] রাজপুতেরা বলে যে তাহারা সাহারানপুরের

* “সারস্বতাঃ কানাকুজাঃ গৌড়মৈথিলকোৎকলাঃ।

পঞ্চ গৌড়া ইতি গ্যাতাঃ বিদ্যাস্যোত্তরবাসিনঃ ॥” — ইতি স্বন্দপুরাণে।

† “Ranghar, Rangar:— A sect of Muhammadan Rajputs principally found in the Upper Ganges—Jamuna Duab. According to Tod, the word is derived from *rana* (রণ), ‘strife,’ in the sense of turbulent; but

‘রংঘর’
রাজপুত। ‘পুন্দিয়ার’ জাতির শাখা মাত্র। গড়ওয়াল-রাজ্যের
অবনতিকালে এই দেশে আসিয়া বাস করে কিন্তু
ক্রমশঃ পাহাড়ী স্ত্রীলোকের সহিত বিবাহাদি করিয়া মূলজাতি
হইতে ভ্রষ্ট হইয়া পাহাড়ী* হইয়া গিয়াছে।

‘রাওয়ৎ’ রাজপুতেরা বলে যে তাহারা নিম্নপ্রদেশ হইতে
‘রাওয়ৎ’ আসিয়া আলমোরার রাজার অধীনে কৰ্ম গ্রহণ করে।
রাজপুত। তদানীন্তন আলমোরার পূর্ব-রাজার মৃত্যু হইলে
তাহার বিধবা পত্নী সৌরাজপুরের রাজার পুত্রকে দত্তক গ্রহণ
করেন। সৌরাজপুরের রাজা তাহার চারিজন জ্ঞাতীর সহিত
পুত্রকে আলমোরায়ে প্রেরণ করেন। উহাদের মধ্যে একজন
কোন কারণে বিরক্ত হইয়া আলমোরা ত্যাগ করিয়া শ্রীনগরে
আসিয়া গড়ওয়াল-রাজ্যে আশ্রয় গ্রহণ করেন। তাহার
সদাচরণে তুষ্ট হইয়া গড়ওয়ালানিধিপতি তাহাকে অনেক ধন-রত্নাদি
প্রদান করেন। এইরূপে তিনি ও তাহার বংশধরেরা ঐ রাজ্যে
এত প্রতিপত্তি লাভ করিয়া ছিলেন যে তদংশীয়া রাণী কর্ণাবতী
ও অজ্জকুমার নুয়াদায় রাজপ্রতিনিধি হইয়া আইসেন। এই
সময়ে তাহারা তাহাদের স্বজাতিবর্গকে অজ্জপুর, কর্ণপুর,
উদিওয়ালা প্রভৃতি স্থানে বাস করান।

‘বিষ্ঠ’ রাজপুতেরা পাহাড়ী রাজপুত অপেক্ষা উচ্চশ্রেণীর

this is very doubtful. Mr. Ibbetson says :—Rangar is a term contemptuously applied in the eastern and south-eastern district of the Punjab to any Musalman Rajput.—Crooke's Tribes and Castes.

* ৪৭৫র পৃষ্ঠায় দেখ।

‘বিষ্ণু’ রাজপুত বলিয়া গর্ব করি। পাহাড়ী রাজপুতেরা
রাজপুত। খসিয়া রাজপুতের অন্তর্গত।*

এতদ্ব্যতীত গুজর,† চৌহান, আহির (গোপ), বেণিয়া (বণিক),
অন্যান্য ভাস্কি (মেথর), বড়হাই (ছুতার), কাহার, চামার,
জাতি। লোহার (কামার), মেহ্লা, ধুম প্রভৃতি জাতির
বাস আছে। মুসলমানদিগের সংখ্যা নিতান্ত অল্প। কয়েক
ঘর শিখ এই দেশে বাস করিয়াছে।

ব্রাহ্মণ ও রাজপুতেরা সকলেই হিন্দুধর্মাবলম্বী। অনেকেই
বিষ্ণু ও শিবের উপাসক কিন্তু ভৈরব ও শক্তি
পক্ষ ও আচার। পূজার আধিক্যও দেখা যায়। দেব-দেবীর পূজা
সাধারণতঃ বৈদিক বিধি অনুসারেই সম্পাদিত হয়; আমাদিগের
দেশের পূজা-পদ্ধতির ন্যায় বাহুল্য দৃষ্ট হয় না। দুই-বাসীরা
বড় একটা শাস্ত্র বা পুরাণের ধার ধারে না—সেই জন্য তাহাদের
পূজার অঙ্গবিস্তৃতি নাই। বাঙ্গালায় যেরূপে দশভুজার আরাধনা
হয় এখানে সে প্রকারে হয় না। কেবল হোম ও
চণ্ডীপাঠ হয় মাত্র। এখানকার অধিবাসী শিখেরা সকলে উদাসী-
সম্প্রদায়ভুক্ত। নীচজাতীয় হিন্দুর আচার-ব্যবহার বিশুদ্ধ হিন্দুর
আচার হইতে অনেক পৃথক্। ইহাদিগের মধ্যে ভূত-প্রেতাদি

* “Pāhārī :—A general term for the hill-men of the higher and lower Himalayas. The name is applied to a considerable sect of Rajputs in Dehra Dun who are probably allied to the Khasiya.”—*Crooke's Tribes and Castes*.

† “Gujara :—An important agricultural and pastoral tribe found principally in the Western district. They take their name from the Sanskrit गुज्जर the original name of the country now called Gujrat.”—*Crooke's Tribes and Castes*.

পূজার বাহুল্য দৃষ্ট হয়। এখানকার অধিকাংশ রাজপুতেরা মাংস ও মৎস্যাদি আহার করে, কিন্তু নিষিদ্ধ মাংস খায় না। কি ব্রাহ্মণ, কি রাজপুত সকলেই সুরাপানে আসক্ত। এইজন্য ইহাদের আয়ে সঙ্কুলান হয় না সুতরাং ইহারা ঋণজালে জড়িত হইয়া পড়ে। ইহাদিগের জাতিবিচার পঞ্চায়তের দ্বারা মীমাংসিত হয়। অপরাধী যে পর্য্যন্ত না পঞ্চায়তের আদেশ প্রতিপালন করে সে পর্য্যন্ত তাহাকে ‘একঘরে’ করিয়া রাখা হয়। পঞ্চায়ত যখন জরিমানা করে তখন জরিমানা আদায় হইলে সেই টাকায় মত্ত ক্রয় করিয়া সকলে একত্র হইয়া পান করে। পাহাড়ীদিগের বিবাহসময়ে কন্যার পিতা বরকে অর্থ প্রদান করিয়া ক্রয় করে। কিন্তু উপত্যকা বাসীদিগের কন্যাকে বিবাহ করিবার জন্য বর অর্থ প্রদান করে।

উত্তর-পশ্চিমের বনবিভাগের ও বনশিক্ষাবিভাগের কর্তার প্রধান অফিস এই দেৱাচুন সহরে। বনবিভাগের বনবিভাগ। কার্য্যশিক্ষাপ্রদানার্থ এখানকার প্রাগুক্ত ‘ফরেস্ট স্কুল’ স্থাপিত হয়। সিংহল, ব্রহ্ম প্রভৃতি ভারতের সর্ববস্থান হইতে যুবকেরা এই বিদ্যালয়ে বনবিভাগের কার্য্য শিক্ষা করিতে আইসে। সরকারী অরণ্যরক্ষক কর্মচারী (Ranger) শিক্ষিত করাই এই বিদ্যালয়ের উদ্দেশ্য। Higher Standard ও Lower Standard বলিয়া দুইটি পরীক্ষা হয়। যাহারা Higher Standard এ ‘অনার’ পরীক্ষায় উত্তীর্ণ হয় তাহারা ৮০ টাকা ও যাহারা Lower Standard এ ‘অনার’ পরীক্ষায় উত্তীর্ণ হয় তাহারা ৩৫ টাকা বেতনে Ranger পদ পায়। এই বিদ্যালয়ের ছাত্রদিগের জন্য স্বতন্ত্র বোর্ডিং হাউস আছে।

ଦେବୀଦୁର ।



କାର୍ବେଟ୍ ସ୍କୁଲ ।

ছাত্রদিগকে বিদ্যালয়ের নিয়মাধীন হইয়া তথায় বাস করিতে হয় । ছাত্রদিগকে চারিমাসকাল মাত্র দেৱাতুন সহরে থাকিয়া, তাহার পর পর্বতে পর্বতে ঘুরিয়া অরণ্য-বিভাগের কার্য শিক্ষা করিতে হয় । এই বিদ্যালয়ের শিক্ষাকার্য্য ১জন অধ্যক্ষ ও ৮জন শিক্ষকের তত্ত্বাবধানে নির্বাহিত হয় ।

এই বিদ্যালয়-সংশ্লিষ্ট একটি বনসম্বন্ধীয় মিউজিয়ম (Museum) আছে । ইহাতে ভারতবর্ষীয় যাবতীয় কাষ্ঠ, পত্র, পুষ্প, কাষ্ঠ-কীট প্রভৃতির নমুনা প্রদর্শিত হইয়াছে । ইহা দেখিবার সময় আমার যথেষ্ট কৌতূহল ও উৎসাহ জন্মিয়াছিল । দেৱাতুনে আসিলে এই মিউজিয়মটা ও-তৎসংলগ্ন বৃহৎ, নানাবিধবৃক্ষাদিপূর্ণ উদ্যানটা দেখা উচিত । ছাত্রেরা এই উদ্যানে উদ্ভিদতত্ত্ব (Botany) শিক্ষা করে ।

গবর্মেণ্টের ত্রিকোণমিতি-জরীপ-বিভাগের (Trigonometrical Survey Office) প্রধান আফিস ১৮৬২ সালে কর্ণেল ওয়াকার সাহেবের তত্ত্বাবধানে কলিকাতা হইতে এই সহরে আনীত হয় । এই জরীপ আফিসে জ্যোতিষ (Astronomical), আবহ (Meteorological) ও চৌম্বকীয় (Magnetic) গণনার জন্য তিনটি মানাগার আছে এবং তদসম্বন্ধীয় অঙ্কন (drawing), মুদ্রণ (printing), ফটো (photo), সৌর ফটো (solar photo) প্রভৃতি সমস্ত কার্য্যই ঐ আফিসে সম্পন্ন হয় ।

এই সহরের অধিবাসিবর্গের দৈনন্দিন জল সরবরাহের জন্য অত্রস্থ মিউনিসিপালিটি এক অভিনব উপায় অবলম্বন করিয়াছে । পূর্বের বলিয়াছি যে অতীব গভীর করিয়া কূপ খনন না করিলে এখানে জল পাওয়া যায় না ও

তজ্জন্ম উহা ব্যয়সাধ্য বলিয়া এ সহরে কূপ নাই। এই কারণে অধিবাসীরা পূর্বের নিৰ্ভর হইতে জল আনয়ন করিত এবং তাহাতে সাধারণ লোকের বিস্তর অসুবিধা হইত। গুরু রাম রায়ের পত্নী এই জলকষ্ট দূরীকরণার্থ গুরুদ্বারসম্মুখে এক 'বৃহৎ দীর্ঘিকা খনন করান ও তাহাতে জল যোগাইবার জন্য মসুরি পাহাড়ের একটি ঝরণাকে বাঁধিয়া এই নগরের মধ্য দিয়া আনিয়া এই তড়াগের সহিত যোগ করিয়া দেন। কিন্তু ইহাতেও সে অসুবিধা দূর হয় নাই। 'এক্ষণে নগরের বহির্দেশে ঐ 'নহর' হইতে আর একটি 'নহর' বাহির করিয়া বরাবর কর্ণপুরের ভিতর দিয়া প্রবাহিত করা হইয়াছে। এই দুইটি 'নহর'ই ইষ্টক দিয়া বাঁধান। যাহার আবশ্যক হইয়াছে সে এই নহর হইতে প্রণালী কাটাইয়া আপন বাড়িতে লইয়া গিয়াছে। এইরূপে সহরের প্রায় সকল রাস্তার পার্শ্বেই প্রণালী আছে। এ সমুদয় প্রণালী বাঁধান নহে—সুতরাং জল আবর্জনাপূর্ণ ও অপরিষ্কার। এই 'নহর'র জল লইতে হইলে ঘণ্টাহিসাবে মূল্য দিতে হয়। এই জল কেহ পানার্থ ব্যবহার করে না—করিলে গলা ফুলিয়া যায় ও জ্বর হয় ; কেবল উদ্যানে জল দিনার জন্য অথবা কাপড় কাচিবার বা বাসন মাজিবার জন্য উহা ব্যবহৃত হয়। লোকে পানীয় জলের জন্য নালাপানির জল ব্যবহার করে। নালাপানির জল অতি সুস্বাদু ও জীর্ণকারক। মিউনিসিপালিটি ঐ জল বরাবর নলে করিয়া আনিয়া স্থানে স্থানে ঘর প্রস্তুত করাইয়া কল লাগাইয়া দিয়াছে ; লোকে সেই কল হইতে বিনামূল্যে জল লইয়া যাইতে পারে ; উহার জন্য মিউনিসিপালিটিকে কিছু দিতে হয় না।



এইবার এই প্রদেশের কয়েকটি বিশেষ বিশেষ দৃশ্যের
উল্লেখ করিয়া দেৱাদুর্ন-কাহিনী সমাপ্ত করিব।
দৃষ্টব্য স্থানাদি।

যখন ভ্রমণবৃত্তান্ত লিখিতে বসিয়াছি তখন আমি
দর্শনীয় সকল স্থানের উল্লেখ করিতে বাধ্য, তজ্জন্মই সেই সমুদয়
স্থানের বিষয় লিপিবদ্ধ করিতে যত্নবান হইয়াছি, নচেৎ শক্তি-
সামর্থ্যের পরিমাণাতীত বিষয় সকলের বর্ণনায় প্রবৃত্ত হইতাম না।

জগৎপাতা জগদীশ্বরের বিশাল রাজ্যের কত স্থানে কত
অনির্বচনীয় ব্যাপার সংঘটিত হইতেছে, তাহার সহস্রাংশের
একাংশও আমরা বিদিত নহি; তবে আমার নগনা জীবনে যত
প্রকার নয়নাভিরাম, হৃদয়হারা, প্রাণ-মন-বিমুক্তকর ও শাস্তিপ্ৰদ
স্থান দেখিয়াছি তাহার মধ্যে ‘সহস্রধারা’ নামক জলপ্রপাতের
দৃশ্য, সৌন্দর্য্যের পারিপাট্যে ও মহনীয়তায় যে
সহস্রধারা।

সর্ববাপেক্ষা শ্রেষ্ঠ তাহা অকপটচিত্তে বলিতে পারি।
ইহা অপেক্ষা অধিকতর বেগবান, প্রশস্ত বা উচ্চ জলপ্রপাত
আছে সত্য, কিন্তু ইহার অনন্ত সাধারণ বৈচিত্র্য এবং মাধুর্য্য
স্বয়ং অনুভব করিয়া হৃদয়ঙ্গম করিতে হয়, অপরে তাহা
বর্ণনা করিয়া বুঝাইতে পারে না। এই প্রপাতটি মস্তুরির কোণও

এক নিভৃত সান্নিদেশ হইতে পতিত হইতেছে ; স্ততরাং তথায় যাইতে হইলে প্রাপ্ত রাজপুর গ্রামে যাইতে হয় । পূর্বেই বলিয়াছি যে মসুরি পাহাড়ের ঠিক পাদদেশে এই ক্ষুদ্র গ্রামটি অবস্থিত* । মসুরিতে কোনও শকটারোহণে উঠা যায় না বলিয়া এই স্থানে শকটাদি ত্যাগ করিয়া পদব্রজে অথবা ডাণ্ডী বা অশ্ব-রোহণে পর্বতোপরি উঠিতে হয়, সেই নিমিত্ত এখানে প্রচুর ডাণ্ডী ও অশ্ব ভাড়া পাওয়া যায় । যাহা হউক আমরাও সহস্রধারা দেখিবার মানসে একখানি গাড়ী করিয়া রাজপুরে আসিয়া উপস্থিত হইলাম এবং তথা হইতে ডাণ্ডী আরোহণে সহস্রধারার পথে অগ্রসর হইলাম । রাজপুর পর্য্যন্ত পূর্বোল্লিখিত সুন্দর রাজপথ দিয়া আসিলাম—কিন্তু সহস্রধারায় যাইবার কোনও সরকারী রাস্তা নাই—কেবলমাত্র একটি সঙ্কীর্ণ একপদী ঘুরিয়া ফিরিয়া কণ্টকাদিপূর্ণ ক্ষুদ্র জঙ্গলের মধ্য দিয়া গিয়াছে ; অতএব যে যে স্থানে পথ নিতান্ত বন্ধুর ও সঙ্কীর্ণ অথবা ‘চড়াই’ ‘উৎরাই’ অত্যন্ত অধিক সেই সকল স্থানে নামিয়া পদব্রজে যাইতে হইল । যাহা হউক আমরা এইরূপে কখনও ডাণ্ডীতে কখনও পদব্রজে প্রায় তিন মাইল পথ অতিক্রম করিলে একটা কল্লোলিনী-শ্রোতস্বিনী-তীরে উপস্থিত হইয়া উপলখণ্ডের উপর বিশ্রাম করিতে লাগিলাম—চাহিয়া দেখিলাম যে: কেবল ফল-পুষ্পশোভিত-ছায়াপ্রদ-পাদপরাজি-সমাকীর্ণ অভ্রভেদী ভূধরমালা চতুর্দিক্ বেষ্টিত করিয়া রহিয়াছে—যে দিকেই নয়ন-পাত

দেবীদেব !



সহস্রধারা

করি সেই দিকেই চিত্ত-বিমোহন দৃশ্য পুঞ্জীকৃত হইয়া রহিয়াছে দেখিতে পাই। দৃষ্টি যে স্থানে পতিত হয় সেই স্থানেই সংলগ্ন হইয়া থাকে, আর ফিরিতে চাহেনা—বোধ হয় যেন প্রকৃতিদেবী কৃত্রিম-সৌন্দর্য্যাভিমानी সভ্যজগতের দম্ভকে উপহাস করিবার নিমিত্ত নিজের অলোক-সামান্য রূপরাশি বিস্তার করিয়া বসিয়া আছেন। সে স্থান এত গাঙ্গীর্য্যময়, নির্জজন ও নিস্তব্ধ যে বৃক্ষপত্রের পতন-শব্দটি পর্য্যন্ত শ্রুত হইতেছে—কেবল সেই পুঞ্জীকৃত শুভ্র-ফেন-রাশি-শোভিতা হান্তময়ী গিরিনদীর কুলুকুলুধ্বনি আর বিহগগণের মধুর গীতি সেই ভীতিপ্রদ নিস্তব্ধতা ভঙ্গ করিতেছে। ক্রিয়ৎক্ষণ-বিশ্রাম করিবার পর আমরা আবার চলিতে লাগিলাম—কিছুদূর অগ্রসর হইয়া নদীর একটি বাঁক পার হইলে যাহা অবলোকন করিলাম তাহা আর কখনও দেখি নাই—পুনরায় দেখিব কিনা জানি না! কোন্ যাতুকর তাহার মায়াদণ্ডের দ্বারা এ দৃশ্য নয়নপথে উন্মুক্ত করিল তাহা বুঝিলাম না! দেখিলাম নিবিড়-পাদপরাজি-পূর্ণ অত্যাচ্ছ পর্বতশিখর হইতে নানাবিধ কুসুমিতলতাপুঞ্জের মধ্য দিয়া হরজটাব্রফ গঙ্গার জ্বায় একটি ক্ষুদ্র নির্বার স্তরে স্তরে হাসিতে হাসিতে অবতরণ করিয়া অবশেষে কন্দরের ছাদপ্রান্ত হইতে বিবৃদ্ধ, শতছিদ্রযুক্ত, অন্যান্য বিংশতি হস্ত উদ্ধম্ব শিলাখণ্ডের উপর হইতে সহস্র ধারে বৃষ্টির জ্বায় অবিরল বর বর শব্দে পড়িতেছে। আমার দেখিয়াই মনে হইল যেন কোন তাপস-শ্রোষ্ঠ প্রকৃতির এই নিভৃত নিকেতনে যোগাসনে বসিয়া নিমীলিত-নেত্রে বিশ্বপিতার ধ্যানে নিমগ্ন রহিয়াছেন—আর তাহার

সেই নিমীলিত নেত্র হইতে প্রেমধারা নিরন্তর পতিত হইতেছে এবং কত কুসুমিত-পাদপনিচয় উভয় পার্শ্বে দণ্ডায়মান থাকিয়া বিহগকুজনস্বরে তাহার স্তুতিবাদ করিতে করিতে পুষ্পাঞ্জলি প্রদান করিয়া তাহাদিগের বৃক্ষজন্মের সার্থকতা করিতেছে। তাহার পর আরও দেখিলাম সেই গিরিকন্দরের ছাদ হইতে তলদেশ পর্য্যন্ত নানাপ্রকার পুষ্পিত কাননবল্লরী ও বিচিত্র বর্ণের শৈবালরাজি ঐ স্থানকে এক অনির্বচনীয় শোভায় শোভিত করিয়াছে—দূর হইতে দেখিলে বোধ হয় কে যেন সহস্র সহস্র হীরকখণ্ড নিরন্তর বিচিত্র বর্ণের আসনের উপর ছড়াইতেছে; আবার তাহার উপর সূর্য্যকিরণসম্পাতে যখন রামধনু প্রতিকলিত হয় তখন বিশ্বপিতার কারিগিরি 'আমাদের বুদ্ধিবল ও কলা-কৌশলের ক্ষুদ্রত্ব, মর্মে মর্মে অনুভব করাইয়া দেয়। হায় ক্ষুদ্র মানব! তোমার একটা সামান্য তৃণ রচনা করিবার ক্ষমতা নাই অথচ তুমি তোমার বুদ্ধিবলে ও বিজ্ঞানের আশ্রয়ে এই বিশ্বরাজ্যের সৃষ্টিকর্তার অস্তিত্ব লোপ করিয়া দিতে চাহ? বলিতে পার কি যে কেন এই নির্বর অনন্তকাল হইতে দয়াময়ের অনন্ত দয়ার ন্যায় অবিরাম ঝরিতেছে? পৃথিবীর কোন্ কার্য্য ইহার দ্বারা সম্পাদিত হইতেছে? কেনই বা ঐ গিরিনির্বরিণী আবহমান কাল হইতে প্রবাহিত হইতেছে? লোকশিক্ষা দিবার জন্মই কি? কি করিয়া সহস্র বিপৎপাত অগ্রাহ করিয়া, শত ঝঞ্ঝাবাত তুচ্ছ করিয়া, অপরিমেয় জঞ্জালভার বহন করিয়াও অটলভাবে নীরবে ভগবদারাদনায় ব্যাপ্ত থাকা যায় তাহাই কি ঐ ভূধররাজ শিক্ষা দিতেছেন? আর ঐ স্রোতস্বিনী—উনি কি

বলিতেছেন যে একাগ্রচিত্ত হইলে সকল কার্য সমাধা হয় ? দেখাইতেছেন কি উঁহার প্রতি পদে কত পাথর বাধা দিয়াছিল, কত বৃহৎ বৃহৎ বৃক্ষ, কত কাননব্রতভী পথরোধ করিয়াছিল কিন্তু সে প্রস্তুত ভেদ করিয়া, বৃক্ষ উৎপাটিত করিয়া, লতাবন্ধন ছিন্ন করিয়া ভগবানের দিকে অগ্রসর হইতেছেন—আর মানব ! তুমি ভগবানের অনুগৃহীত জীব হইয়াও এই সামান্য কল্লিতদুঃখরাশি বাধাবিপত্তি অতিক্রম করিতে পারিবে না ? অথবা উনি কি বলিতেছেন যে “একবার নামিলে আর উঠা যায় না—আমিও একবার উচ্চ ছিলাম—তখন কত আনন্দে ছিলাম—তখন আকাশের সহিত, পৃথ সমীরণের সহিত কত খেলা করিতাম—কিন্তু তাহাতে আমার মন উঠিল না—একবার সংসার দেখিতে সাধ হইল—একবার বিষয় ভোগ করিতে বাসনা হইল—তখন উচ্চ সঙ্গ ছাড়িয়া নীচে নামিলাম—কিন্তু আর উঠিতে পারিতেছি না—আমি প্রতি পদবিক্ষেপে নামিতেছি—যাহা অবলম্বন করিতেছি তাহাই ভাঙ্গিয়া যাইতেছে—যাহাদের জন্ত লোকালয়ে আসিলাম তাহারা রক্ষা করা দূরে থাক আরও অবনতির পথে অগ্রসর করিয়া দিতেছে—একবার পর্বতের ক্রোড়ে আশ্রয় লইয়াছিলাম কিন্তু আমার চঞ্চল ও মুখরা প্রকৃতি দেখিয়া তিনি ত্যাগ করিলেন—আবার নামিতেছি—শেষে যাবৎ না সমুদ্রে মিশিব তাবৎ আর আমার রক্ষা নাই।” —এই দুঃখগাথা কি গিরিরাণী গাহিতে গাহিতে চলিতেছেন ? কে বুঝিবে ?

যখন এই সমুদায় ভাবিতে ভাবিতে ইতস্ততঃ ভ্রমণ করিতেছি তখন সহস্র একটি ক্ষুদ্র লতার অর্ধেক সজীব ও অপারাদ প্রস্তুত

পরিণত হইয়াছে দেখিয়া বড়ই বিস্ময়াপন্ন হইলাম—কোঁতুহলাক্রান্ত হইয়া আরও ঐ রকম আছে কিনা দেখিবার জন্য অনুসন্ধান করিতে লাগিলাম কিন্তু 'অধিক দূর যাইতে হইল না—নিকটেই দেখিলাম একটি পাথরের পাতা পড়িয়া রহিয়াছে ; হস্তে লইয়া দেখিলাম যে যদিও পাতাটি সম্পূর্ণরূপে প্রস্তরে পরিণত হইয়াছে তথাপি তাহার প্রত্যেক শিরা, প্রত্যেক রেখা অতি সুন্দররূপে পরিষ্কৃত রহিয়াছে—নিকটে আর একটি প্রস্তরীভূত শাখা ছিল, সেটি দুইখণ্ড করিয়া দেখিলাম যে কঠিন প্রস্তরের ভিতর এখনও কাঁচা রহিয়াছে। যাহা হউক আমরা সেইরূপ প্রস্তরে পরিণত অনেকগুলি পত্র ও শাখা সংগ্রহ করিয়া আনিয়া 'ইহার কারণ অনুসন্ধানে অবগত হইলাম যে সহস্রধারার জল চূনের পাহাড় দিয়া পড়িতেছে, তজ্জন্ম সেই জল যাহা স্পর্শ করে তাহাতেই চূনের একটি আবরণ পতিত হয় ; তাহার পর আবরণের উপর আবরণ পড়িয়া ক্রমে কাঠিন্য প্রাপ্ত হইয়া প্রস্তরাকারে পরিণত হয়। হায় ! আমাদের হৃদয়ওত এইরূপেই কঠিন হয় ! যখন প্রথম পাপের আবরণ পড়ে তখনও হৃদয় সরস ও কোমল থাকে ; তাহার পর যতই পাপের উপর পাপ সঞ্চিত হইতে থাকে তখন সে কোমলতা, সরস ভাব, নির্মল মনোবৃত্তি সকল ক্রমে শুষ্ক হইয়া অবশেষে কঠিন প্রস্তরে পরিণত হয় !

আমরা প্রস্তরে পরিণত বৃক্ষপত্রাদি সংগ্রহ করিবার জন্ত যখন একটু অগ্রসর হইয়াছি তখন গন্ধকের গন্ধ অনুভব করিলাম ; একটু বিস্মিত হইয়া আমাদের এক ডাণ্ডীবাহককে জিজ্ঞাসা করায় সে বলিল যে নদীর ঠিক অপর পারে একটি গন্ধকের

গন্ধকের

উৎস।

উৎস আছে তথা হইতেই এই গন্ধ আসিতেছে।

আমরাও কৌতূহলাক্রান্ত হইয়া জুতা হস্তে লইয়া,

কাপড় গুটাইয়া নদী পার হইবার জন্য জলে নামিলাম—

কিন্তু সে স্থানে স্রোত এত প্রবল, শিলাসকল এত পিচ্ছিল

যে কাহার সাধ্য জলমধ্যে পা দৃঢ় করিয়া রাখে? সুতরাং কি

করিব ভাবিতেছি এমন সময়ে আমাদের ডাঙীবাহকেরা বলিল

যে তাহাদের পৃষ্ঠে ভারবহন করা অভ্যাস আছে—তাহারা পৃষ্ঠে

করিয়া আমাদের পার করিয়া দিবে; অগত্যা তাহাতেই সম্মত

হইলাম ও অশ্ব পরিবর্তে মনুষ্যপৃষ্ঠেই নদী পার হইলাম। তখন

গন্ধকের আরও তীব্র গন্ধ পাইলাম। নিকটে যাইয়া দেখিলাম

একটি ক্ষুদ্র রন্ধ্র হইতে একটি ক্ষুদ্র প্রস্রবণ নির্গত হইতেছে ও

তাহারই জলে এইরূপ গন্ধ; আর ঐ জল যে স্থান দিয়া প্রবাহিত

হইতেছে সেই স্থানের সকল পদার্থই একটু নীলাভ। এই

উৎস দেখিয়া আবার পূর্ব প্রকারে নদী পার হইয়া সহস্রধারার

পূত বারিধারায় স্নান করিয়া আহারাদি সমাপনান্তে অনেকক্ষণ

নয়ন ভরিয়া সে মনোহর রমণীয় দৃশ্য প্রাণ ভরিয়া দেখিয়া ধীরে

ধীরে প্রত্যাগমন করিলাম। এই সহস্রধারা ও গন্ধকের উৎস

দেখিয়া কোনও বিদেশী ভ্রমণকারী বলিয়াছিলেন যে “The

Sulphur Spring close by would also have been

exploited by enterprising citizens of the Great

Republic (America), and probably a health

resort, flamingly advertised, would long since

have been developed in the vicinity. * * *

* * Near the Sulphur Spring is a natural curiosity, the Sanshadara or Cave of a Thousand Drippings, which would lose no whit of its attractions in the clever hands of the 'cute Yankee'*
 কথা সত্য বটে—কিন্তু আমার বোধ হয় তাহা হইলে প্রকৃতির এই নির্জ্ঞানবাস সংসার-সংগ্রাম-নিরত মানবের কোলাহলে ব্যতিব্যস্ত হইত—শ্রোতস্বিনীর নিশ্চল জলরাশি সভ্যজগতের আলোড়নে পঙ্কিল হইয়া উঠিত--এমন বিমল অনলঙ্কৃত স্থির গম্ভীর শাস্ত সৌন্দর্য্য যে একেবারে বিলুপ্ত হইত তাহাতে আর সন্দেহ নাই।

দৃশ্যের পারিপাট্যে সহস্রধারা অপেক্ষা অপকৃষ্ট হইলেও দেৱা-
 দ্বন্দ্ব-গুহা বা দুর্ন-ভ্রমণকারীর 'দস্যু-গুহা' (Robber's Cave)
 'গুহাপার্নি'। নামক গহবর দর্শন করিতে যাওয়া উচিত। এখানে
 আসিলে সভাবের শোভার সহিত ঐতিহাসিক ঘটনাবলী
 স্মৃতিপথে আবির্ভূত হইয়া হৃদয়ে এক অভূতপূর্ব ভাবের সঞ্চার
 করে! এই পর্বতকন্দর সহর হইতে অধিক দূরে নহে দুই
 ক্রোশ মাত্র। আমরা ইহার সন্ধান জানিতাম না। একদিন
 ফরেস্ট স্কুলের ছাত্রনিবাস দেখিতে গিয়া সেখানে কয়েকজন
 আমাদের সমবয়স্ক ছাত্রের সহিত আলাপ হইল। তাঁহারা ঐ
 পর্বতভিষ্মুখে একটা excursion এর প্রস্তাব করিলেন।
 আমরাও তাহাতে সম্মত হইলাম। তাহার পরদিন প্রভাতে

দেবীদেবী ।



দেবী-গুহা বা গুহাপানি

প্রায় ১২। ১৪ জন ছাত্রবৃন্দের সহিত মিলিত হইয়া পরিধেয় বস্ত্রাদি ও কিঞ্চিৎ তণুল ও অন্যান্য সামগ্রী বাঁধিয়া লইয়া ঐ গুহাদর্শনে রওনা হইলাম। ছাত্রেরাই আমাদিগের পথপ্রদর্শক হইলেন। আমি ও আর দুইজন একখানি গাড়িতে উঠিলে একজন ছাত্র শকটচালককে ‘গুহপানি’তে লইয়া যাইতে আদেশ করিলেন। ‘গুহপানি’ কি এই কথা জিজ্ঞাসা করায় তিনি আমাকে বলিলেন যে এখানকার লোকে ঐ দক্ষাগুহাকে ‘গুহপানি’ বলে ; ইহার কারণ এই যে ঐ কন্দরে একটি নির্ঝরিণী প্রবাহিত হইতেছে, তাহার জল প্রথমদর্শনে কোনও গুহ প্রদেশ হইতে আসিতেছে বলিয়া বোধ হয়। যাহা হউক আমরা প্রায় দুই ক্রোশ যাইলে—একটি শীর্ণতোয়াঃ পর্বতবাহিনীর তীরস্থ আশ্রবনে আমাদের গাড়ীগুলি থামিল। আমরাও সকলে নামিয়া ঘোর কলরব করিতে করিতে অভিযানে অগ্রসর হইতে লাগিলাম। একজন ছাত্র বলিলেন যে এই নদী তমসা নদীর একটি শাখা মাত্র। ইহা শিবালিকের একটি স্ফুটন মধ্য দিয়া বাহির হইয়াছে আমরা সেই স্থানে যাইতেছি। একটু অগ্রসর হইয়া দেখিলাম যে একটি অনুচ্চ গিরিশ্রেণীর অঙ্কে একটি শীর্ণতোয়াঃ নদী ধীরে ধীরে অন্ধকারানুবিন্দ জ্যোৎস্নার ন্যায় ইতস্ততঃ বিকীর্ণ শিলাসমূহের মধ্য দিয়া আঁকিয়া বাঁকিয়া যুচ্ছন্দ গতিতে প্রবাহিত হইতেছে। আমরা একটি বৃহৎ প্রস্তরের উপর অভিযানের সাজ-সজ্জা রক্ষা করিয়া মহোল্লাসে ঐ নদীমধ্য দিয়া স্রোতের উজানে জল ভাঙ্গিয়া যাইতে যাইতে দেখিলাম একটি প্রকাণ্ড স্ফুটন হইতে ঐ নির্ঝর বহির্গত হইয়াছে ; বুঝিলাম উহাই কোনও গুহার

প্রবেশদ্বার। তন্মধ্যে প্রবেশ করিতে আমার প্রথমে একটু ভয় হইয়াছিল, কিন্তু যখন আমার সঙ্গীগণ অগ্রসর হইলেন তখন আমিও তাঁহাদের পশ্চাদ্গামী হইলাম। সেখানে নদীর পরিসর ৩৪ হাত মাত্র, জল এক ফুট, দুই ধারে পর্বত প্রাচীরের দ্বারা সরলোন্নতভাবে প্রায় সহস্র হস্ত উঠিয়াছে—উপরে অতি সামান্য মাত্র যে ফাঁকটুকু আছে তাহা বস্ত্রপাদপে এরূপ আচ্ছন্ন যে ভাল আলোক আসিতেছেন। প্রায় ৫১৭ মিনিট সেই জলের ভিতর দিয়া আসিলে উপরে আকাশ দেখিতে পাইলাম—কিন্তু বোধ হইল সে স্থানে জলবেগ একটু অধিক; ক্রমে যতই অগ্রসর হইতে লাগিলাম ততই স্রোতের বেগ আরও বর্দ্ধিত হইতে লাগিল। এইরূপে কিয়ৎদূর অগ্রসর হইলে দেখিলাম একস্থানে একখানি প্রকাণ্ড প্রস্তর শৃঙ্গচ্যুত হইয়া পড়িয়াছে—ও তাহার দুই পার্শ্ব দিয়া ঐ নদীজল প্রবাহিত হইতেছে এবং রন্ধুর উপরিভাগ পাদপাচ্ছন্ন না হওয়ায় ঐ স্থানের আলোক অবরুদ্ধ হয় নাই। ঐখানে পর্বতগাত্রে কয়েকটি ক্ষুদ্র ক্ষুদ্র গহ্বর দৃষ্টিগোচর হইল। আমার সহযাত্রীবর্গ সেই সমুদায় কন্দরগুলিকে ভারতের Robin Hood কালুয়া ও কুয়ারের অতীত আশ্রয়স্থান বলিয়া নির্দেশ করিলেন—তখন আমার সেই সমুদায় অতীত কাহিনী ধীরে ধীরে মানসপটে উদ্ভিত হইল—ভাবিয়া দেখিলাম বাস্তবিকই স্থানটি দম্পতিগের আশ্রয়োপযোগী সন্দেহ নাই। এই সকল গুহার মধ্যে আশ্রয় লইয়া তাহারা ইতস্ততঃ দম্পত্যবৃত্তি করিয়া লুকাইত হইত—আর কেহ ধরিতে পারিত না। বস্তুতঃ ঐ রন্ধ্রমধ্যে মনুষ্য বাস করিতে পারে তাহা বহির্দেশ হইতে বা পর্বতের শিরোভাগ হইতে

অনুমান করা যায় না। যাহা হউক ঐরূপ নানা কথা আন্দোলন করিতে করিতে আরও প্রায় অর্দ্ধ মাইল অতিক্রম করিবার পর সে হুড়ঙ্গ শেষ হইল ; একটি পর্বতবেষ্টিত উপত্যকায় আসিয়া আমরা উপস্থিত হইলাম। কিয়ৎকাল বিশ্রামান্তে পুনরায় সেই পথ দিয়া ফিরিয়া আসিয়া সেই নির্ঝর নির্মল সলিলে স্নান করিলাম ও সকলে মিলিয়া খেচরান্ন রন্ধন করিয়া পরমানন্দে এক এক শিলাখণ্ডের উপর উপবেশনপূর্বক আহার সমাপ্ত করিলাম।—সেদিন বড়ই আনন্দে কাটিয়াছিল—শৈশবে এক এক দিন সমবয়স্কদিগের সহিত এইরূপ বিমল আহ্লাদে অতিবাহিত হইত—তখন মন এত কলুষিত ছিল না—হৃদয় এত সঙ্কীর্ণ, এত স্বার্থপর, এত অবিশ্বাসী ছিল না—তখন যাহা করিতাম সকলই অকপটচিত্তে সরলভাবে কুরিতাম—তাই তাহাতে এত বিমল আনন্দ অনুভব করিতাম। সেই দিন একবার সেই শৈশব ফিরিয়া আসিয়াছিল—তাই সেই ক্ষুদ্র বীচিবিক্ষুদ্র গিরিনির্ঝরিণীর কুলুকুলুস্বর বড় মধুর লাগিয়াছিল—তাই সেদিন অতীত শৈশবের স্মৃতি হৃদয়কে আলোড়িত করিয়াছিল—তাই বলিতে ইচ্ছা হইয়াছিল :—

“Greetings to thee, sparkling streamlet,

“What a gentle voice is thine !

“How the ripples on thy bosom

“Lightly laugh and sweetly shine !



“ Childhood’s dreams are hovering near me,
 “ And the past appeareth plain,
 “ But the rosy days of childhood
 “ Never will return again.”*

একদিন অপরাহ্নে আমরা এই নগর-প্রান্তস্থিত শিবালিক-
 টপকেশ্বর। শৈল-গুহা-বিহারী ‘টপকেশ্বর’ মহাদেবের দর্শন করিতে
 গিয়াছিলাম। কোন্ মহাত্মা পিনাকপাণিকে এই
 অদ্ভুত আখ্যা প্রদানান্তর প্রতিষ্ঠিত করিয়াছিলেন তাহা জানি না
 তবে এই বিচিত্র নাম প্রদানের জগৎ তাঁহার উদ্ভাবনী শক্তির
 প্রশংসা না করিয়া থাকা যায় না। অধিবাসীরা বলেন যে ধূর্জটির
 মস্তকোপরি গহবরের ছাদ হইতে অবিরল ‘টপ্’ ‘টপ্’ করিয়া
 বারিবিন্দু পতিত হয় বলিয়াই ‘টপকেশ্বর’ নাম প্রদত্ত হইয়াছে।
 আমরাও দেখিলাম যে ললাটেন্দুশেখরের শিরোদেশ অনবরত
 সলিলবিন্দুপাতে অভিষিক্ত হইতেছে। নাম যাহাই হউক, স্থানটী
 যে অতি মনোরম সে বিষয়ে কোনও প্রশ্নই উত্থাপিত হইতে পারে
 না। নিকটে মনুষ্যের বসতি নাই স্ততরাং অতি নির্জন ও শান্ত।
 কেবল মূক প্রকৃতি মধ্যে মধ্যে বিহগ-কাকলীরবে কুসুমপরিমলবাহী
 সমীরণের সহিত কথোপকথন করিয়া সে নিস্তব্ধতা ভঙ্গ করিতেছে।
 আর পূর্বেবাল্লিখিত তমসার একটি শাখানদী মন্দগতিতে আকাশের
 উগ্রানিলভিন্ন-মেঘখণ্ডবৎ প্রতীয়মান শিলাসকলের পার্শ্বদিয়া
 সেই পবিত্র শিবালয়ের পাদদেশ বিধৌত করিয়া প্রবাহিত
 হইতেছে। লোকালয় ত্যাগ করিয়া প্রায় এক মাইল বন্ধুর পার্বত্য

* *The Dutt Family Album*, published by Messrs. Longmans, Green
 & Co., London, page 158.

পথ অতিক্রম করিলে ঐ গিরিতরঙ্গিনী-তীরবর্তী উপকেশ্বরে আসিয়া উপস্থিত হই। এই স্থানে নদীগর্ভ গভীর হওয়ায় উভয় পার্শ্বস্থ পর্বত সেই গর্ভ হইতে অপেক্ষাকৃত উচ্চ দেখায়। আমাদের বর্ণিত গুহা সেই পর্বতগাত্রে অবস্থিত। নদীগর্ভ গভীর বলিয়া নদী আদৌ গভীর নহে—সম্মুখ পার্বত্য নিষ্করণীয় উহার জল কোথাও চারি অঙ্গুলি কোথাও বা এক বিঘা মাত্র। পূর্বের ঐ মহাদেব দর্শন করিতে হইলে প্রথমে নদীগর্ভ মধ্যে অবরোহণ করিয়া পরে নদীমধ্য হইতে পর্বতগাত্রে আরোহণ করিলে তবে গুহায় প্রবেশ করা যাইত এবং দেবাদিদেবের দর্শনলাভ হইত। কিন্তু তাহাতে সময়ে সময়ে যাত্রীদিগের বিপদ ঘটিত কারণ হয়ত নদীর প্রবাহ বেশ নিস্তেজ ও জল অল্প দেখিয়া যাত্রীগণ নদীগর্ভ দিয়া দেবদর্শনে চলিয়াছে কিন্তু তখনই হঠাৎ কোথা হইতে এরূপ প্রবলবেগে জল নামিয়া আসিয়া বহিয়া গেল যে হয়ত কতক লোক ভাসিয়া গেল—পুনরায় একঘণ্টা পরে জলরাশি প্রবাহিত হইয়া গেলে দেখা যাইত যে নদী যেমন নিস্তেজ ও অল্পতোয়ঃ সেইরূপই রহিয়াছে। কখন কখন এইরূপ জলপ্রবাহ ৪।৫ দিন পর্য্যন্ত স্থায়ী হইত। এইরূপ অলঙ্কিত নির্ঝরপ্রবাহবিধবস্ত যাত্রীর অবস্থার সহিত নিত্যবিঘ্নবিহত মানবজীবনের কি সুন্দর সৌসাদৃশ্য রহিয়াছে। যখন জীবন বেশ সচ্ছলে মুগ্ধমন্দ গতিতে ঐ নদীর মত যাইতেছে—একটা বহুদিনের সযত্ন-পোষিত আশা সফল করিবার উত্তোগ চলিতেছে—এমন সময়ে কোথা হইতে প্রবল বারিধারার ন্যায় বিপদের স্রোত আসিয়া মানুষকে এমনই বিপর্য্যস্ত করিয়া ফেলিল—তাহার

আশা-সকল সমস্ত প্রবল রন্যায় কৈথায় ভাসাইয়া লইয়া গেল—
 যে আর সে জীবনে কখনও সামলাইবে তাহা মনে হইল না।
 সে কথা যাউক—এখানকার এই বিপদ নিবারণের জন্য মহাত্মা
 শ্রীযুক্ত কালীকৃষ্ণ ঠাকুর মহাশয় পর্বতগাত্রে গুহা পর্য্যন্ত
 একটি প্রস্তরনির্মিত পথ প্রস্তুত করাইয়া দিয়াছেন সুতরাং এখন
 গুহায় প্রবেশ করিতে হইলে আর নদীপার্শ্ব দিয়া যাইতে হয় না এবং
 আমাদিগকেও সে অসুবিধা ভোগ করিতে হয় নাই। আমরা
 টপকেশ্বর দর্শনান্তর কালীকৃষ্ণ বাবুকে মনে মনে ধন্যবাদ প্রদান
 করিতে যখন প্রত্যাবর্তন করিতেছি—এমন সময়ে দেখিলাম সেই
 শৈলশৃঙ্গ হইতে জটাজুটশোভিত গৈরিকবসনপরিধানী কমণ্ডলুহস্ত
 সন্ন্যাসী একটি প্রদীপ হস্তে ধীরে ধীরে অবতরণ করিতেছেন
 —যেন মহর্ষি বশিষ্ঠ অরুন্ধতীকে সঙ্গে লইয়া পার্বতীনাথের চরণ
 বন্দনা করিতে আসিতেছেন। দেখিলাম যে তাপসরাজ সেই শিব-
 মন্দিরে প্রবেশ করিলেন—আমরাও তাঁহার অনুগামী হইলাম।
 তিনি সায়ংসন্ধ্যা সমাপন করিয়া আরত্নিক করিতে লাগিলেন—
 আমরাও করজোড়ে দণ্ডায়মান রহিলাম। আরত্নিক সমাপ্ত হইল
 —তিনি আমাদিগকে একটি নিম্নালা প্রদান করিলেন আমরা
 প্রণিপাতপূর্বক গ্রহণ করিলাম—তিনিও ধীরে ধীরে যে পথে
 আসিয়াছিলেন সেই পথে ফিরিয়া গেলেন :—সন্ধ্যার ছায়া ক্রমে
 গভীর হইতে লাগিল—আমরাও কি একটা ভাব লইয়া ফিরিতে
 লাগিলাম। প্রত্যাবর্তনকালে মনে হইল যে সহস্রধারা বা গুহা-
 পানিতেও যে অচলরাজি, যে বিটপি-শ্রেণী, যে গিরিনির্ব্বরিণী
 দেখিয়াছি এখানেও সেই শৈলমালা, সেই কুসুমিত-লতা-জাল-বন্ধ-

বৃক্ষাবলী, সেই স্রোতস্বিনী—কিন্তু সহস্রধারার দৃশ্য হইতে গুহাপানির ও গুহাপানির দৃশ্য হইতে টপকেশ্বরের দৃশ্য-সৌন্দর্য্য কত বিভিন্ন ! এই দৃশ্যগুলি কত ভিন্ন ভাবের উদ্দীপক । প্রকৃতি একই উপাদানে গড়িয়াছেন অথচ একটা অপরটা হইতে কত বিভিন্ন ! এই বৃক্ষটী ইহার পার্শ্ববর্ত্তী বৃক্ষ হইতে কত পৃথক ! জড়প্রকৃতিতেও যেরূপ পার্থক্য জীব-মধ্যেও সেই প্রকার লক্ষিত হয় । কারণ ও উপাদান এক হইলেও শারীরিক ও প্রকৃতিগত বৈষম্য সহজেই লক্ষ্যের বিষয়ীভূত হয় । তুমি ও আমি একই মায়ের সম্মান—যে রক্ত মাংস তোমাকে পরিপুষ্ট করিতেছে—সেই রক্তই আমার ধমনীতে প্রবাহিত হইতেছে—সেই মাংসই আমার অঙ্গসৌষ্ঠব বর্দ্ধিত করিতেছে—তবে তোমার দেহ একরূপ আমার দেহ অগুরূপ হইল কেন ? তবে তোমার মনের ভাব এক প্রকার—আমার মনের ভাব আর এক প্রকার কেন ? এই সাম্যে বৈষম্য (variety in unity) কি সৃষ্টিকর্ত্তার বিচিত্র সৃষ্টিকৌশল নহে ? যদি বিশ্বকর্ম্মার এই অদ্ভুত শিল্পচাতুর্য্য বিশেষরূপে পর্যালোচনা করা যায় তাহা হইলে কি তাঁহার অপার মহিমা অতিবড় অবিশ্বাসীর হৃদয়েও ভক্তিরসের সঞ্চার করে না ?

পূর্ব্বে যে ‘নালাপানি’র নাম বারংবার উল্লেখ করিয়াছি

এক্ষণে পাঠকবর্গকে সেই ‘নালাপানি’র বিষয়
 * নালাপানি ।

কিছু বলিব । হিমালয়ের প্রত্যন্তদেশস্থিত কোন অনুচ্চ শৈল হইতে একটী নির্ঝর বহির্গত হইয়াছে । ঐ নির্ঝর এখানে ‘নালাপানি’ নামে অভিহিত এবং যে শৈল

হইতে ঐ নির্ঝর প্রবাহিত হইতেছে তাহারও নাম নালাপানি। ঐ নির্ঝরকে কেন নালাপানি কহে বা কিজন্য উহার নামের সহিত ঐ পর্বতের নামের কোন বিভেদ নাই তাহা আমি অবগত নহি—তবে ঝরণা ও পাহাড়ের নাম এক হওয়ায় মধ্যে মধ্যে যে সংজ্ঞাবিশ্রাট ঘটে তাহাতে সন্দেহ নাই। যাহা হউক পূর্ববৈ বলিয়াছি এই পর্বতবাহিনীর জল অতি স্বচ্ছ ও সুস্বাদু এবং তজ্জন্ম দেৱাছুনবাসীরা উল্ল পানার্থ ব্যবহার করে। আরও বলিয়াছি যে এই ‘নালাপানি’র জল বন্ধ করিয়া দেওয়াতেই কালঙ্গা-যুদ্ধে গুৰুখারা তৃষার্ত হইয়া দুর্গ ত্যাগ করিতে বাধ্য হয় ; সুতরাং নালাপানি এখন ইতিহাসে স্থান পাইয়াছে। এই নালাপানি পাহাড়ও নির্ঝরিণী দেখিতে যাইতে হইলে কর্ণপুর হইতে এক মাইল যাইতে হয়। তাহার পর উক্ত পর্বতে কিয়দূর আরোহণ করিলে একটা নির্ঝর-প্রবাহ একটা সুবৃহৎ ইক্ষুকনির্মিত আধারমধ্যে অবরুদ্ধ হইতেছে দৃষ্ট হয়। সেই জলাধার হইতে লোহার নলদ্বারা দেৱাছুন সহরে জল লইয়া যাওয়া হইয়াছে। ঐ স্থান হইতে আর একটু উচ্চে এই গিরির শিখরদেশে এক তাপসের পবিত্র আশ্রম আছে। একটা ক্ষুদ্র, সুপরিচ্ছন্ন প্রাঙ্গন—চারিপার্শ্বে কয়েকখানি পর্ণকুটীর ও প্রাঙ্গনমধ্যে একটা রুদ্রাক্ষবৃক্ষ আছে। ঐ রুদ্রাক্ষবৃক্ষতলে একটা বেদিকা ও তাহার উপর তৃণাচ্ছাদিত গোলাকার চাল, দেওয়া আছে। আশ্রমের চারিধারে নানাবিধ সম্বলপ্রোথিত, পুষ্প-ফল-প্রদ, বিহগ-কাকলী-মুখরিত বৃক্ষাবলী এই স্থানের শাস্ত সৌন্দর্য আরও বর্দ্ধিত করিয়াছে। এই তপোবনে আশিলে

মনে হয় যেন মূর্ত্তিমতী শাস্তি নিয়ত বিরাজ করিতেছেন। এই স্থান হইতে দেৱাতুন সহরটা আলেখ্যবৎ প্রতীয়মান হয়। পথ ঘাট, গৃহ উদ্যান যেন চিত্রাঙ্কিত রহিয়াছে বলিয়া বোধ হয়। আমরা অনেকক্ষণ সেই তপোবনে বিশ্রাম করিয়া ঐ পর্ব্বতের যে স্থানে কালঙ্গা-দুর্গ ছিল তাহা দেখিতে যাইলাম। পূর্বেই বলিয়াছি যে ইংরাজগণ দুর্গ জয় করিবার পর সমস্ত সমভূমি করিয়াছিলেন—দুর্গের চিহ্নমাত্রও রাখেন নাই। একসময়ে যে এই স্থানে ভারতের এক দীৱ জাতির অস্তিত্ব দুর্গ ছিল ও এক সময়ে সেই দুর্গ জয় করিতে শত শত ইংরাজযোদ্ধা প্রাণ বিসর্জন দিয়াছিলেন তাহার কোনও নিদর্শনই নাই—নিবিড় অরণ্যে সে স্থান পরিবাণ্ড হইয়া রহিয়াছে। সেই স্থান হইতে পাহাড়ের নিম্নে নামিয়া আসিলে লোহ-রেলিং-বেষ্টিত দুইটা শ্বেতপ্রস্তরনির্মিত ক্ষুদ্র স্মৃতিস্তম্ভ দেখিতে পাইলাম। একটা, জেনারেল জিলিসপি ও ইংরাজপক্ষীয় যে সকল সেনানায়ক এই যুদ্ধে নিহত হইয়াছিলেন তাঁহাদের স্মৃতিচিহ্ন—অপরটা, গুৱখা-সেনাপতি সিংহ ও তাঁহার অনুচরবর্গের অমানুষিক বীর্য্যের প্রতি ইংরাজ বীরের প্রতি এই সম্মান প্রদর্শন করিয়া দীৱোচিত কার্য্যই করিয়াছেন। তাঁহারা স্বীয় দুর্দগা অলৌকিক বীরত্বের কীর্ত্তিস্তম্ভ নিৰ্ম্মাণ করিয়া দিয়া যে বশ্ববাদাৰ্হ হইয়াছেন তাহাতে আর সন্দেহ নাই। বীর গুৱখাদিগের স্মৃতি-স্তম্ভের পূর্ব্বগাত্রে এইরূপ খোদিত আছে :—

This is inscribed
As a tribute of respect to our gallant adversary,

BULBUDDER,

Commander of the Fort,

And his brave Goorkhas,

Who were afterwards,

While in the service of Runjeet Singh,
Shot down in their ranks to the last man
By Afghan Artillery.


পশ্চিমপার্শ্বে নিম্নলিখিত কথাগুলি খোদিত আছে :—

On the highest point
Of the hill above this tomb,
Stood the fort of Kalanga.

After two assaults,
On the 31st October and 27th November,
It was captured by the British troops
On the 30th November 1814,
And completely razed to the ground.

দেৱাধুন সহরের মধ্যে গুরু ৰাম ৰায়ের মন্দির ব্যতীত অন্য
গুরুদ্বার বা কোন দৃষ্টব্যই নাই এবং এই মন্দিরের প্রাচীনত্ব
গুরু ৰাম ৰায়ের ব্যতীত উহাতে স্থাপত্য বা অন্য কোন প্রকার শিল্প-
মন্দির। কুশলতা দৃষ্ট হয় না। মন্দিরের প্রবেশদ্বারের
সম্মুখেই একটা লালমৎস্ত-পরিপূর্ণ বৃহৎ সরোবর। ইহার চারি
দিক্ বাঁধান। কেহ কেহ বলেন যে ৰাম ৰায়ের পত্নী এই জলাশয়ে

দেৱাধীন ।



গুরুদ্বাৰেৰ সম্মুখস্থ দাঁঘিকা, তোৱণ ও বাগু

জল আনয়নার্থ রাজপুর প্রণালী খনন করান। মন্দিরের প্রবেশ-
দ্বার ও সরোবরের মধ্যবর্তী স্থানে একটা প্রকাণ্ড 'কাণ্ডা' বা ধ্বজা
প্রোথিত আছে। ফটক দিয়া প্রবেশ করিলেই বিস্তৃত প্রাঙ্গন—
উহার চতুর্দিকে মহাস্তম্ভ মহারাজের দপ্তর, কাছারি, বৈঠকখানা
প্রভৃতি গৃহ। তাহার পর একটা প্রকাণ্ড চত্বরের মধ্যে মন্দির।
মন্দিরটা দেখিতে ঠিক লাহোরের নিকটস্থ সাদরার জাহাঙ্গীর
বাদসার সমাধি-নিকেতনের ন্যায়। মন্দিরের চারি কোণ হইতে
চারিটা মিনার বা স্তম্ভ ও ছাদের মধ্য হইতে একটা বৃহৎ গম্বুজ
উঠিয়াছে। মন্দিরের বামদিকের একটা প্রকোষ্ঠে নানক
হইতে শিখদিগের আটজন গুরুর মূর্তি অঙ্কিত আছে। মন্দিরের
উঠানের চারিদিকে চক্ৰমিলান ঘর। তাহাতে সাধু-সন্ন্যাসী,
অতিথি-অভ্যাগত আসিলে বাস করিতে পারেন। পূর্বেই
বলিয়াছি এই মন্দিরমধ্যস্থ খট্টা ও সমাধি প্রত্যহ সাদরে পূজিত
হয়। ঐস্থানে অহরহঃ গুরুমুখী অধীত হয়। প্রত্যেক বৎসর ১লা

চৈত্র হইতে ১০ই পর্য্যন্ত যেলা বা সঙ্গ হয়। দেশ-
কাণ্ডা মেলা।

বিদেশ হইতে সাধু-সন্ন্যাসীরা আসিয়া এই মেলায়
যোগ দান করেন। বিশেষতঃ যে বৎসর হরিদ্বারে কুম্ভ মেলা হয়
সে বৎসর লোকসংখ্যা অধিক হয়। মেলার ষষ্ঠ দিবসে ঐ শিখগণ

† "On the first of Chait, the fair or *Mela* (called *Sungat*) commences. It lasts till the tenth. On the 6th a new flag is hoisted upon an enormous flag staff standing between the temple and the large tank."—*Williams's Memoir of Dehra Doon*, pp. 38-39.

"The first nine nights of the *sudi* or light half of Chait are known as the Chait *naurātri* * * * The Chait *naurātri* is also the season of the great *sangat* or fair at the temples of Guru Rām Rāi in Dehra and Srinagar."—*E. T. Atkinson's Gazetteer of N.-W. P.*, Vol. XI. pp. 847-48.

কর্তৃক প্রাপ্ত বৃহৎ ধ্বজ প্রোথিত হয়। ইহা শিখদিগের মেলা হইলেও বিভিন্নধর্মাবলম্বী সহস্র সহস্র যাত্রী পুণ্যার্থে এই কার্যে সহায়তা করেন। এই ধ্বজ বা ‘ঝাণ্ডা’ রোপিত হয় বলিয়া ইহাকে ‘ঝাণ্ডা মেলা’ বলে। চৈত্র মাস পর্য্যন্ত আমরা দেৱাতুলে থাকি নাই সুতরাং এই ঝাণ্ডা মেলার সময়ে আমি উপস্থিত ছিলাম না—বঙ্গের সুপ্রসিদ্ধ লেখক শ্রীযুক্ত বাবু জলধর সেন মহাশয় এই মেলা স্বয়ং দর্শন করিয়া যাহা লিখিয়াছেন তাহা পাঠকবর্গের সন্তোষসাধনের জন্য নিম্নে উদ্ধৃত করিলাম :—

“প্রতি বৎসর ১লা চৈত্র এখানে একটি মেলা হয়, তাহার নাম ‘ঝাণ্ডার মেলা’। ‘ঝাণ্ডা’ কথাটির অর্থ আগে একটু পরিষ্কার করিয়া বলা আবশ্যক। সন্ন্যাসীদিগের হস্তে এক গাছি করিয়া লাঠী থাকে ; কোনও স্থানে বাস করিতে হইলে তাহারা প্রথমে সেইখানে লাঠী প্রোথিত করে, এবং তাহার অগ্রভাগে নিশানের মত একখণ্ড লাল কাপড় বাঁধিয়া দেয় ও তাহার পর সেখানে আসন পাতে। * * * গুরু রাম রায়ও চৈত্র মাসের প্রথম দিনে এখানে আসিয়া আড্ডা করেন ও ‘ঝাণ্ডা’ স্থাপন করেন।

“There are two great assemblies : one on the 5th of Chait (March-April) and another on the 8th of Bhadon (August-September), chiefly attended by Sikhs from the Punjáb. * * * The next day the pilgrims bathe and a party proceeds to Siddh-ban and cut down a new pole for the Guru's standard, which after being bathed in Ganges water is set up in the place of the old one with great ceremony.—*Ditto, ditto*, p. 841.

পাঠক বর্গ ‘প্রবাস-চিত্র’ হইতে উদ্ধৃত অংশে দেখিবেন যে মেলার প্রথম দিবসে ‘ঝাণ্ডা’ তোলা হয়। জলধর বাবু স্বয়ং দেখিয়াছিলেন সুতরাং তাহার কথার উপরে কথা কহিতে পারি না। আমি যখন স্বয়ং দেখি নাই তখন কোনটী যথার্থ তাহা অবগত নহি।

সেই উপলক্ষে এখনও প্রতি বৎসর মেলা বসিয়া থাকে । * *
 * রাম রায়ের সেই 'বাণ্ডা' এখন আর ক্ষুদ্র লাঠী নাই, বৃহৎ
 জাহাজের মাস্তুলের মত একটি প্রকাণ্ড কাষ্ঠখণ্ডে পরিণত
 হইয়াছে ; তাহার সর্ববর্শরীর লাল বস্ত্রখণ্ডে মণ্ডিত, শিরোদেশে
 সমুজ্জ্বল লোহিত নিশান । পূর্বের ন্যায় এখন আর ইহা মৃত্তিকায়
 প্রোথিত করিবার সুবিধা নাই ; সিংহদ্বারের সম্মুখে পুষ্করিণীতীরে
 প্রায় ১৫১২০ হস্ত উচ্চ স্থান ইফ্টক ও প্রস্তর দ্বারা বাঁধান হইয়াছে ;
 তাহারই ভিতর সেই প্রকাণ্ডকায় "বাণ্ডা" দণ্ডায়মান থাকে ।
 প্রতি বৎসর তাহার এক পার্শ্বের ইফ্টকস্তূপ ভাঙ্গিয়া 'বাণ্ডা' নামান
 হয়, এবং যদি সেই কাষ্ঠদণ্ডের অবস্থা ভাল থাকে, তবে তাহার
 গাত্রেই নূতন লাল কাপড় জড়াইয়া নূতন নিশান খাটাইয়া 'বাণ্ডা'
 উঠান হয়, নতুবা কাষ্ঠদণ্ড বদলাইয়া দিতে হয় । 'বাণ্ডা' তুলিবার
 সময়ের দৃশ্য অতি চমৎকার ; * * * ১লা চৈত্রের রাত্রি
 প্রভাত হইতে না হইতে, সহস্র সহস্র নরনারী 'বাণ্ডা'ভলে
 সমবেত হইতে আরম্ভ করে ; * * * ক্রমে 'বাণ্ডা' তুলিবার
 সময় হইলে মন্দিরের মহাস্তম্ভ সেখানে উপস্থিত হন । তাঁহাকে
 দেখিবামাত্র দর্শকগণ উৎসাহে 'জয় গুরুজি কি জয়' শব্দে
 কর্ণ বধির ও আকাশ বিদীর্ণ করিয়া 'বাণ্ডা' নামাইয়া ফেলে ।
 তাহার অল্পক্ষণ পরে সেই সমস্ত লোক পুনর্ববার সেই 'বাণ্ডা'
 পূর্ব স্থানে সংস্থাপিত করে ; অনন্তর প্রত্যেকে 'বাণ্ডা'র গাত্রে
 'রাখি' বাঁধিয়া দেয় । গুরুদ্বারের মহাস্তম্ভ সেদিন অনাহারে, গাঙ্গে
 উত্তরীয় বাঁধিয়া, নগ্নপদে, কৃতাজ্জলিপুটে, 'বাণ্ডা'র মিকট দাঁড়াইয়া
 থাকেন । যে মহাস্তম্ভ মঠপ্রান্তে পদার্পণ করিতেও অপমান

বোধ করেন, যাঁহার মস্তকে ছত্রধারণের জন্ত এবং পদতলে
 পাছুকাপ্রদানের নিমিত্ত শত শত ব্যক্তি সদা সন্ত্রস্ত অবস্থায়
 অবস্থান করে, আজ তিনি সর্বাপেক্ষা দীনবেশে, বিনীতভাবে,
 গললগ্নীকৃতবাসে ‘ঝাণ্ডা’র সম্মুখে দাঁড়াইলেন, আজ জনসাধারণের
 মধ্যে তিনি সাধারণ ব্যক্তির ন্যায় দণ্ডায়মান। দূরে দাঁড়াইয়া
 আমি এই দৃশ্য দেখিতেছিলাম। * * * এক বৎসর এমন
 হইয়াছিল যে, ‘ঝাণ্ডা’ আর কিছুতেই তুলিতে পারা যায় না ;
 * * * সহস্র সহস্র লোক প্রাণপণে চেষ্টা করিয়াও
 যখন ‘ঝাণ্ডা’ উঠাইতে পারিল না, তখন সেই উৎসবক্ষেত্রে সমাগত
 ভক্ত নরনারীর মধ্য হইতে একটা ঘোর ক্রন্দনের ঝোল উদ্ভিত
 হইল ; এবং এক অদৃষ্টপূর্ব্ব অমঙ্গলের আশঙ্কায় সকলেই
 ভীত ও অবসন্ন হইয়া পড়িল। স্বয়ং মহাস্তম্ভজী (বয়স ৩০।৩৫
 বৎসর) আকুল হইয়া ক্রন্দন করিতে লাগিলেন। তাঁহার
 চক্ষে অশ্রু দেখিয়া সকলে আরও অধিক ভীত হইয়া পড়িল ;
 হাহাকারধ্বনিতে আকাশ বিদীর্ণ হইতে লাগিল ; সকলের মুখেই
 বিবাদকালিমা পরিব্যাপ্ত। একঘণ্টা পূর্ব্ব যে উৎসবক্ষেত্র
 আনন্দ ও উৎসাহে পরিপূর্ণ ছিল, দেখিতে দেখিতে তাহা যেন
 তরঙ্গায়িত শোকসাগর বলিয়া প্রতীয়মান হইতে লাগিল।
 সকলেই দীর্ঘনিশ্বাস ফেলিয়া বলিতে লাগিল, ‘হো গুরুজী, হো
 গুরুজী !’ * * * যাহা হউক, চেষ্টার ফল হইল না ;
 ক্ষণে বেলা তিনটা বাজিয়া গেল ; কিন্তু এতগুলি ‘লোক
 চেষ্টা করিয়াও কিছুতেই ‘ঝাণ্ডা’ উঠাইতে পারিল না। প্রকাণ্ড
 প্রকাণ্ড অতি শক্ত, স্থূল কাছি ধরিয়া উন্মত্ত ভক্তগণ টানাটানি

করে, আর সেগুলি জীর্ণসূত্রের মত ছিঁড়িয়া যায়। আর উপায় নাই; সকলের বিশ্বাস হইল, গুরুজীর অকৃপা হইয়াছে; নতুবা ‘ঝাঙা’ এমন বিশ্বস্তর মূর্তি ধারণ করিবে কেন? * * * অবশেষে মহাস্ত মহাশয় উন্মত্তের মত হইয়া সেই জনতার চতুর্দিকে ছুটিয়া সকলকে উৎসাহিত করিতে লাগিলেন; * * * তাঁহার উৎসাহবাক্যে উৎসাহিত হইয়া সকলে আর একবার অগ্রসর হইল, শরীরের সমস্ত বল এবং প্রাণের সমস্ত ভক্তি নিয়োজিত করিয়া স্ত্রী পুরুষ, বালক বৃদ্ধ, আর একবার ‘ঝাঙা’ উঠাইবার জন্ত টানাটানি করিল। মুহূর্তের মধ্যে ‘ঝাঙা’ উঠিয়া গেল। সহসা সেই বিষাদুচ্ছন্ন জনত্বোত্তের মধ্যে যে আনন্দকল্লোল উখিত হইল, তাহা অনির্বচনীয়; উৎসাহে সকলে ‘জয় গুরুজী কি জয়!’ রবে আকাশ বিদীর্ণ করিল।”†

সৌন্দর্য্য-সম্পদের অতুলনীয় ভাণ্ডার, আৰ্য্যকীর্তির অগ্ন্যতম স্মৃতিক্ষেত্র দেবার চিত্র এই অধম চিত্রকরের তুলিকায় ফুটিবার নহে। এখানে মানবের বিজ্ঞা-বুদ্ধির শ্রেষ্ঠতম কোনও জ্বলন্ত নিদর্শন নাই; এখানে কষ্টসাধিনী মানুষের অহমিকা-বুদ্ধির কোনও উপকরণ নাই—এখানে বিজ্ঞানের জয়স্তুম্ব, অবিশ্বাসীর কুহক-জনন-ক্ষম মায়া-মরীচিকার বড়ই অসম্ভাব—এখানে যাহা আছে তাহা ভাবকের, তাহা ভগবৎপ্রেমিকের উপভোগের বস্তু। সেই বিবিধরসাত্মক দৃশ্যবলী যাহার নেত্রপ্রাপ্তে প্রেমাশ্রুত আনয়ন করে সেই মহাপুরুষই এই দৃশ্যবলী দেখিবার অধিকারী।



মসুরি ।

দেৱাছুনে আসিয়া ইংৰাজেৰ এই সুপ্রসিদ্ধ বিলাস-কানন না দেখিলে এ প্ৰদেশভ্ৰমণ অসম্পূৰ্ণ থাকিলা যায়। এই ক্ষুদ্ৰ পাৰ্বত্য সহৰেৰ প্ৰায় সমস্তই বিলাতী ধৰণে নিৰ্মিত। স্বদেশবৎসল ইংৰাজ যতদ্ৰ পানিয়াছেন এই স্থানটী তাঁহাদেৱ চিৰপ্ৰিয় জন্মভূমিৰ অনুকৰণে গড়িয়াছেন। যদি কাহাৰও সুদূৰ বিলাতেৰ পল্লী দেখিতে বাসনা থাকে তবে এই শৈলাবাস দেখিলেই তাঁহাৰ সে ইচ্ছা আংশিক পূৰ্ণ হইবে। বিশেষতঃ দেৱাছুন ও মসুৰি পাশাপাশি থাকায় ভাৰতেৰু ও বিলাতেৰ পল্লীৰ পাৰ্থক্য সহজে বুঝিতে পাৰা যায়।

আমরা একদিন প্ৰত্যুষে ইংৰাজেৰ এই সাধেৰ শৈলাবাস দেখিতে একটী গাড়ী কৰিয়া রওনা হইলাম। এক ঘণ্টাৰ মধ্যে পূৰ্বেবাল্লিখিত ৰাজপুৰে উপস্থিত হইলাম। সেখান হইতে একটী অশ্বাৰোহণে পাহাড়ে উঠিতে আৰম্ভ কৰিলাম। যাঁহাদেৱ অশ্বাৰোহণ কৰা অভ্যাস নাই তাঁহাৰাও এখানকাৰ অশ্বে নিৰ্ভয়ে আৰোহণ কৰিতে পাৰেন। একে বেচাৱাৱা নিতান্ত দুৰ্বল,

তাহার পর পাছে দ্রুত যায় বুঝি এই ভয়ে ইহাদিগের সহিসেরা এই সকল অশ্বের পুচ্ছদেশ একরূপ দৃঢ়ভাবে ধরিয়া থাকে যে ঐ অশ্বের দ্রুত গমনের কোনও প্রকার সম্ভাবনাই থাকে না। ইহার উপর ইংরাজ পাহাড়ে উঠিবার রাস্তা যতদূর সম্ভব সমান করিয়া রাখিয়াছেন ও খাদের দিকে স্তূপ রেলিং দিয়াছেন। এক একটা অশ্বের ভাড়া ১ টাকা মাত্র। যদি নিতান্তই কাহারও ঐ অশ্বনামধারী জীবের পৃষ্ঠে পাহাড়ে উঠিতে ভয় হয়, তবে তাঁহাকে অগত্যা ডাণ্ডী ভাড়া করিতে হইবে। এক এক ডাণ্ডীর ভাড়া কুলি সহিত ৩ টাকা। পাহাড়ের উপর উঠিতে প্রথম ক্ষতকটা পথ বেশ প্রশস্ত—দুইধারে অট্টালিকা ও বিপণী-শ্রেণী—মনে হয় না যে পাহাড়ে উঠিতেছি। তাহার পর ক্রমে দোকানের সংখ্যা কমিয়া গিয়াছে। যে স্থানে হম্ম্যাবলী ও বিপণী-শ্রেণী শেষ হইয়াছে সেই স্থানে একটা শুক্কঘর আছে। এখানে অশ্ব প্রতি ১০ আনা ও ডাণ্ডী প্রতি ১ টাকা করিয়া শুক্ক দিতে হয়। এই শুক্কঘর মসুরি মিউনিসিপালিটির সীমাপ্রান্তে অবস্থিত সুতরাং এই স্থান হইতে যথার্থ মসুরি আরম্ভ হইয়াছে বলা যাইতে পারে। এই স্থান হইতে পথ যদিও ক্রমশঃ অপ্রশস্ত হইয়াছে তথাপি দুইজন অশ্বারোহী স্বচ্ছন্দে পাশাপাশি যাইতে পারে। এই পথের এক দিকে উচ্চ পর্বত—অপর দিকে গভীর খাদ। নিম্নে খাদের দিকে দৃষ্টিপাত করিলে মস্তক বিঘূর্ণিত হয়। এইরূপ সাত মাইল পার্বত্য পথ অতিবাহিত করিয়া তিন ঘণ্টার পর আমরা মসুরি সহরে আমাদের বাসায় উপস্থিত হইলাম। আমরা যতই উঠিতে লাগিলাম—দেখিলাম ততই ক্ষেত্রের বন্ধুর

লোপ পাইতেছে—সকল পদার্থই সমোচ্চ বলিয়া বোধ হইতে লাগিল—বৃহৎ ক্ষুদ্র, স্থূল সূক্ষ্ম, উচ্চ নীচ, বিশাল ক্ষীণের অন্তরায় অন্তর্হিত হইতে লাগিল;—আমি ভাবিলাম মানুষের যতই আধ্যাত্মিক উন্নতি হয়—মানবের মন যতই উচ্চ হয়—ততই তাহার নিকট সকল বস্তুই সমান বলিয়া প্রতীয়মান হয়—তাহার নিকট ধনী দরিদ্রের সমান আদর, সুরম্য অট্টালিকায় ও শতচ্ছিদ্র পর্ণকূটীতে প্রভেদ থাকে না।

এই বিবিধ-পাদপরাজি-পরিবাপ্ত ভূধরমালা একশত বৎসর পূর্বে স্থাপদ-সঙ্কুল-ভীষণ-অরণ্য-গর্ভ-নিহিত ছিল—বর্তমান সুন্দর জনাকীর্ণ নগরের চিহ্নমাত্রও ছিল না—কেবলমাত্র কয়েক ঘর পাহাড়ীর পর্ণকূটীর সেই বিজন অরণ্য মধ্যে মনুষ্যসমাগম সূচিত করিত। কিন্তু শীকারপ্রিয় ইংরাজজাতি দেহাভূত হস্তগত করিবার পর ইহার অরণ্যসকল বন্দুকের ধ্বনিতে বিধ্বস্ত করিতে লাগিল। কেহ কেহ এই মসুরি পর্বতে আসিয়া শীকার আরম্ভ করিলেন; ক্রমে ১৮২৩ খৃষ্টাব্দে মিঃ সোর ও কাপ্তেন ইয়ং নামক দুই জন শীকারপ্রিয় ইংরাজ এই পর্বতের ‘ক্যামেল ব্যাক্’ শিখরের কোনও অংশে শীকারের নিমিত্ত একটা ক্ষুদ্র গৃহ নিৰ্ম্মাণ করেন। তাঁহারা শীকার করিতে আসিয়া সেই ক্ষুদ্র প্রকোষ্ঠে কখন কখন রাত্রি যাপন করিতেন। তাঁহাদের নিকট তাঁহাদের বন্ধুবর্গ ঐ স্থানের মনোহারিত্বের কথা শ্রবণ করিয়া তথায় উপ-নিবেশ স্থাপনে মনস্থ করেন। এইরূপে ক্রমে একটীর পর একটা করিয়া ইংরাজের গৃহসকল নিৰ্ম্মিত হইতে লাগিল। ল্যাগুরে ‘মালিজ্জার’ নামক প্রাসাদ সর্বপ্রথমে নিৰ্ম্মিত হয়।

এখন ঐ প্রাসাদে ‘ফিলাগার্স স্মিথ ইন্সটিটিউট’ নামক বিদ্যালয় স্থাপিত হইয়াছে। তাহার পর ১৮২৭ খৃষ্টাব্দে ইংরাজ গভর্নমেন্ট ল্যাগুরে গোরাবারিক নিৰ্মাণ করেন। রুগ্ন ইংরাজসৈন্যগণ এই স্থানে স্বাস্থ্যলাভের জন্য প্রেরিত হইত। এক্ষণে মসুরি ও ল্যাগুর এই দুইটি পাহাড় লইয়া একটা সহর প্রস্তুত হইয়াছে। কোথায় ল্যাগুর শেষ হইয়া মসুরি আরম্ভ হইয়াছে তাহা বলা বড় কঠিন। তবে ল্যাগুর, মসুরি হইতে ঈষৎ উচ্চ। মসুরি ৭১৮৭ ফুট ও ল্যাগুর ৭৫৩৩ ফুট উচ্চ। মসুরিতে বড় বড় সাহেব স্ত্রীরা বাস করেন আর ল্যাগুরে মধ্যবিত্ত অবস্থার সাহেব ও অবসর-প্রাপ্ত সৈনিকদিগেরই বাস অধিক। পূর্বেই বলিয়াছি দেৱাতুন হইতে কাছারি বন্দ্যক মাসের জন্য মসুরিতে উঠিয়া আইসে, সে সময় মসুরি সহর খুব জমকাইয়া উঠে।

আমার বোধ হয় মসুরি ল্যাগুর অপেক্ষা বেশী পরিষ্কার পরিচ্ছন্ন। পথ সকল বেশ প্রশস্ত, পার্শ্বে ইংরাজের বড় বড় হোটেল, পানাগার, ক্লাব, দোকান। মসুরির চৌরাস্তার উপর একটি সুন্দর পুষ্পকালয় আছে ও তাহার সন্নিকটে একটি ছোটখাট দেশী রকমের বাজারও লাইব্রেরী। আছে। লাইব্রেরীর সন্নিকটে এই বাজারটা অবস্থিত বলিয়া ইহার নাম ‘লাইব্রেরী বাজার’ হইয়াছে। এই ক্ষুদ্র বাজারের নিকটে পাহাড়ের উচ্চ চূড়া লম্বালম্বিভাবে পূর্ব পশ্চিমে গিয়াছে। দূর হইতে ইহা ঠিক উষ্ট্রের ক্যামেল ব্যাক্। পৃষ্ঠের মত দেখায় বলিয়া স্থানীয় ইংরাজেরা ইহাকে ‘ক্যামেল ব্যাক্’ (Camel back) বলেন। এই ‘ক্যামেল

ব্যাংক'এর উপরে একটি মান-মন্দির ও বহুসংখ্যক
মান-মন্দির।

অট্টালিকা আছে। ইহার চারিদিক্ বেষ্টন করিয়া
একটি সুন্দর, প্রশস্ত, সমতল পথ গিয়াছে। এই পথে ভ্রমণ
করিতে করিতে প্রকৃতির মনোলোভা শোভা হৃদয়ে অতি
অপূর্ব ভাবের সঞ্চার করে। দূরে চির-তুষার-গণ্ডিত হিমগিরির
দৃশ্য দেখিয়া কাহার না প্রাণ মন বিমুক্ত হইয়া যায়?
নিবিড়-নীল-পাদপাচ্ছন্ন গিরিশ্রেণীর পর অমল-ধবল-হিমালয়-গণ্ডিত
গিরি-শিখরসকল এখান হইতে যেন দ্বিরদ-রদ-শুভ্র-ফেণপুঞ্জ-
কিরীটী সাগর-তরঙ্গবৎ প্রতীয়মান হয়। বস্তুতঃ এই পথের
যে স্থানেই দাঁড়াইয়া দৃষ্টিপাত করি ন' কেন—সেই স্থানেই অতি
অপূর্ব প্রাকৃতিক সৌন্দর্য্য নয়নপথে পতিত হয়।

ল্যাণ্ডের একটি বহৎ বাজার আছে। এ প্রকার বহুবিধ-দ্রব্য-
ল্যাণ্ডের বাজার।

সস্তার-পূর্ণ বিপণীসঙ্কুল বাজার বোধ হয় কোনও
পার্বত্য সহরে নাই। এই বাজারে পাওয়া যায়
না এমন দ্রব্যই নাই। ভারতের অতি সুদূর প্রান্ত হইতে
ব্যবসায়ীরা আসিয়া এখানে ক্রয় বিক্রয় করিতেছে। আশ্চর্য্যের
বিষয় এই যে যদিও অনেক দূর হইতে দ্রব্য সমুদয় আসিতেছে
তথাপি দূরত্বের অনুপাতে মূল্য মহার্ঘ বুলিয়া মনে হয় না।

ল্যাণ্ডের সর্বোচ্চ শৃঙ্গকে 'লালটিববা' বলে। 'লালটিববা' ৭৫৩৩
ফুট উচ্চ। এই শৃঙ্গের অগ্রভাগ কাটিয়া বেশ সমতল
লালটিকা।

করিয়া দেওয়া হইয়াছে। অতি পরিষ্কার দিবসে
এখান হইতে গঙ্গা ও যমুনা দেখা যায়। এই স্থান হইতে চির-তুষার-
বিভূষিত, দিগন্ত-বিস্তৃত হিমালয়ের দৃশ্য অতীব সুন্দর দেখায়।

মহুরি ।



ক্যামেল-ব্যাক রোড

দেৱাতুলনের বিচিত্র বর্ণের হস্তাসকল কানন-কুস্তলা ধরণীর
অঙ্গে অলকা-তিলকের ন্যায়, দূরত্ব-হেতু স্তিমিত-প্রবাহা শীর্ণা নদী
কণ্ঠগত মুক্তাহারের ন্যায় ও বায়ু-সঞ্চালিত ধূসর বর্ণের মেঘসংযুক্ত
শ্যামল-বৃক্ষরাজি-মণ্ডিত অদ্রিসকল “মধ্যে শ্যামঃ স্তন ইব ভুবঃ
শেষবিস্তারপাণ্ডু”বৎ প্রতীয়মান হয়।

স্বর্গীয় ডিউক্ অব্ এডিন্‌বরা যখন ভারতবর্ষ ভ্রমণ করিতে
আসিয়াছিলেন তখন তিনি দেৱাতুলন ও মন্দির দেখিয়া যারপরনাই
প্রীত হয়েন। তিনি তাঁহার প্রীতির নিদর্শন স্বরূপ ল্যাণ্ডরের
সমাধি-ভূমিতে স্বহস্তে একটি দেবদারুবৃক্ষ রোপন করেন। সেই
দেবদারুবৃক্ষ-শিশু এখন পল্লবাকীর্ণ শাখা-প্রশাখা-বহুল মহাদ্রুমে
পরিণত হইয়াছে। ইহার গম্ভী্রে একটি ফলকে এই কয়েকটি
কথা লিখিত আছেঃ--“*Planted by H. R. H. the Duke
of Edinburgh. February, 1870.*”

অন্যান্য অট্টালিকার মধ্যে ল্যাণ্ডর বাজারের অব্যবহিত
উপরস্থ স্বর্গীয় মহারাজা দলীপ সিংহের ‘ক্যাসল্’ (The Castle)
নামক বাস-ভবন, আফ্গানিস্তানের ভূতপূর্ব আমীর ইয়াকুব
খাঁর গ্রীষ্ম-নিবাস, ৬ নং পূর্বতীর মহারাজার প্রাসাদ ও
‘সার্লিভিল্’ (Charleville Hotel) নামক প্রসিদ্ধ হোটেলই
উল্লেখযোগ্য। এই ‘সার্লিভিল্’ হোটেলের নিম্নে ‘হ্যাপি ভ্যালি’
(Happy Valley) নামক একটি সুন্দর উপত্যকা
‘হ্যাপি ভ্যালি’ আছে। এই ক্ষুদ্র উপত্যকার চারিদিকেই পাহাড়,
পাহাড়ের উপর সহর। যখন এই উপত্যকায় ঘোড়দৌড়,
ক্রিকেট্, ফুটবল্ প্রভৃতি খেলা হয় তখন সাহেবেরা পাহাড়ের

গায়ে বসিয়া দেখে। উপর হইতে ‘হাপি ভ্যালি’তে নামিবার অনেকগুলি পথ আছে।

মসুরি-ভ্রমণকারীর যদি কেবল মসুরি সহর দেখিয়াই তৃপ্তি না হয় এবং যদি ক্ষুদ্র ক্ষুদ্র অভিযানে আপত্তি না থাকে তবে তিনি ইহার সন্নিহিতে যে কয়েকটা দ্রষ্টব্য স্থান আছে তাহা দেখিবেন। যমুনার উপর একটা ঝোলা ঝোলা পুল আছে। ইচ্ছা করিলে দেখিয়া একদিনেই ‘পুল।’ মসুরিতে ‘ফিরিয়া আসা যায়। বরাবর বেশ রাস্তা আছে—মসুরি হইতে এগার মাইল মাত্র। যদি সেই দিন ফিরিতে কষ্ট বোধ হয় তাহা হইলে সেই সেতু পার হইয়া এক ক্রোশ যাইলে ‘লঙ্কর’ ডাক্ষাংলায় রাত্রি যাপন করিতে পারা যায়।

কেম্টি জলপ্রপাত (Kempti Fall) মসুরি হইতে কেম্টি চক্রাতা পর্য্যন্ত যে পথ গিয়াছে তাহার অনতিদূরে ও প্রপাত। মসুরি হইতে ছয় মাইল দূরে রিজল নদীর উপরে অবস্থিত। এই বরগাটা বেশ সুন্দর ও স্থানটি অতি মনোরম। পাঁচটা প্রপাত স্তরে স্তরে অনেক উচ্চ হইতে পতিত হইতেছে। সহস্রধারায় যেমন জলধারা বৃষ্টির ন্যায় বিন্দু বিন্দু পতিত হইতেছে ইহা সে প্রকারের নহে; একেবারে প্রভূত জলরাশি প্রবল বেগে গভীর গর্জনে উচ্চ স্থান হইতে কৃষ্ণবর্ণের শিলা সকলের উপর নিপতিত হইয়া ইতস্ততঃ পুষ্পরাশির ন্যায় বিক্ষিপ্ত হইতেছে—আবার কোথাও যেমন স্তরে স্তরে নামিতেছে অমনি ফেনরাশি পুঞ্জীকৃত হইয়া উঠিতেছে। একটা সঙ্কীর্ণ পথ

মহুর্নি ।



হাপি ভ্যালি

পর্বতগাত্র অবলম্বন করিয়া বরষার নিকটে গিয়াছে। সে স্থানে যাইবার সময় একটু সাবধানে চলিতে হয় ; কেন না, সে স্থানে পাহাড় একেবারে ঢালু হইয়া গিয়াছে। চতুর্থ প্রপাতের তীরে রমণীয় সুশীতল ছায়াপ্রদ স্থান আছে। যদি কাহারও বনভোজন করিবার ইচ্ছা থাকে, তবে তিনি বন্ধুবর্গ-সমভিব্যাহারে তথায় অতি আনন্দসহকারে সময়-অতিবাহিত করিতে পারেন।

মসুরির বোটানিক্যাল গার্ডেন (Botanical Garden) একটী বোটানিক্যাল দ্রষ্টব্য স্থান। অদ্রিয়ার্জ হিমালয়ের উপর নানা গাডেন্। স্থানে যে সকল নানাবিধ বৃক্ষলতা জন্মে, সেই সকল পাদপাদি এই উদ্যানে একত্র সমবেত দেখিতে পাইবে। বিশেষতঃ ডালিয়া, প্রিম্রোজ ও ভাওলেটের ত কথাই নাই।

মসুরির জলবায়ু অত্যন্ত স্বাস্থ্যকর। দেয়ায় যেমন বর্ষাকালে একটু ম্যালেরিয়া জ্বরের প্রাদুর্ভাব হয়, জলবায়ু। এখানে সে ভয় নাই। বরং দার্জিলিং প্রভৃতি শৈলে যে একটু আর্দ্রতা আছে, এখানে তাহার নামমাত্রও নাই। চারি দিকে কোনও উচ্চ পাহাড় না থাকায় নিম্নল বায়ুপ্রবেশের কোন-রূপ অন্তরায় নাই, এবং সেই জন্য স্থানটী কখনও আর্দ্র হয় না।

এখানকার মিউনিসিপালিটি খুব জাঁকাল। বাৎসরিক আয় মিউনি- প্রায় ৩০,০০০ হাজার টাকা হইবে। লোক সিপালিটি। সংখ্যা ৪০০০ হাজার—সময়ে সময়ে ৭০০০ হাজার হয়। শ্বেতাঙ্গ বালকবালিকাদিগের জন্য এখানে অনেকগুলি বিদ্যালয় আছে।



হরিদ্বার ।

এত দূর আসিয়া কেবলমাত্র দেৱাচুন দেখিয়াই প্রত্যাবর্তন করিতে ইচ্ছা হইল না । একবার ভারতের পবিত্র তীর্থ হরিদ্বার দর্শন করিবার লোভ সংবরণ করিতে পারিলাম না—একবার পূতপরিবাহিণী কলিমলাপহারিণী ভাগীরথীর নিশ্চল সলিলে অবগাহন করিয়া জন্মান্তরীণ-সঞ্চিত-পাপরাশি বিধৌত করিবার বাসনা হইল—সুতরাং এই পুণ্যধামে ত্রিরাত্র বাস করিয়া তাহার পর প্রত্যাবর্তন করিব, সঙ্কল্প করিলাম ।

দেৱাচুন হইতে বেলা ১০ টার ট্রেনে হরিদ্বারে আসিবার জন্ত রওনা হইলাম । হরিদ্বারে পৌঁছিতে প্রায় সাড়ে এগারটা বাজিয়া গেল । কলিকাতা হইতে যাত্রাকালে আমাদিগের জনৈক বন্ধু এই তীর্থে পাণ্ডাদিগের উপদ্রবের ভয় দেখাইয়াছিলেন ও শ্রীযুক্ত বাবু সূর্যমল বুনবুনওয়ালার প্রসিদ্ধ ধর্মশালায় থাকিবার পরামর্শ দিয়াছিলেন । আমরা যখন হরিদ্বারে পৌঁছিলাম, তখন কোনও পাণ্ডাই উপস্থিত নাই দেখিয়া মনে মনে একটু আনন্দিত হইয়াছিলাম । স্টেশনের বাহিরে আসিয়া কোন প্রকার যানই দেখিতে পাইলাম না । এক

জন কুলিকে জিজ্ঞাসা করিলাম—“সূর্যমল বাবুর ধর্মশালা কত দূর ?” সে বলিল—“খুব নগিচ্”। স্মৃতরাং গাড়ী না পাওয়ায় দুঃখিত হইলাম না—বরং চারি দিক্ দেখিতে দেখিতে যাইব ভাবিয়া মনে মনে একটু আনন্দিত হইলাম। কিন্তু যতই যাইতে লাগিলাম, ততই বোধ হইতে লাগিল, যেন পথ আর ফুরায় না। রাস্তা প্রশস্ত, কিন্তু উহাতে ছায়ার লেশমাত্র নাই, আবর্জনা ও ধূলায় পরিপূর্ণ—বোধ হইল, কস্মিন্ কালেও জল পড়ে না। পথে যাইতে একটা হাঁসপাতাল, একটা ডাক ও তারখর দেখিতে পাইলাম। যাহা হউক, প্রায় দেড় মাইল পথ অতিক্রম করিবার পর সূর্যমল বাবুর, ধর্মশালায় আসিয়া উপস্থিত হইলাম। বাটীটা সম্মুখ হইতে দেখিতে বেশ জমুকাল—উচ্চ পোতার উপর নির্মিত—সুন্দর-কারু-কার্য্য-বিশিষ্ট পাথরের দ্বিতল গৃহ। ভিতরে প্রশস্ত পরিচ্ছন্ন প্রাঙ্গন—প্রাঙ্গনের চারি পার্শ্বে চক্ৰমলীন ঘর। প্রত্যেক প্রকোষ্ঠের সম্মুখে দরদালান ও পশ্চাতে রন্ধন করিবার স্থান আছে। সূর্যমল বাবুর তত্রস্থ কর্মচারী আমাদিগকে একটা প্রকোষ্ঠ খুলিয়া দিল—কিন্তু উহা আমাদিগের পছন্দ হইল না—কারণ উহাতে কোনও জানালা নাই—কেবলমাত্র একটা দরজা আছে—এবং উহাই বায়ু ও আলোক প্রবেশের একমাত্র পথ। নিম্নতলে সমুদায় প্রকোষ্ঠই তদ্রূপ। দ্বিতলে যাইয়া দেখিলাম যে, তথাকার প্রকোষ্ঠগুলি প্রশস্ত—জানালা দরজা আছে—ছাদ হইতে গঙ্গাদর্শন হয়। কিন্তু সে সময়ে উপরকার সমস্ত ঘরগুলিই কয়েক জন বাঙ্গালী বাবু সপরিবারে দখল করিয়া অবস্থান করিতে-ছিলেন; স্মৃতরাং আমরা বাধ্য হইয়া অন্ত্র বাসা করিব, মনঃস্থ

করলাম। যে কয়েক জন বাঙালী বাবু সেখানে ছিলেন, তাঁহা-
 দিগের নিকট বাসার অনুসন্ধান করায় তাঁহারা বলিলেন যে, যদিও
 তাঁহারা হরিদ্বারে দুই মণ্ডাহ রহিয়াছেন, তথাপি সূর্যমল বাবুর
 ধর্মশালা ব্যতীত অত্র কোন্ স্থানে যাত্রীরা বাসা পাইতে পারে কিনা
 সে সংবাদ তাঁহারা রাখেন না; আমরা কি করিব—কাহাকে জিজ্ঞাসা
 করিলে বাসার সন্ধান পাইব, এইরূপ ভাবিতেছি—এমন সময় এক
 পাণ্ডাজী আসিয়া আমাদিগকে সম্ভাষণ করিয়া নাম ধাম ইত্যাদি
 জিজ্ঞাসা করিতে লাগিল—আমরাও তাহাকে দেখিয়া, তাহার
 নিকট স্থানীয় সমস্ত সন্ধান পাইতে পারিব ভাবিয়া একটু আশ্বস্ত
 হইলাম। বাহা হউক, অতি অল্পক্ষণ আলাপ পরিচয়ের পরই
 পাণ্ডাজী তাঁহার চিরপ্রসিদ্ধ খাতার সাহায্যে স্থির করিয়া দিলেন
 যে, তিনি এবং তাঁহার পূর্বপুরুষই আমাদিগের পূর্বপুরুষের
 হরিদ্বারস্থ পাণ্ডা। সুতরাং তাহার সতিত বাসা অনুসন্ধানে বহির্গত
 হইলাম। যত বাটাই দেখিলাম, সকলগুলিই বাসের অনুপযোগী
 —কেবলমাত্র তীর্থস্থানে আসিয়া দুই এক দিন কষ্টস্বস্ত্যা
 কাটাইবার মত—কোনগুলির একেবারে জানালা দরজার
 কপাটই নাই—কোনটার বা কেবল একটীমাত্র দরজা আছে—
 কোনটার বা জাফরিকাটা গবাক্ষমাত্র আছে। অনেক অনুসন্ধান
 করিয়া পাণ্ডাজীর সাহায্যে ব্রহ্মকুণ্ডের উপর প্রায় ২০ টাকা
 ভাড়া দিয়া একটা প্রকোষ্ঠ স্থির করলাম। সে প্রকোষ্ঠটির
 অনেকগুলি জানালা ও দরজা আছে; বিশেষতঃ জানালা খুলিলেই
 তুষারাবৃত ধবলগিরি নয়নগোচর হইত বলিয়া হৃদয়ে বড়ই আনন্দ-
 সঞ্চার হইত। বাস্তবিক সে স্থানের পুরোবর্তী দৃশ্য বড়ই রমণীয়!

নিম্নে সরিষা গজা—পর পারে অনন্ত পর্বতমালা—

“ * * * hills that rise in air
In a horizon limpid, scattered grand,
Gird it in part, like a transparent band,”†

—তাহার পশ্চাতে ধবলগিরির *রজতকিরীট বড়ই সুন্দর দেখাইত। আমাদিগের বাসা অনুসন্ধান করিতে প্রায় চারিটা বাজিয়া গেল, সূতৰূপ সেদিনকার মত বিশ্রাম করিলাম। পাণ্ডাজী আমাদিগের বাসায় খাটিয়া কঞ্চল সতরঞ্চী চেয়ার প্রভৃতি আনাইয়া দিল, এবং আহারের আয়োজনাদি করিয়া দিল—বস্তুতঃ সে ব্যক্তি এত *পরিশ্রমপূর্বক. আমাদিগকে স্বচ্ছন্দে রাখিবার চেষ্টা করিতে লাগিল যে, তখন আমাদিগের বন্ধুকথিত পাণ্ডার উপদ্রবের কথা নিতান্ত অলীক বলিয়া মনে হইল। বলিতে কি, আমরা যে কয়দিন সেখানে ছিলাম, পাণ্ডা সে কয়দিনই এরূপ কর্মস্বীকার করিয়া যত্ন করিত যে, প্রত্যাবর্তনকালে আমাদিগের প্রদত্ত দক্ষিণা তাহার উপযুক্ত পারিশ্রমিক বলিয়া আমরা মনে করি নাই, কিন্তু পাণ্ডাজী সেই যৎকিঞ্চিৎই যথেষ্ট বলিয়া সন্তোষ প্রকাশ করিয়াছিল। আমরা দেখিলাম যে, তীর্থযাত্রীগণের পাণ্ডারাই চক্ষুঃস্বরূপ। অবশ্য মন্দ বা প্রবঞ্চক পাণ্ডা যে নাই, এরূপ নহে—তবে তাহারা আপনাদের যজমানকে, বিশেষতঃ শিক্ষিত যজমানকে প্রতারিত করিতে চেষ্টা করে না।

তাহার পরদিন প্রভাতে আমরা ব্রহ্মকুণ্ডে স্নান করিতে
 ব্রহ্মকুণ্ড। যাইলাম। এই ব্রহ্মকুণ্ডের অপর একটা নাম
 ‘হর-কি-পেড়ি’ ঘাট ; কেহ কেহ ‘হরি-কি-চরণ’
 ঘাট বলে। এই ঘাটের উচ্চ প্রাচীরে হরিচরণাঙ্কিত একটা
 প্রস্তর প্রোথিত আছে। কথিত আছে যে, প্রকৃত প্রস্তরখানি
 জলমধ্যে অদৃশ্য হইয়া গিয়াছে। এই প্রসিদ্ধ তীর্থের অতি
 স্নানকটে গঙ্গাদ্বারের মন্দির প্রতিষ্ঠিত। কুস্ত্র মেলায় সময় এই
 ঘাটে স্নান প্রশস্ত। গত কুস্ত্রে প্রায় পাঁচ ছয় লক্ষ সাধু-সন্ন্যাসী
 সমবেত হইয়াছিলেন। সাধু-সন্ন্যাসীদিগের মধ্যে যিনি সর্ববিশেষ
 বলিয়া খ্যাত, তিনি সর্বপ্রথমে এই ব্রহ্মকুণ্ডে স্নান করিলে পর
 অপর সকলে স্নান করিতে পান। এই স্নানের অধিকার লইয়া
 পূর্বের ভয়ানক দাঙ্গা হাঙ্গামা হইয়া গিয়াছে। কুস্ত্রে গোস্বামীদিগের
 সংখ্যাই অধিক হয়। বৈরাগীর সংখ্যা নিতান্ত অল্প হয়। ১৭৬০
 খৃষ্টাব্দের কুস্ত্রে গোস্বামী ও বৈরাগী দলে ঘোরতর বিবাদ হয়।
 সেই বিবাদে প্রায় ১৮০০ শত লোক হত হইয়াছিল। আর এক-
 বার ১৭৯৫ খৃষ্টাব্দে শিখদিগের সহিত গোস্বামীদিগের কলহে
 ৫০০ শত গোস্বামী বিনষ্ট হইয়াছিল।

দেশ বিদেশ হইতে বহুতর যাত্রী আসিয়া এই ঘাটে মৃতস্বজন-
 বর্গের চিতাভস্ম, অস্থি প্রভৃতি, টাকা, সিকি, দুআনি বা পয়সার
 সহিত নিক্ষেপ করে। এমন কি, যাঁহারা স্বয়ং আসিয়া বা কোনও
 লোকদ্বারা মৃত আত্মীয়ের ভস্মাদি নিক্ষেপ করিতে অসমর্থ
 হইয়েন, তাঁহারা ডাকযোগে স্ব স্ব পাণ্ডাকে উহা প্রেরণ করেন—
 পাণ্ডারা আসিয়া তাহা জাহ্নুবীর পূত-সলিলে নিক্ষেপ করিয়া

ଅରିଦାର ।



ବ୍ରହ୍ମକୁଞ୍ଜ ଘାଟ

প্রেতাঙ্গার মঙ্গলসাধন করে। অনেক দুঃখী লোক এই সমুদায় জলমধ্যস্থ কঙ্কালরাশি হইতে টাকা পয়সা বাছিয়া লইয়া জীবিকা-নির্ব্বাহ করে।

এখানকার গঙ্গায়, বিশেষতঃ এই কুণ্ডমধ্যে নানাবিধ বৃহৎ বৃহৎ মৎস্য অহরহঃ বিচরণ করে। হরিদ্বারে প্রাণিহত্যা নিষেধ বলিয়া কেহই ঐ সকল মৎস্য ধরে না ; সুতরাং খৈ, মুড়ি প্রভৃতি খাদ্যদ্রব্য প্রদান করিলে যখন তাহারা ঝাঁকে ঝাঁকে নিকটে আসিয়া উহা নির্ভয়ে আহার করে তখন সে দৃশ্য দেখিতে বড়ই আনন্দ হয়।

আমরা ব্রহ্মকুণ্ডে স্নান করিয়া কুশাবর্ত ঘাটে পুনরায় স্নান কুশাবর্ত ঘাটে করিতে গেলাম। এই পবিত্র তীর্থে শ্রাদ্ধাদি পিতৃ-কার্য্য প্রশস্ত বলিয়া, দেখিলাম, ধনী দরিদ্র আবার-বৃদ্ধ-বনিতা শত শত নর-নারী তথায় শ্রাদ্ধাদি সম্পাদন করিতেছে ; বিরাম নাই—এক দল উঠিয়া যাইতেছে—আবার আর এক দল আসিতেছে। যাহারা উঠিয়া যাইতেছেন, তাঁহারা যথাসাধ্য দান করিতেছেন—কেহ তণ্ডুল বিলাইতেছেন, কেহ অর্থ দিতেছেন, কেহ বা গাত্রবস্ত্র বিতরণ করিতেছেন—কেহ বা নানাবিধ মিষ্টান্ন দিতেছেন ;—সে দৃশ্য দেখিতে অতি সুন্দর—মনে হইল, যেন দয়া মূর্ত্তিমতী হইয়া হরিদ্বারে বিরাজ করিতেছেন।

এই কুশাবর্ত ঘাটে স্রোত বড়ই প্রবল। ঘাটের সোপানাবলীর সহিত লৌহ-শিকল সংযুক্ত আছে—তাহা অবলম্বন করিয়াও স্নান করা দুর্লভ। অতি কষ্টে পা দৃঢ় করিয়া রাখা যায়—একবার শিকল ছাড়িয়া দিয়া অবগাহন করিলে যে কোথায় ভাসাইয়া লইয়া

যাইবে, তাহার স্থিরতা নাই। 'এই স্থানে গঙ্গার পরিসর এক মাইলেরও কিঞ্চিৎ অধিক হইবে। আমরা এই তীর্থে স্নানাदि
 দাখ্য। করিয়া সর্বনাথ দেবের মন্দির দর্শন করিতে যাই-
 লাম। শতচূড়শোভিত মন্দিরটি অতি সুন্দর একটা বিস্তৃত
 প্রাঙ্গণের মধ্যে অবস্থিত;—মধ্যস্থলে দেবাদিদেবের লিঙ্গমূর্তি
 বিরাজিত—অঙ্গনের চতুর্দিকে দ্বিতল গৃহ।

প্রত্নতত্ত্ববিৎ কনিংহাম বলেন যে, তিনি এই সর্বনাথ দেবের
 মন্দির-সান্নিধ্যে একটা পুরাতন দুর্গের ভগ্নস্তূপ, কতকগুলি নষ্ট-
 প্রায় পুস্তলিকা ও নানাবিধ পুরাতন মুদ্রা প্রাপ্ত হইয়াছিলেন, এবং
 অনুসন্ধানে উহা বেন রাজ্যের দুর্গ বলিয়া অবধারিত করিয়াছিলেন।

আমরা সর্বনাথ দেবের পূজাদি করিয়া মায়াদেবী দর্শন করিতে
 মায়াদেবী। চলিলাম। 'মায়াদেবীর মন্দির ভগ্নপ্রায়—চারি
 দিকে জঙ্গল—আর ভগ্ন অটালিকার ইষ্টকস্তূপ।
 এই মন্দির অতি প্রাচীন বলিয়া বোধ হইল। 'দেবীর মূর্তি
 সিন্দূরের প্রলেপে আবৃত, স্তবরাং আকৃতি ভাল বুঝিতে পারিলাম
 না। পাণ্ডাজী বলিল যে, দেবীর তিন মস্তক, চারি হস্ত। এক
 হস্তে অভয় প্রদান করিতেছেন, অপর হস্তে নৃমুণ্ড ধারণ করিয়া
 আছেন, তৃতীয় হস্তে চক্র, এবং চতুর্থ হস্তে ত্রিশূল বিद्यমান আছে।
 কনিংহাম সাহেবও এই প্রকার বর্ণনা করিয়াছেন। তিনি
 মন্দিরের দ্বারে খোদিত শিলালিপি দৃষ্টিে অনুমান করেন যে, খৃষ্টীয়
 দশম বা একাদশ শতাব্দীতে এই মন্দির নির্মিত হয়*। আমরা

* "From the remains of an inscription over the doorway I think [the temple of Māyā Dāvi] may be as old as 10th or 11th century"—
Cunningham's Archaeological Survey of India, Vol. II, page 233.

এই শিলালিপি দেখিতে পাই নাই—দেখিতে পাইলেও বুঝিতে পারিতাম না ।

কনিংহাম সাহেব লিখিয়াছেন যে, এই মায়াদেবীর মন্দিরের অনতিদূরে নারায়ণশিলা ও ভৈরব দেবের দুইটি পুরাতন মন্দির আছে । আমরা এই দেবালয় দুইটি দেখি নাই—সুতরাং বর্ণনা করিতে পারিলাম না ।

মায়াদেবীর মন্দির দর্শন করিয়া আমরা বাসায় ফিরিলাম ।

রাজপথ । ফিরিবার সময় বাজারের মধ্য দিয়া আসিয়াছিলাম ।

হরিদ্বারে দুইটিমাত্র রাস্তা আছে—একটি ফেঁসন হইতে সূর্যামল বাবুর ধর্মশালার সম্মুখ দিয়া উত্তর মুখে গিয়াছে—অপরটি বাজারের মধ্য দিয়া খালের নিকট প্রাপ্ত রাস্তায় আসিয়া মিশিয়াছে । এখানে বলিয়া রাখি যে, ফেঁসনের রাস্তাই বরাবর কনখল পর্যাস্ত গিয়াছে । বাজারের মধ্য দিয়া যে রাস্তা গিয়াছে উহা পাথর দিয়া বাঁধান ; পথের উভয় পার্শ্বে চারি পাঁচ তলা বাটী । বাটীর নীচের বরগুলি দোকান ও অগ্ন্যান্ত প্রকোষ্ঠে যাত্রীর বাজার । থাকে । বাজারে দেখিলাম, সকল প্রকার দ্রব্যই

বিক্রয়ার্থ রহিয়াছে । সাধারণতঃ যাহা কিছু আবশ্যক হয়, তাহা সমস্তই পাওয়া যায় । দুগ্ধ ও ঘৃত বেশ সুলভ ও উত্তম পাওয়া যায় ; কেবল মৎস্য ও মাংসের ক্রয় বিক্রয় দেখিলাম না । শুনিলাম, বৎসরান্তে এখানে পশুবিক্রয়ার্থ একটি মেলা বসে—নানা স্থান হইতে, এমন কি, পঞ্জাব ও পেশোয়ার হইতে অশ্ব ও উষ্ট্র বিক্রয়ার্থ আসিয়া থাকে । আমরা বাজার দেখিয়া বাসায় আসিয়া আহারাদি সমাপন করিলাম । এখানকার শীতল ও স্বাস্থ্য

গঙ্গাজল পান করিয়া শরীরের সমস্ত ক্লান্তি দূর হইল।

বৈকালে আমরা ‘ভীমঘোড়া’ দেখিতে যাইলাম। শিবালিকের

একটি কন্দরে ভীমাজ্জুন প্রভৃতি পঞ্চ ভ্রাতার
ভীমঘোড়া।

মূর্তি আছে। প্রবাদ আছে যে, মহাবলশালী ভীম
সেনের অশ্বের ক্ষুর লাগিয়া পর্বতগাত্রে ঐ গহ্বর হইয়া যায়।
এই গহ্বরের ঠিক নিম্নে একটি ক্ষুদ্র উৎস পর্বতগাত্রস্থ ক্ষুদ্র
ছিদ্রমধ্য হইতে বহির্গত হইয়া তৎসমীপবর্তী কুণ্ডে পতিত হইতেছে
ও সেই কুণ্ড হইতে একটি প্রণালী দ্বারা সেই জল গঙ্গায় প্রবাহিত
হইতেছে। পাণ্ডুরা ঐ জলনির্গমের স্থানকে গঙ্গানির্গমের দ্বার
বলিয়া দেখাইয়া যাত্রীদিগের নিকট হইতে বেশ দুই টাকা
উপার্জন করে।

ভীমঘোড়া দেখিয়া আমরা দশাবতারের মন্দিরে প্রবেশ
দশাবতারের করিলাম। এই মন্দিরটা ঠিক জাহ্নবীকূলে স্থাপিত।
মন্দির।

ইহার অভ্যন্তরে শ্রীকৃষ্ণের দশাবতারের দশটি
প্রস্তর-বিনির্মিত মূর্তি বিরাজমান।

এখান হইতে আমরা শিবালিক-গহ্বরস্থিত কালিকাদেবীর
মূর্তি দর্শন করিয়া বিষ্ণুকেশ্বর মহাদেব দর্শন করিতে
বিষ্ণুকেশ্বর। যাইলাম। এই মন্দিরটা মায়াদেবীর মন্দিরের
সন্নিহিত—রাজপথের কিছুদূরে জঙ্গলের ভিতর শিবালিকের
একটি শিখরে সংস্থাপিত। মন্দিরটা যে পুরাতন সে বিষয়ে
সন্দেহ হইল না। মন্দিরপার্শ্বে একটি বিষ্ণুবৃক্ষ আছে—বোধ
হয় সেই জন্মই ইহার বিষ্ণুকেশ্বর নাম হইয়াছে। যাহা হউক,
আমরা বিষ্ণুকেশ্বর দর্শন করিয়া বাসায় ফিরিয়া আসিলাম।

পরদিন প্রভাতে উঠিয়া আমরা কনখলে যাত্রা করিলাম ।
 হরিদ্বার হইতে কনখল প্রায় দুই মাইল । হরিদ্বারে
 কনখল । যেমন দুইটা বৈ আর রাস্তা নাই—কনখলে সেরূপ
 নহে । হরিদ্বারে মায়াদেবীর মন্দির ব্যতীত আর সমস্তই
 আধুনিক বলিয়া বোধ হয়—কিন্তু কনখলের ঘর বাটী, মন্দির,
 রাস্তা, দেখিবামাত্র প্রাচীন বলিয়া বুঝা যায় । মহাভারতাদিতেও
 কনখলের উল্লেখ দৃষ্ট হয় * । প্রবাদ, কনখল প্রজাপতি দক্ষের
 রাজধানী ছিল । সেকালে যে কনখল নিশ্চয়ই দ্রষ্টব্যের মধ্যে
 পরিগণিত হইত, তাহাতে আর সন্দেহ নাই । মহাকবি কালিদাসের
 মেঘদূতে যক্ষ মেঘকে অলকায় যাইবার পথে দৃষ্টাবলীর নির্দেশ-
 কালে বলিতেছেন যে,—

“ তস্মাদাচ্ছেরনু কনখলং শৈলীর্যজাবতীর্ণাং
 জহ্নোঃ কথ্যং সগরতনয়স্বর্গসোপানপঙ্ক্তিম্ ।
 গৌরীবক্ত্রকুটিরচনাং যা বিহস্তেব ফেনৈঃ
 শস্তোঃ কেশগ্রহণমকরোদিন্দুলগ্নোশ্মিহস্তা ॥”

এই প্রাচীন নগরীর শ্রেষ্ঠতম তীর্থ দক্ষেশ্বর মহাদেব ও
 সতীকুণ্ড । যে স্থানে মহামায়া আত্মশক্তি সতী
 দক্ষেশ্বর ও সতীকুণ্ড । দেবী পতি-নিন্দা-শ্রবণে দেহত্যাগ করিয়াছিলেন—
 সেই স্থানই সতীকুণ্ড । পাণ্ডারা উত্তমরূপ দক্ষিণা প্রাপ্ত হইলে

* “সনৎকুমারঃ কোরব্য ! পুণ্যং কনখলং তথা ।

পর্বতস্ত পুরুর্নাম যত্র জাতঃ পুরুষবাঃ ॥”—মহাভারত ।

• “তীর্থং কনখলং নাম গঙ্গাধারেহস্তি পাবনম্ ।”—কথাসরিৎসাগর ।

সেই কুণ্ডমধ্যে হোম করিতে দেয়। এই সতীকুণ্ডের সমীপে দক্ষেশ্বর মহাদেব। যে মন্দিরে দক্ষেশ্বর বিরাজ করিতেছেন, তাহা উচ্চচূড় এক প্রকাণ্ড বটবৃক্ষের শাখার ভারে ভাঙ্গিয়া গিয়াছিল, এখন পুনরায় মেরামত হইয়াছে।

কনখলের গঙ্গা নীলধারা নামে অভিহিত হয়। এই নীলধারা গঙ্গায় অবগাহন বিশেষ প্রশস্ত। মহাভারতের নীলধারা। বনপর্বের লিখিত আছেঃ—

“ বিশেষো বৈ কনখলে গঙ্গাগে পরমং মহৎ ।

ষট্কার্ষ্যশতং কৃতা কৃতং গঙ্গাবসেচনম্ ৷

সর্বং তৎ তন্তু গঙ্গাপোঃ দহত্যগ্নিরিবেক্ষনম্ ॥”

নীলধারার তীরে বর্জসংখ্যক উদ্যান। সেই সকল উদ্যান হইতে সোপানাবলী জলে নামিয়াছে। প্রত্যেক উদ্যানে এক একটা করিয়া দেব মন্দির আছে—প্রত্যেক মন্দিরই অতি সুন্দর ও নানাবিধ কারুকার্য্যবিশিষ্ট। হরিদ্বারের ন্যায় এই সকল মন্দির বা ঘাট জনাকীর্ণ নহে। দূর হইতে এই শাস্ত্র পবিত্র চিত্র বড় হৃদয়গ্রাহী—বড় নয়নপ্রীতিকর—মনে হয়, যেন চির শাস্ত্র এখানে নিয়ত বিরাজ করিতেছে।

ভাগীরথীর অপর কূলে চণ্ডী পাহাড়। এই পাহাড়ের শিখর দেশে একটা দেবালয় আছে—ইহাই চণ্ডী দেবীর চণ্ডী পাহাড়। মন্দির। কথিত আছে যে, এই স্থানে পূর্বের মহা- একটা ত্রিশূল ছিল—এখন বাড়ে পড়িয়া গিয়াছে।

কনখল ও হরিদ্বার লইয়া এখানে একটা মিউনিসিপালিটি
 মিউনি- স্থাপিত হইয়াছে। হরিদ্বার ও কনখল অতি প্রাচীন
 সিপালিটি। তীর্থ হইলেও পথ ঘাটের দুর্দশা দেখিলে বিস্মিত
 হইতে হয়। মিউনিসিপালিটির বন্দোবস্তে এখন রাস্তা ঘাট
 কতকটা পরিচ্ছন্ন থাকে, নতুবা মলমূত্রের দুর্গন্ধে পূর্বের গাঁতয়াত
 কর্মকর হইত। হরিদ্বারের ঘর বাটীর অবস্থা অতি শোচনীয়।
 বাটীর নিম্নতল প্রস্তরনির্মিত, উপরতল ইটকঁনির্মিত; কিন্তু
 কনখলের সমস্ত বাটীই প্রস্তরনির্মিত। বাঙ্গালী ভদ্রলোকের
 সপরিবারে থাকিবার মত ভাল বাটী একটাও নাই—সমস্ত বাটীই
 যাত্রী থাকিবার মত। পাণ্ডারা কেহই হরিদ্বারে থাকে না;
 সকলেই কনখলে বাস করে। কেন যে পাণ্ডারা হরিদ্বারে ভাল
 বাটী করে না, তাহা জানি না—বোধ হয় তাহারা স্বয়ং হরিদ্বারে
 থাকে না বলিয়া এখানে বাটীর উন্নতিসাধনে মনোযোগী হয় না।
 অত্রস্থ মিউনিসিপালিটির অধীনস্থ স্থানের লোকসংখ্যা প্রায়
 ২০,০০০ হাজার।

হরিদ্বার বেশ স্বাস্থ্যকর স্থান—কেবল বর্ষাকালে জ্বরের বড়
 প্রকোপ হয়। মেলার সময় পূর্বের ভয়ানক কলেরা
 জল বায়। হইত, কিন্তু এখন গভর্মেন্টের খর দৃষ্টিতে অনেক
 কমিয়া গিয়াছে। এখানকার জল অতি সুস্বাদু ও জীর্ণকারী।
 যতই আহাৰ করা যাউক না কেন, একবার জাহ্নবীর নিশ্মল
 সলিল পান করিলেই সমস্ত অচিরে জীর্ণ হইয়া যাইবে।

এই ভুবনবিখ্যাত পুরাতন তীর্থের নাম লইয়া একটু গোলযোগ

আছে। শৈবেরা বলেন, এই স্থানের নাম
নাম।

‘হর-দ্বার’; বৈষ্ণবেরা বলেন, ‘হরি-দ্বার’। মহা-
ভারতে ইহা ‘গঙ্গা-দ্বার’ নামে অভিহিত হইয়াছে *। আবার কেহ
কেহ বলেন যে, এই তীর্থের নাম ‘মায়াপুর’ ও ইহা “সপ্ত মোক্ষ-
দায়িকা” ধামের মধ্যে এক ধাম। আমরা কাশীখণ্ডের সপ্তম
অধ্যায়ে দেখিতে পাই যে, এই স্থান হরিদ্বার, গঙ্গাদ্বার ও মায়াপুর
এই তিন নামেই প্রথিত ছিল †। মহাকবি কালিদাস হরিদ্বার,
গঙ্গাদ্বার বা মায়াপুরীর কোনও উল্লেখ না করিয়া কেবল কনখলের
নাম যে কেন উল্লেখ করিয়াছেন, তাহা বলা যায় না—কিন্তু
পূর্বে যে উহা ঐ সকল নামে অভিহিত হইত, তাহা মহা-
ভারতাদির শ্লোকদৃষ্টে স্পষ্টই প্রতীয়মান হয়।

চীন-পরিব্রাজক হিউএনসাং খৃষ্টীয় সপ্তম শতাব্দীতে এই
প্রদেশে ‘ময়ুলো’ নামক নগরীতে আসিয়াছিলেন বলিয়া উল্লিখিত
হয়। কনিংহাম সাহেব এই ‘ময়ুলো’ ও ‘মায়াপুর’ একই নগর

* “ততো গচ্ছেত ধর্মজ্ঞ নমস্কৃত্য মহাগিরিम्।

স্বর্গদ্বারেণ যৎতুলাং গঙ্গাদ্বারং ন সংশয়ঃ ॥”

—বনপর্ব ৮৪ অধ্যায়।

“বিভেদ তরসা গঙ্গাং গঙ্গাদ্বারং বুধিস্তির।

পুণ্যং তদধ্যায়ন্তং রাজন! ব্রহ্মধিগণসেবিতম্ ॥”

—বনপর্ব ৯১ অধ্যায়।

† “ততো মায়াপুরীং প্রাপ্তঃ চতুঃপাং পাপকারিভিঃ।

যত্র সা বৈষ্ণবী মায়া জন্তুর্ন্য পানিশ্ন পাশয়েৎ ॥

কেচিদুর্চরিত্বারং মোক্ষদ্বারং জন্তুঃ পরে।

গঙ্গাদ্বারং কেহপ্যাহঃ কেচিমায়াপুরীং পুনঃ ॥”

—কাশীখণ্ড।

বলিয়া স্থির করিয়াছেন। এই মায়াপুর বর্তমান হরিদ্বারের কিঞ্চিৎ দক্ষিণে। ‘ময়ূলো’ অর্থে ময়ূর বুঝায়—বোধ হয় ইহার নিকটবর্তী অরণ্যে বহুসংখ্যক ময়ূর বিচরণ করিত বলিয়া উহাকে ময়ূরপুর বলিত। অত্যাপিও ঐ অরণ্যে বিস্তর ময়ূর দেখিতে পাওয়া যায়। ঐতিহাসিক হণ্টার বলেন যে, পূর্বের এই তীর্থের নাম ‘কপিলস্থান’ ছিল। অত্যাগ্র প্রত্নতত্ত্ববিদ পণ্ডিতদিগের মত এই যে, ‘হরিদ্বার’ নামটা আধুনিক—কেন না প্রসিদ্ধ মুসলমান লেখক আবু রিহান ও রসিদ উদ্দীন কেবলমাত্র ‘গঙ্গাদ্বার’ নামেরই উল্লেখ করিয়াছেন। এই সমুদায় নামবিভ্রাটের মীমাংসা করা আমাদের সাধ্যাতীত; তবে আমরা এই পর্য্যন্ত অনুমান করিতে পারি যে, গঙ্গাদ্বার, কপিলস্থান ও হরিদ্বার একই নগরীর বিভিন্ন নামমাত্র। মায়াপুর হরিদ্বার হইতে পৃথক হইলেও এখন সমস্ত স্থানটা হরিদ্বার নামে অভিহিত হয়।

• এই পুণ্যতীর্থে যিনি ত্রিরাত্র বাস করিয়া জঙ্ঘুবীর পূতসলিলে স্নান করেন তাঁহার অশ্বমেধ যজ্ঞের ফললাভ হয় ;
মাহাত্ম্য। তিনি অশেষ পাপরাশি হইতে বিমুক্ত হইয়া পরকালে অক্ষয় স্বর্গবাসস্থলে অধিকারী হয়েন। মহাভারতে লিখিত আছে—

“গঙ্গাদ্বারে কুশাবর্তে বিষকে নীলপর্কতে ।

তথা কনথলে স্নাত্বা ধূতপাপ্যা দিবং ব্রজেৎ ॥”

“ততঃ কনথলে স্নাত্বা ত্রিরাত্রোপোষিতো নরঃ ।

অশ্বমেধমবাগ্নোতি স্বর্গলোকঞ্চ বিন্দতি ॥”

হরিদ্বারের গঙ্গাতীরের দৃশ্য বড়ই হৃদয়-গ্রাহী। প্রাতঃকাল হইতে সন্ধ্যা পর্য্যন্ত কেবল অবিরাম ধর্ম্মকর্ম্মের স্রোত বহিতে থাকে। কাহারও অন্য চিন্তা নাই—

গঙ্গাতীরের
দৃশ্য।

তাহার অবসরও নাই। সকলেই রংগালের কর্মে অবহিত। কত অসংখ্য নর-নারী দলে দলে আঁঠু বিষ্ণুপাদপ্রসূতা জাহ্নবীর নিম্নল সলিলে অবগাহ করিয়া আজন্ম-সঞ্চিত-পাপরাশি বিধৌত করিতেছে—কত ভক্ত সেই পুত-সলিলে দণ্ডায়মান থাকিয়া যুক্তকরে স্তব্ধে পঠ করিতেছেন—কত দানবীর দীন দরিদ্র ভিক্ষুকদিগকে আহাৰ্য্য পরিধেয় বা অর্থ দান করিতেছেন—কোথাও শ্রাদ্ধাদি পিতৃকার্য্য সম্পাদিত হইতেছে, কোথাও সাধুসন্ন্যাসীদিগের ভোজনের আয়োজন হইতেছে—কোথাও কোনও যোগিবর ধর্মোপদেশ দিতেছেন—আর অগণিত-নর-নারী গলদগৈরীকৃতবাসে শ্রবণ করিতেছে—এই সকল দেগিয়া প্রাচীন ভারতের হিন্দুজাতির পূর্বকথা হৃদয়ে জাগিয়া উঠে। সায়ংকালে যখন ভাগীরথীর নিম্নল সলিলে অসংখ্য দাপাবলী সান্ধ্য-তারার ন্যায় প্রতিভাতহয়, যখন গঙ্গাদেবীর আনন্দিক-কালীন সহস্র-কণ্ঠোচ্ছিন্ন নানাযন্ত্রসম্মিলিত স্তবধ্বনিতে আকাশমণ্ডল পরিপ্লুত হয়—যখন ভাগীরথীতীরবাসী শরীরবদ্ধ বৈরাগ্যসদৃশ, জটাজূটসমায়ুক্ত, বিভূতি-ভূষিত, সদ্যোহৃত হোমকুণ্ডের সম্মুখে একপদে দণ্ডায়মান সাধুমণ্ডলীর শঙ্খধ্বনি পর্বতে পর্বতে প্রতিধ্বনিত হইতে থাকে—তখন দুঃখশোকময় সংসারের অস্তিত্ব বিস্মৃত হইতে হয়—তখন বিষয়চিন্তা হৃদয়কন্দর হইতে দূরে পলায়ন করে—তখন ভক্তির পীযুষধারায় পঙ্কিল মন স্বতঃই দ্রব হইয়া দয়াময় শ্রীভগবানের চরণার্চনে জীবনের অবশিষ্টাংশ অতিবাহিত করিতে প্রয়াসী হয়।

